


11277

11277

12





Pharmacopœi Parisienses

ExDono
Magistri GILLET

1765

Table

- 1^o Claves (G.) - Apologia Argypoeica et Chrysopoeica
Nivernis, 1590, 217 p.
- 2^o Claves (G.) - Directa et vera ratione propugnandi
Lapidis philosophici - Nivernis, 1592, 80 p.
- 3^o Claves (G.) - De triplici preparatione argenti
et auri - Nivernis, 1592, 24 p.

Res 11272
A P O L O G I A

ARGYROPOEIAE
ET CHRYSOPOEIAE.

*Aduersus Thomam Erastum medicina
in schola Heydelbergensi
professorem.*

Ad Illustrissimum Principem Ludoui-
cum Gonzagam Niuernensium
& Rethelensium Ducem.

*Authore Gastone Clauco subpræsidente par-
ticulari Niuernensi.*




N I V E R N I S,

Ex officina Petri Roufsin Typographi D.
Ducis Niuernensis & Rethelensis.

M. D. XC.

Radulphus Torrenus P. D. D.







ILLVTRISSIMO

*Principi Domino suo Ludouico Gō-
zaga Niuernensium & Rethelen-
sium Duci Gaston Duclo subprases
particularis Niuernensis, Salutem
& fœlicitatem peroptat.*



I quidquã est, Princeps
illustrissime, quod ci-
uitatem semel rectè
stabilitam ab euersio-
ne immunem conser-
uare & retinere possit,
vnica sanè est obediẽtia à populo Prin-
cipi, qui illi præest, præstanda. Ipsa est
firmissimum & solidissimum fundamẽ-
tum, quo superædificatæ ciuitates nus-
quam postea collapsuræ sunt. Hanc ti-
bi obedientiam, Princeps illustrissime,
cum ex præcepto vocis euangelicæ nos
tibi subditi debeamus, cò magis debe-
mus, quòd catholicæ fidei & religionis

re ipsa sis & semper perseueraueris propugnator acerrimus. Hinc viget eadem fides & religio catholica in tota tua prouincia, nec quisquam est, qui se illius legibus submittere detrectet. Verum alia etiam est causa obedientiae tibi praestaudae inuictissima, beneficia nimirum tua in gentem tuam Niuericam a te collata, Quae tot & tanta fuere ab initio auspiciatissimi & foelicissimi tui aduentus in hunc usque diem, ut eadem gens vitam tibi debere & fortunas suas omnes deuouere, & velit nolit agnoscere cogatur. Tu ut verus pater patriae ijs, quae ad conseruandas huiusce tuae prouinciae familias pertinet, eminus semper prouidisti. Cum enim harum conseruandarum ratio partim consistat in constituendis magistratibus, qui iuri dicundo praesint, ipsumque aequabiliter unicuique reddant, & sceleratos poenis coerceant, partim in auertendis ijs, quae maiore vi accidunt, Quis nescit, illustrissime Princeps, te in constituendis illis magistratibus solam probitatis, capacitatis & experientiae eorum rationem habuisse? Non auro eos stabiliisse, ne venale ius redderent, non pre-

cibus ne ijsdem iuri reddēdo flecti possent, sed tua sponte, perspecta prius, & plerūque à te ipso examinata eorundē conscientia, doctrina & rerum experientia? Quòd ad graues tributorum exactiones & militum insolentes deprædationes attinet, quis etiam ignorat te consilio regū adscitum inopiam patrię tuæ verè & constanter proposuisse, tuique gratia & fauore moderationem quandā tributorum subitos tuos consecutos fuisse? Lasciuia autem & deprædationem militum, quibus nihil ægrè magis ferunt imbelles agricolę & qui ruri habitāt, auctoritatē tuam & præsentia, quoties adfuit, quātum fieri potuit cohibuisse? Maxima hæc quidē sunt, Princeps illustrissime, beneficia tua erga populum tuum collata, quæ tamen conferenda nō sunt cum his, quæ ab execranda, deploranda tamen nece regis, eidē populo à te collata sunt. Postquam enim ab exercitu, cui defendēdę catholicę religionis causa in Aquitania præfectus eras, in aulā regiā euocatus rediisses, atque hinc in hanc tuam prouinciam te contulisses, quantā ex tui præsentia & auctoritate utilitatē

patriæ tuæ omnes incolæ tibi quæ subditi
perceperint, totî Galliæ est notissimum.
Cæterarum ferè prouinciarû omnes gē-
tes hisce calamitosis & miserrimis tēpo-
ribus assiduis militum incursionibus ve-
xati, nec quid suum sit aliquid habere,
iactitare possunt. Omnia & in vrbibus &
ruri aguntur vi. Metus, pavor & diffidē-
tia vbique singulis momentis omnium
corda obsidet: in vrbibus præsidiorû vis
legem dictitat ciuibus & magistratibus,
quos olim eadem reformidabāt: Perpe-
tua dissidia, iurgia & bella intestina, im-
pune scelerati deprædantur, in omnibus
silet vox iudicis. His vrbibus qui præ-
sunt & imperant, nihil ciuibus largiuntur,
quin potius quod habēt, auferunt. Hisce
omnibus malis singularis tua prudentia
nos liberauit. Vnusquisq; tam domi quā
ruri tutò & nullo metu perterritus res
suas satagit, omnia iure aguntur, nōdum
vox iudicis siluit. Quis autē audeat cō-
queri te quidquā à tibi subditis exegisse,
quin potius profiteatur tuis sumptibus li-
beralitate tua omnium saluti cōsuluisse?
Quibus sanè commodis & bonis nusquā
potiti fuisset, nisi confestim grauissi-

mo dissentionum & opinionum morbo
succurrisses, quibus non minùs gens tua
affecta & penè obruta erat,quàm ceteræ
prouinciæ:Neque tamen ferro aut mili-
tari manu,cum potuisses , reinediũ huic
morbo adferre voluisti, sed quæ in cate-
ris Galliaë partibus pax & cõcordia, bel-
lorum finis, multa cum internecione cõ-
quiri non potuit , eandem tua singulari
providentia & admonitionibus inuictis
& summa ratione fultis, hominibus tuis
cum omnium salute attulisti. Fœlices ni-
mium nos, si bona hæc omnia à tua pa-
terna beneuolẽtia fluxisse agnouerimus,
& accepta excellentiæ tuæ retulerimus,
& sine quibus iam actum esset de nobis.
Cõtra miserrimi & fœda ingratitude
labe inquinati, si tantorum bonorũ gra-
tiarum actionem supplices non retuleri-
mus, iussisque & mandatis tuis proni nõ
paruerimus. Talpa etiã cæciores, si, quæ
nobis mala impendebant, nisi ea tua ex-
cellentia auertisset, non perspexerimus,
cum cõterarum regionum aut vrbium
homines quotidie iter transigẽtes & huc
appellentes agnoscant, qui se velut ex or-
co in elysium quoddam migrasse palam

profitentur. Præter hæc memorata beneficia tua, Princeps illustrissime, quæ metropolis ciuitatis tuæ tibi subditis cū cæteris patriæ tuæ Niuernensis communia fuere, alia quoque beneuolentiæ & liberalitatis tuæ dona persenserunt. Primum meditatus præclaras tum respublicas tum ciuitates florere celebrium virorum numero, qui & vitæ sanctimonia pollerent, & singulari doctrina conspicui essent, easque perpetuò conseruari non posse nisi per subrogationem, collegium Iesuitarum tunc sumptibus institui. Ex horum scholis iuuenes instructi plerique, iam pridē doctrina præclari & conspicui emergere, & quotidie emergunt magnæ spei & expectationis adulescentes, qui rempublicam aliquando administraturi sunt. Fatendum est enim ingenuè in erudienda iuuentute huiusce societatis homines antecessoribus nostris præfulsisse. Deinde, Princeps illustrissime, vt omni beneficiorum genere ciuibus tuis eandem paternam beneuolentiam tuam demonstrares, impetraſti à regibus anteaſtis immunitatem tributorum, quibus olim exoncrata erat hæc
tua

tua civitas metropolis , eique te sponte delegasti , & quotannis eadem tributa tuis nummis ex proprio tuo arario desumptis persoluiſti , tuosque exolviendo liberos reddidiſti. Sunt etiam ex genere eorum , quæ præclaras vrbes efficiunt, ingenioli multarum artium artifices, Hinc vitrariæ, figulinæ, & encauſticę artis artifices egregij iuſſu tuo accerſiti & immunitate tributorum alliciti præſtãtia opera ciuibus tuis commoda, magiſque exteris admiranda ſubminiſtrant. Sed & nouiſſimis hiſce diebus typographum & ſculptores ingenioſos multis tuiſ ſumptibus huc appellere iuſſiſti. Sic viris conſpicuis ciuitatem tuam ornatã, ædificiis quoque perpolitam eſſe voluiſti, præſertim quòd & lignorum, lapidũ calcis, & arenæ, quæ ad ea conſtruenda ſunt neceſſaria, multa eſſet copia. Verũ obſtabat nescio quoddã graue emphytheoſis iugum , patrum noſtrorum minùs quàm iure liceret ædificiis impoſitum. Hoc onere deterrebantur, qui proprietatem haberent ædificare, ſeu ne obceſſationem ſolutionis vectigaliſ per triennium in commiſſum caderent, vel

ne ad hæredes, nisi vtrique focij essent, urbana prædia transirent. Hac igitur in re etiam prouidisti : Et ne ampliùs hac occasione imposteriorum deterrentur ab ædificando , apud consilium Regis impetraſti, vt edicto mutatum sit graue illud & velut tyrannicum & barbarum vectigalis onus in aliud alterius speciei dominium mitius , scilicet census. Pro his omnibus, Princeps illustrissime , nihil à nobis exigis, quàm obediētiam tibi iure debitam, & vnanimem omnium consensum, quo te magis munitũ quàm multis hominum milibus sæpe palam declarasti. Quantum ad me attinet, Princeps Illustrissime , nolim omnium tuorum ciuium tibi que subditorum postremus haberi , qui tuis iussis parere peroptem , non solùm quòd in vniuersum ex eorum sim numero, qui & iure diuino & naturali & ex liberalitate tua obstricti sunt , verum etiam quòd alia peculiaris sit causa, qua idem hoc debeã. Anno enim 1584. cum ego vnus ex decurionibus huiusce tuæ vrbs metropolis, Lutetiam, me contulissem , & publicorum negotiorum rationem tibi red-

didissem, tu me subpræsidis particularis officium gerere iussisti. Cum minùs, quàm de hoc cogitarem, meque huic oneri subeundo imparem mihi conscius essem, meque immeritum agnoscerem, tu nihilominus sufficere me posse existimasti, & præstito iuramento hoc titulo me donasti. Scio, Princeps Illustrissime, pro tot & tantis tuis erga me beneficiis, nihil à me aliud præstari velle te, quàm vt hoc officio, vt virum decet probum, defungar, & quem iuri dicendo præesse voluisti, vnicuique sine iniuria ius reddam. Hæc, si non vt debui, saltem vt potui, præstiti: Verùm an esset in me aliud, in quo parēdi tibi desiderium meum magis demonstrare possem, cogitavi. Sanè ingenij mei vires adeo tenues & imbecillæ sunt, vt obsequio excellentiæ tuæ debito minùs respondere possint: At id nos velle oportet, quod possumus, non autem ex diuerso audere posse, quæcumque volumus. Existimaui igitur excellētiam tuam non omnino aspernaturam, si, quod de Argypœia & Chrysopœia sentirem, nomini tuo dicarem, & in lucem proferre,

Non me latet artem hanc iampridem multis inuisam, & iisdem de ea differentes, ridendi, atque imprimis Erasto medico germano, aduersus quem hanc artem tueor, multis argumentis probabilibus eam impetendi occasionem præbuisse. Sed si vera est ars, nihil est quod inuisa aut irridenda sit. Si argumenta in contrarium adferantur aduersus Erastum probabiliora, & ipsa experientia comprobentur, nihil est quod Apologiam hanc improbare possit Erastus. Nam ceu multa probabilis ratio vera esse persuadet, quæ falsa esse experientia ipsa coarguit, sic & ex aduerso multa impossibilia probabilis ratio suadet, quæ experientia ipsa vera esse comperiuntur. Finis rerum, ait Aristoteles, non cognitio, sed praxis. Equidem ignarus non sum institutum hoc meum professionis meæ metas transgredi, mihi que, quod vulgo solet, obiici posse. Ne sutor ultra crepidam. Verum ita à natura comparatus sum, ut quæ abstrusa & à vulgi sensibus longè remota essent sedulo inuestigauerim. Nec propterea tamen quæ propriæ professionis essent partes & officia

vsquam huc vsque deferuerim , aut de-
 ferturus sim. Quas horas plerique pilæ,
 chartis, & aliis ludorum generibus col-
 locare solent, easdē in inquirēdis naturæ
 arcanis collocaui. Solent etiam plerique
 propriis studiis alia alterius generis stu-
 dia intermiscere. Sic ego iam ab incū-
 te adolescentia velut à natura impulsus,
 progrediēte etiam ætate , cum per otiiū
 licuit, nunc autem non licet, si quid ve-
 ri & sinceri hac arte præstari posset, in-
 uestigauī : non comparandarum opum
 desiderio , quas sanctio Iustiniana suffi-
 cientes necessariis rebus exhibere solet,
 sed discendi. Sicut alimentum sumimūs
 vt viuamus, non autem viuimus , vt be-
 lvarum more saginemur, sic hæc ars non
 expetenda, vt ditiores efficiamur, sed vt
 ijs sine quibus multæ artes addisci ne-
 queunt, non careamus. Quod si omnia
 quæ de hac arte tradita sunt , verissima
 non sint , saltem ea quæ experientia ve-
 ra esse comperi , nemo nisi iniuria falsi-
 tatis coarguere poterit. Mihi sat erit,
 Princeps Illustrissime , qui de omnibus
 sapienter & grauitè iudicare soles, si hæc
 Apologia nomini tuo dicata, authorita-

te tua in lucem prodibit. Ipsa enim sola se tueri non poterit. Illam igitur auspicio excellentiæ tuæ, dum à grauioribus studiis respiro, in vulgus emitto. Nec dedignabitur excellentia tua, si illi placitū sit, ab humilissimo seruo tuo, quod parendi tibi gratia offertur, recusare. Deum optimum maximū supplex oro, Princeps Illustrissime, & mi Domine, vt te incolumem seruet, vitamque tuā in longos & fœlices annos protrahat, mihiq̃ gratiam hāc largiatur, vt quot vitæ meæ supersunt dies, iussis tuis capescendis & exequendis eos impendere possim. Ex tua metropoli vrbe Niuernensi Calendis Aprilis. 1590.

ADMONITIO AD LECTOREM.

*Plura vocabula idiomate Græco magis propriè
enuntiata fuissent, sed defuerunt
typographo characteres
Græci.*



APOLOGIA

ARGYROPOEIAE

ET CHRYSOPOEIAE.



O V V M hoc dicendi *Exordium.*
 subiectū quasi à pro-
 fessione nostra alienū
 plerique statim audi-
 to Apologię seu de-
 fensionis huiusce ti-
 tulo damnabunt. Sed & plures temeri-
 tatis me coarguent, quòd cum potentif-
 simo aduersario Thoma Eraſto germa-
 no medico atque excellentiſſimo phi-
 losopho in re toties præiudicata congre-
 di audeam : Tum verò quòd in re tam
 abstrusa multisque multorum ſeculorū
 viris ampliſſimis hætenus incognita
 certi aliquid & veri pronuntiare contē-
 dam. Multi, vt varia ſunt hominum in-
 genia, de hac noſtra Apologia ſeu de-
 ſenſione Argyropœię & Chryſopœię

variè estimabunt. Quibus omnibus responsum esse velim, me nullis eorum estimationibus ab hoc instituto meo auocari posse, dum Reipublice, cui omnes fortunarum nostrarum maiorem partem debemus, prodesse puto. Sanè ego, ut variæ sunt à natura hominum inclinationes, cum aliquando per otium licuit, veterum, qui hac de re tractauerunt, volumina diligenter perlegi, naturam metallorum proprijs examinibus exploraui, hos qui huiusce artis secreta præ ceteris callere putabantur, adiui, consului: Multa multis ab hinc annis tentavi: Et quam summi viri operam in euoluendis libris à professione propria alienis succisiuis horis collocarunt, in hoc artis studio iisdem horis eandem operam aliquando impendi. Neque alius fuit mihi scopus, quàm veritatis agnoscendæ studium, quam vnumquemque virum probum totis viribus amplecti oportet. Veterum scripta ferè omnia ænigmatica & veluti Apollinis oracula nulla arte tradita deprehendi, ut incertus magis ab eorum lectione abierim, quàm cum primum ad eam accessissem. Solus Geber

Arabs

Arabs aliquo ordine atq; methodo hanc artem tradidisse videtur: Sed, vt ipse fatetur capite vltimo suæ summæ perfectionis, vbi magis apertè locutus est, ibi magis artem suam occultauit. Plura etiam sophistica atque inutilia veris & vtilibus miscuit, & quam plerique ex illius libris metamorphosin expectabant, in sese ipsis experti sunt: Ita vt ex diuitibus pauperes euaserint, & ex honestis viris turpes habiti sint. Quod & ijs idem accidisse video, qui aliorum scripta nullis rationibus fulta, sed per manus tradita experiendo miseri & mendici conspiciuntur. Quæ cum omnia apud me perperderem, aliquem reipublicæ fructū allaturum me posse putavi, si quàm verè hæc ars posset subsistere, apertè, & certa methodo, explosis omnibus ambagibus, quantùm animi vires ferunt, in lucem proferrem. Ita enim fiet, vt qui in re tam abstrusa magis veritatis agnoscendæ studio quàm acquirendarum opum desiderio tenebuntur, eos forsitan minimè hæc perlegisse pœnitcat: Hi verò, qui oleum & operam hætenus perdiderunt, auctorum suorum & proprios errores a-

liquando emendent, & sapere incipiant: hi verò qui nondum in his aliquid degustarint, si fortè incumbere studium sit, viam rectā ingressi nusquam postea aberrare possint. Omnes autem qui hæc perlegerint, & intellexerint ab impostorum & sophistarum dolis & fraudibus imposterum tuti sint. Quid quæso vtilius & humanum magis, quam aliquò pergentibus, viam, quam ignorant, rectam demonstrare, & in eandem, si fortè aberrauerint, reuocare? Nec quisquā nisi iniuriā possit institutum hoc meum dānare quasi ab ea arte, quam profiteor, alienum. Incidunt enim sæpe in forensibus iudiciis quæstiones, quæ à Iureconsultorum responsis aliena videntur, ut de arte medica, de quamplurimis alijs artibus, quas tamē eos ignorasse pudeat, qui causas agunt, atque hac ratione peritos artis priùs consulere, quàm cliētes defendere cogantur. Memini paucis ab hinc³ annis foro nostro Niuernensi, dum causas adhuc agerē, quæstionē hanc tractatam esse. Cuius quidam huiusce urbis, à quodam, quem tunc impostorem ignorabat, torquem, quem aureum asse-

uerabat, empturus eundem fabro aurario lapidis lidij examini probandum mandauerat. Ea probatione coram emptore statim peracta, renūtiavit faber aurarius torquem esse aureum, & ex auro puro constare. Hac fretus fiducia ciuis torquem, tanquam ex auro puro cōstaret, emit. Paulò post tempore vna ex eodē torque fibula scissa intus esse argētea tātūm, exteriùs verò & in superficie aurea esse deprehēsa est. Emptor statim fraude cognita de damnis & interesse aduersus fabrum aurarium contēdit, quòd illius asseueratione falsus emerit, quasi ignorance propriæ artis de culpa teneretur. Contra faber aurarius se rogatum solūm lapidis lidij probationem, quàm verè retulisset, non autem scilpripri, tentasse, eiusque rei nomine nullam accepisse mercedem. Consultus à prudentissimo atque amplissimo viro, cuius nunc sum collega, quid iudicandum putarem, respondi, Si torquis tātūm deauratus esset, aduersus fabrum aurariū sententiam dici oportere, quòd sola deauratio lapidis lidij probatione iterata scilpiùs deprehendi potuisset, Sin verò aurū

superficie*i* torquis adglutinatum corpus per se substitisset, exceptione tutum fabrum aurarium, eumque absoluendum, quòd minimè lapide lidio, sed scalpro tantum iudicari potuisset. Secundum hoc interlocutione lata, aqua acri probatione vnus ex fibris facta substitit corpus aureum in imo vasis vitrei, argentum verò effusum & solutum in aqua acri conspeximus. Quòd si sola deauratio fuisset, in puluerem impalpabilem & tenuissimum eiusdem vasis vitrei fundo subsidisset. Hoc vbi ab emptore cognitum, à lite discessit, præiudicialem enim sententiam præiuderat. Verum ita iudicari non potuisset, nisi consultis hac de re fabris aurarijs, atque emendicatis eorundem consilijs. Quòd autem Erasto, qui probris & conuitijs multis hanc philosophiæ partem, cuius ignarus fuit, lacerassiuit, respondere sub finem Apologiæ conabor, iudicio saniorum hominum relinquam, responsio nostra futura sit necne potior probris & conuitijs. Equidem Erastus vir fuit summæ authoritatis, sed fuit homo, multasq; artes & faciles quidem ignorauit, quæ imbecillioris inge-

nij homines non ignorauerunt. Multas quidē vniuersales propositiones in medium adduxit, at eas, quæ arti huic sunt propriæ, & peculiæres, ignorauit. Quod ad ceteros attinet, institutum hoc meum, vt volent, æstiment. Iis tantum scribo, qui non indieta causa, sed omnibus hinc inde examinatis & perpensis rectè iudicant, & arcana Dei suspiciunt & venerantur. Nec verò mihi quis imputet, vel vitio vel crimini, si quæ hætenus celata sunt, in lucem proferam. Imo coarguēdi veteres necnon & cæteri, qui rem per se satis obscuram suis inuolucris obscuriorem reddiderunt. Quod si agendi methodum celare illis licuit, saltem rationes & causas, ex quibus, à quibus, per quas, & propter quas ars consistere possit, aperuisse debuissent: Quod à nullo eorum præstitum video. Nec tamen verendum fuerat ad hanc artem perueniri posse, quantumuis perspicuè & verè scriptis mandetur, nisi à peritissimo & in principiis artis maximè experto manibus tractetur. Speculatio tamen sola periucunda est, & grauioribus studiis prægrauatos animos reficit. Iam igitur

quotquot estis arcanorum perscrutato-
res acerrimi, & veritatis amatissimi, huc
adeſte, Vobis enim admiratione digna
& nuſquam ab aliquo ſcriptis mandata
perſpicuè & verè patefaciam, & defini-
tionibus, diuiſionibus & demonſtratio-
nibus phyſicis, quantum fieri poterit, il-
luſtrabo. Vno etiam momento compre-
hēdetis, quidquid iam ſenex & ſexaginta
annos natus multis meditationibus &
experimentis triginta quinque ferè ab
hinc annis, cum per otium licuit, com-
prehendere potui, vt, an verè hæc ars
ſuſſisteret, inueſtigarem. Agendi tamē
methodū ſilebo, nec niſi quantum quæ-
ſtionis probandæ, an ſit ars, neceſſitas
iucumbet, generaliter attingam. E R A-
S T V S Germanus natione in ſchola Hy-
delbergenſi profeſſor librum edidit, cui
titulum fecit, De Medicina noua Para-
celſi, Pars prima. Is liber excuſſus Baſi-
leæ per Petrum Pernam anno Domini
1572. Librum hunc cum ſuccuſſiuis horis
perlegiſſem, vidi ſub finem tractatam
quæſtionem hanc ab Eraſto, Vtrum ex
argento viuo aut ignobilioribus metal-
lis tranſmutatis, verum, legitimum, na-

*Propoſi-
tio.*

turale & sincerum aurum argentiumue
 arte confici possit: Multisque tandem &
 validissimis argumentis, & ex eorum
 autoritate, qui iudicio & eruditione
 præstant, constanter negat id fieri posse.
 Ego verò contra constanter adfirmo ex
 argento, plumbo, stanno, ære, ferro, nec-
 non ex argento viuo, aurum, & ex his
 quinque posterioribus argētum verum,
 legitimum, naturale & sincerum à cau-
 sis naturalibus arte ministrante confici
 posse. Hæ sunt sententiæ ex diametro
 pugnantes. Posterioris sententiæ defen-
 sionē suscipio: Atque idipsum est quòd
 hac Apologia præstare conabor. Equi-
 dem si quis vnquam validissimis argu-
 mentis artē hanc oppugnauit, vnus om-
 nium est Erastus summus philosophus
 & consummata eruditionis. Sed tantò
 magis insignis erit victoria, si in hac phi-
 losophiæ parte vicero. Quod efficere
 me posse confido. Et si autem ad proba-
 tionem propositæ quæstionis, scilicet
 Argyropœciam & Chrysopœciam artem
 esse veram, sola sufficeret experientia,
 quæ vicem demonstrationis habet, ta-
 men vt res clarior sit, & manifesta ma-

*Definitio
Argyro-
pœia &
Chryso-
pœie.*

gis, altiùs defodiendum esse existimaui.
Argyropœia & Chrystopœia est ars, quæ
materiam argento & auro proximam
eamque naturalem à causis naturalibus
efficientibus in formam argenteam aut
auream promouere docet. Et vt defini-
tio explicetur, Dixi esse artem, quæ mo-
uet naturales causas, vt discerneretur à
natura, quæ etiam sola sua spõte nullius
alterius ope accita argentum aut aurum
ex suis principijs & causis gignit. Dixi
etiam materiam à causis naturalibus
moueri, vt quatenus materia & causæ ef-
ficientes spectantur, argenti & auri con-
ficiendi ratio tota à natura pēdeat, Qua-
tenus verò naturæ suam propriam ma-
teriam subijcit, vt ipsa agat, sit hæc ad-
ministratio arti propria. Sic & plurimæ
artes definiuntur, vt Agricultura, Medi-
cina, quarum effectus sunt naturales, sed
quia præceptiones certas & arti proprias
& peculiares tradunt, efficere dicuntur:
Sic qui oua gallinæ subministrat, vt
ijs incubet, dum excludantur, aut calorẽ
gallinæ imitando ea fouet, vt etiam pul-
li generentur, pullos efficere dicitur, ta-
met si hic ortus à vi naturali ouis insita
dependeat.

depēdeat. Sic & Argyropœiæ & Chrysopœiæ artifices argentum & aurum efficere dicuntur, dum veluti ministri proximam materiam subiiciunt, & præceptiones tradunt, quibus eadem à causa naturali efficiente fiunt. Sic & Aristoteles artem nimirum id esse statuit, à quodem omnino motus proficiscitur. Adieci in definitione materiam proximam argento & auro subiici oportere, quod non ex omni materia promiscuè omne fiat, sed quod ex ea tantum quæ formā certam nullo intermedio à causa efficiente apprehensura sit. Id autem in progressu manifestum magis erit. Tandem & postremo loco additum est, materiam hanc proximam in argenteam aut auream formam promouendam esse, ut intelligatur idem argentum & aurum arte ministra à natura fieri, quale à sola natura. Ex hac definitione partienda mihi videtur in tres partes hæc Argyropœiæ & Chrysopœiæ ars. Harum prior erit cognitio naturæ metallorum uti eadem natura ipsa in lucem addidit sua sponte ex se sola. Cum etenim idem argentum & aurum atque natura producit, ars

*Partitio
Argyro-
pœiæ &
Chryso-
pœiæ.*

illi ministrans producere contendat, hoc præstare neutiquam posset ignorata metallorum natura, præsertim argenti & auri, vt eadem omnino efficiat. Secunda pars erit cognitio materiæ proximæ argento & auro, & causæ efficientis & mouentis eam ad formam argenti & auri, arte scilicet ministrante naturæ. Et si enim diuersa sit materia proxima ex qua argentum & aurum à sola natura fit, ab ea, ex qua arte ministra eadem ortum subeunt, tamen vtriusque & naturæ & artis scopus ad vnum eundemque finem contendit, scilicet ad formam argenteam aut auream capessendam. ^{prima} ~~Posterior~~ pars erit methodus aut modus agendi, & hic solius est artis, nec naturam omnino promiscuè æmulatur, nisi quatenus ad eundem finem & scopum ad quem natura, deducit. Tres igitur has partes Argyropœiæ & Chrysopœiæ ordine tractabimus, ex quibus sententiam nostram tuebimur, hinc experimentis quibusdam confirmabimus. Tandem argumentis Eraſti respondebimus. Sic Apologiæ finis imponetur. Sed priusquam naturam metallorum disquiramus, eandem in om-

*Ordodicē-
dorum.*

nibus concretis corporibus explorare oportu-
 num esse existimamus, & summa-
 tim quidem & generaliter, cum alioqui
 vberius à physicis hæc haurienda sit. Sic
 fiet, vt cognita in genere rerum omniū
 natura, facilius sit aditus ad penetrādam
 metallorum naturam. Omnium igitur *Natura re-
 concretorum corporum natura ex eorū-
 rum omniū
 dem causis dignoscitur. Scire enim ali-
 ex causis
 quid, vt ait Aristoteles primo physicorū,
 dignosci-
 est per causas cognoscere. Causæ autem
 tur.
 rerum sunt, Materia, forma, efficiens, &
 Cause re-
 finis. Materia est ex qua aliquid fit, in
 rum qua-
 natura enim nihil nisi ex præjacente ma-
 tuor.
 teria aut subiecto fit. Forma est, quæ dat
 Materia
 esse rei, & per quam res nomen habet. *quid sit.*
 Efficiens causa est, quæ mouet materiam *Forma
 quid sit.*
 ad aliquem finem. Finis est propter quē *Efficiens,
 quid sit.*
 aut cuius gratia efficiens mouet mate- *Finis, quid
 sit.*
 riam. Est autem materiæ diuisio, vt alia
 sit remota, alia media, alia proxima. Ma- *Diuisio
 materie.*
 teria remota dicitur, quæ multas muta- *Materia
 remota,
 tiones & formas subitura est, priusquam
 Quid sit.*
 formam alicuius ex quatuor corporum
 naturalium generibus induat. Sunt autē
 quatuor hæc corporum genera, mistum,
Vegetabile, Sensibile, & rationale aut in-*

telligens. Et hæc materia longo distat interuallo ab vnoquoque horum. Ea est materia prima, quæ sola imaginatione aut intellectu non sensibus comprehenditur: Item quatuor rerum primordia, Terra, Aqua, Aer, & Ignis. Ante enim illa nulla alia fingi potest materia. Materia media est inter remotam & proximam, quæ quidem proximior est formis horum quatuor generũ corporũ, quàm materia remota, sed magis ab iisdẽ formis distat, quàm materia proxima. Vt, alimenta propiora sunt corpori animalis quàm elemẽta, remotiora autẽ quàm sanguis, qui ex illis gignitur. Materia proxima est quæ proximè ad formam accedit, & veluti quiddam imperfectum est relatum ad alterius corporis formã perfectiorem. Materia hæc proxima est, vt vnumquodque generis semen, in vniuocis generationibus, aut quod loco est seminis in æquiuiocis. Sed de hac materia proxima plura nobis mox dicenda sunt. Formarum autem genera naturalia sunt ea quatuor quæ dicta sunt, Scilicet forma mistorum simpliciter, Vegetabilis, Sensilis, & rationalis & intelli-

*Materia
media,
Quid sit.*

*Materia
proxima,
Quid sit.*

*Formarũ
genera
quatuor.*

gens. Hæ formæ naturæ magis quam materia rationem obtinent, Quippe à quibus sit omnis effectio, Materia autē potentia sit tantum, quæ non agit, sed patitur propriè. Causa autem efficiens variè diuidi potest. Verum sola hæc nūc sufficiat, quod alia sit vniuersalis, alia particularis. Vniuersalis causa est Deus summus optimus maximus, qui in principio quidem solus ex se solo sua infinita potestate sine alijs quibuscunque causis ex nihilo cuncta creauit. At cū post mundum ab illo creatum voluit naturaliter & extra miraculum ex iam creatis rursus eadem progigni, cœlis & astris vt causis vniuersalibus has vices commisit: Sic tamen vt idem ipse Deus cū his & causis particularibus semper concurrat. Hæ igitur causæ vniuersales omnia hæc, quæ in hac mundi vniuersitate cernuntur diuersi generis aut diuersæ speciei producūt. Aequiuocæ autē dicuntur, quod æquabiliter omnibus impertiāt, & diuersorum effectuum sint causæ. Particularis autem causa efficiens est, quæ in materia proximam seu in dispositum sibi subiectum tantum agit, vniusque

*Diuisio
causæ effici-
cientis.
Causa vni-
uersalis
quæ sit.*

*Causa par-
ticularis
quæ sit.*

speciei aut qualitatis effectum producit, & vniuoca appellatur, qualis est vis & facultas in vnoquoque semine, quæ ipsum mouet dum ad finem peruenerit.

Causa finalis quæ sit.

Finis autem aut causa finalis in iisdem corporibus ex elementorum permistione concretis est, vt forma fiat. In Phisicis enim finis idem est quod forma. His generaliter sic diffinitis disquirenda est metallorū, de quibus est disputatio, natura, quæ sola vi nature in visceribus terre orta sunt. Quæ natura non minus ex

Materia metallorū remota quæ sit.

eorundem metallorum causis, scilicet materia, forma & efficiēte dignoscitur, quàm reliqua mūdi mista corpora. Metallorum igitur sicut & ceterorum corporum omnium materia remota, sunt, vt dictum est, terra, aqua, aër & ignis, ex quibus originem traxisse omnium philosophorum vnanimis est sententia. Gignēdis enim corporibus mistis vnus elementi materia satis esse non potuisset, sed necesse fuit quatuor illa permistione confusa rebus idoneum se subiectum exhibuisse substrataque fuisse. Et si autem prima illa rerum primordia sint materia metallorum remota, proximiora

tamen iisdem sunt quàm vegetabilibus aut sensibilibus. Quippe quòd elementa hæc quatuor sensibus conspiciantur quasi prima esse metallorum necnon omnium inanimatorum soboles naturalis. *Materia metallorum media in visceribus terræ ea est, quæ vi causæ efficientis ex elementorum prima mixtione in aliquod medium transit, quod nondum tamen est materia proxima.* Quod medium est veluti quid informe, nec certâ in natura habet speciem: Quod, quid sit ab authoribus nō est traditū. At *materia metallis proxima, ea est, quæ nullarum aliarum mutationum interuentu à causa efficiente perficitur, & proximè formam metallicam induit, nondum tamen est metallum, sed aliam habet à metallo formam, & vnica sola illius mutatione forma exurgit.* Quæ autem sit illa materia proxima in mineris terræ, variè fuerunt eorum, qui hac de re scripserunt, opiniones. Aristoteles enim tam sublimium, quæ supra terram, quàm inferiorum, quæ in visceribus terræ gignuntur, duplicem exhalationem ait esse horum materiam. Exhalationem quidem à ter-

Materia metallis proxima.

Aristotelis opinio de materia metallis proxima.

ra, quę sit sicca & calida, & ab aqua, vaporē, qui sit frigidus & humidus. Non sic tamen vt exhalatio sicca humore destituatur, nec vapor humidus siccitate, sed in illa siccitatem, in hac humiditatem superare. Exhalationem igitur siccam dicit esse fossilium, vt sunt lapidū genera nō liquabilia, sandaracha, sulphur, ochra, rubrica, & alia eiusdem generis. Metalla autem ad vaporosam exhalationem pertinere ait, At vaporem illum priusquam in aquam vertatur, exhalatione coagulari, & metallum fieri, idcirco metalla omnia exhalationem siccam continere, & inflammari & exuri solo auro excepto. Halchemistę verò proximam metallis materiam, Dicunt esse argentum viuum & sulphur, tum quod argentum viuum fusa videantur, & ex illis arte policiatur argentum viuum, tū quod odorem sulphureum spirent. Et eorundem opinionem multi graues viri secuti sunt. Gilgil autem Maurus cinerem quendam terreum munitissimum aqua infusum materiam esse metallis proximam professus est, non secus atque omnem cinerem materiam esse vitro proximam.

*Halchemi
starū opi-
nio de ma-
teria pro-
xima.*

*Gilgilis o-
pinio.*

ximam. Albertus verò humidū visco- *Alberti*
sum & tenax. Georgius Agricola has *opinio.*
 omnes de materia metallis proxima in *Georgij*
 mineris terrę opiniones refellit, & succū *Agricolæ*
 in iisdē mineris ortum materiam metal- *opinio.*
 lis proximam esse multis rationibus cō-
 tendit, Scaliger metalla vocat terram a- *Scaligeri*
queam, argentum autem viuum aquam *opinio.*
terream. Quæ autem harum opinionū
 sit verior, immorandum mihi esse non
 puto, cum aliam argento & auro mate-
 riam proximam natura nobis exhibeat,
 vt ex sequentibus elucescet. Si tamen
 quid sentio dicendum sit, Aristotelis o-
 pinioni & authoritati magis innitendū
 & fidendum existimaucrim. P o s t mē- *Forma me-*
 tallorum materiæ cognitionem forma *tallorum.*
 etiam eorundem inquirenda est, quæ
 nobilior est pars substantiæ illorum, vt
 & in omnibus corporibus naturalibus.
 Forma enim rerum omnium magis na-
 turæ nomine quàm materia insignita
 est, & ab ea sola nomen vnique cor-
 pori naturali est inditum, Eam enim vo-
 cat plerunque Aristoteles rationem es-
 sentiæ. Eò autem spectat formarū me-
 tallorum cognitio, quòd arte ministra

idem argentum & aurum atque naturale efformandum sit, quòd præstari non poterit, nisi eorum forma & natura & quæ & qualis sit, intelligatur, & in quibus à reliquorum metallorum formis discrepant. Metallorum tamen formæ

Metallorū formæque sint, non facile iudicari. non ita facile dignoscuntur vt reliquorū alterius generis corporum, scilicet vegetabilium, sensilium & hominum. Formarū enim cognitio ab actionibus earum dependet, Quippe quòd forma sit actus, Materia vero potentia. Actiones autem ab operibus dignoscuntur. Quæcunque igitur sensus plus agere ex eorū effectibus deprehendit, ea magis conspicuis formis composita dijudicabit, quæ minùs, obscurioribus & minus manifestis. Hinc sensibus magis nota est plantarum forma, quòd vegetent, alimētum fuscipiant, & sibi similia producant. Sensilium verò brutorum, quod præter hæc & moueantur & sentiant, notior est natura. Hominis verò forma omnium magis manifesta est, quòd etiam præter hæc omnia intelligendi facultate homo sit præditus. His omnibus facultatibus cū metalla priuata & orbata sint (nam nec

vegetant , nec aluntur , nec mouentur ,
 nec sentiunt) eorum formæ minùs ab a-
 ctionibus dignoscuntur. Formas tamen
 habent omnia metalla, per quas constât,
 & nomen ab iisdem habent, & ex iis si-
 bi inuicem & ab alijs corporibus discer-
 nuntur. Constant autem & cōcreta sunt
 ex sola elementorum permistione, ideo-
 que nullum aliud nominis genus habēt,
 quàm quòd mista appellantur corpora, *Metalla*
 Nec facultates alias habent præter eas, *sunt corpo*
 quæ ipsa constare efficiunt, & mistorum *ra tantum*
 elementorum formam habere vnicam *mista.*
 vnde quaque sibi similem. Sunt autē hæ
 facultates qualitates elementorum , ca-
 lor, & frigus, vt agentes causæ, & humi-
 dum & siccum vt patientes : Et quòd
 plus patibilium harum qualitatū me- *Ex perpes*
 talla habeant , ex perpeffione materiæ *sione mate*
 eorundem, magis quàm ab actione for- *riæ formas*
 mæ eorum dijudicantur. Formæ enim *metallorū*
 proprium est agere, Materiæ pati. Quòd *magis quā*
 si quid agunt , vt qualitatū ex quibus *ab actione*
 concrevere agunt tantū, veluti calefa- *dignosci.*
 ciendo, frigefaciendo, humectādo & ex-
 ficcando. Cætera corporū genera scili-
 cet vegetabilia , animalia bruta & ho-

mines, mista quidem sunt corpora, sed quòd præter & supra misionem aliquid aliud præstantius habeât, mista propriè non appellantur, sed ex ijs facultatibus per quas agunt nomen habent & formã propriam. Metalla autem quòd nihil præter misionem possideant, simpliciter & absolutè mista tantùm appellantur, Quòd primæ illæ qualitates nihil aliud in elementis effecerint, quàm misionem. Formas autem omnium mistorum inanimorum sequuntur sua accidentia tam communia quàm propria: Et quòd magis ea materiæ quàm formæ conueniant, ex iisdem mistorum formæ quales sint, quadantenus intelliguntur.

*Accidētia
omnibus
metallis
cōmunia.
Definitio
metalli.*

Accidentia igitur omnibus metallis cōmunia sunt ductile & fusile. Ideoque metallum à Gebero definitur, Metallū est corpus minerale, fusibile, sub malleo ex omni dimensione extensibile. Corpus enim minerale genus est, fusile & ductile ex omni dimensione, differentia est specifica, quæ metalla à cæteris corporibus mineralibus discernit. Argento etiam & auro sua insunt accidentia propria, quibus à cæteris metallis discernū-

tur, Scilicet quòd perfectè sint mista & igne non exurantur, Præsertim aurum. Aurum igitur à Gebro rectè sic definitur. Aurum est corpus metallicum, citrinum, omnium metallorum grauissimum, mutum, fulgidum, æqualiter in ventre terræ digestum, aqua minerali diutissimè lautum, examinationem cineritij & cementi tolerans. Hæc cementi perpefsio est differentia specifica, quòd in hoc examine cetera omnia metalla exurantur, & in cinerem vertātur, ipsum autem aurum solum incolume in eodē persistat. Argentum quoque ab eodem Gebro sic definitur. Argentum est corpus metallicum, album albedine pura, mundum, durum, sonans, perdurans in cineritio. Postremum hoc est accidens illi proprium, quippe quòd plumbum, stannum, es & ferrum in examine cineritij pereant & corrumpantur, Argentū autem in eodem persistat. Habent & cætera metalla sua propria accidētia, per quæ ab argento & auro & à se inuicem differunt. De quibus tractare parum ad propositæ quæstionis dissolutionem attinget, cum de his eorumque definitio-

*Definitio
auri.*

*Definitio
argenti.*

nibus satis ab eodem Gebro , Alberto magno , Georgio Agricola ceterisque tractatum sit. Sola nobis inquirenda est natura & forma argenti & auri, quæ ex superioribus accidentibus propriis eorūque definitione dignoscitur, vt ad eadem accidentia materiam illis proximam à causa efficiente arte deducamus. Et si enim argenti & auri formæ non ita nobis perspicuè innotescant , vt ceterorū corporum vegetabilium & animalium formæ, quæ ab actionibus & effectibus deprehenduntur , tamen quodcunque corpus metallicum examina argento & auro propria perpeti & in iisdem persistere conspexerimus , argentum & aurum esse rectè dixerimus. Rerum enim cognitio prima est à sensibus. Et vt vegetabilia & animalia ab actione, ita argentū & aurum à percussione materiæ iudica-

Causæ accidentium *argento & auro.* Horum accidentium propriorum argento & auro causæ sunt hæ. Quòd enim fusilia sint metalla omnia , humor in causa est , Sicut etiam sunt ductilia propter humoris, è quo constant, lentorem. Quæ enim lenta sunt , longissimè continuitatem seruant. Lentor enim hu-

iufce humidi cum ficcis partibus firmā
 habet temperationem. Vtrumque igitur
 & lentor & ficitas cum certo tempera-
 mento efficit, ne malleis percuffa com-
 minuantur, fed ductilia fint. Et quò ma-
 gis aut minùs metallis inest, magis aut
 minùs alia alijs ducuntur. Vnde aurum
 quòd lentoris plurimùm habeat à ficii-
 tate temperati, omnium metallorum est
 maximè ductile, huic fuccedit argētum,
 inde æs, ferrum, inde plumbum & ftam-
 num. Ob easdem ferè caufas, proprias
 in igne humiditates retinent. Lentor e-
 nim ne humidum exhaleet, impedit. Sed
~~humidum aqueum ne metalla exuran-~~
~~tur, prohibet.~~ Aquea enim, cum igni qua-
 litates ex diametro contrarias habeant,
 ab igne non vincuntur. Hic calidus fic-
 cus & tenuis est, Aqua frigida humida
 & denfa. Quæ plus igitur naturæ aqueæ
 participant metalla, minus in illa ignis
 habet imperium. Hinc aurum nullius
 ignis ardore exuritur, minus poft hoc
 argētum ob easdem caufas. Cætera me-
 talla humiditatem habent aëream, ful-
 phuræā, & inflammabilem, quæ caufa est
 vt igne tandem diftabefcant. De his ac-

*De causa
efficiente
metalla.*

cidentibus proprijs plura paulò pòst dicenda sunt. N v n c de causa efficiente metalla etiam dicendum: Causa efficiēs est vnde principium est motus, Mouet enim materiam, vt metalla ortum habeant. Cum autem omnis materia sit aut remota, aut media, aut proxima, certum est causam efficientem agentem in remotam & mediam, vt fiat metallum, vniuersalem & æquiuiocam esse, nō particularem aut insitam. Nullum enim metalla ortus sui parentem agnoscunt, quàm Deum & cœlum, quòd non à semine aliquo prodierint, vt animata corpora, in quorum seminibus vis delitescit à parentibus infusa, quæ semper similia gignit his, à quibus semina dimanarunt. Non sic in materia metallorū remota & media, de qua, qui eorundem historiam tradidere non meminerunt, sed solius causæ efficientis & agentis in materiam omnibus metallis proximā, id est in materiam, quæ ex remota & media à causis vniuersalibus in proximā metallis materiam transiit. Hæc causa efficiēs in materia metallis proxima est particularis & insita, quippe quæ ei soli conueniat,

conueniat, non secus ac causa particularis in vnoquoque metallorum genere. De hac causa, efficiente proxima varia etiam sunt opiniones, Aristoteles enim causam hanc efficiētem ait esse frigiditatem & siccitatem, quæ in lapidibus vaporem, quem materiam metallis proximam iudicauit, in illis sublatum & inclusum comprimunt & densant. Quod non ita accipiendum est, vt in eorum ortu caloris efficientiam neget: Illæ enim exhalationes caloris opera inter se admiscuntur, & ad aliquam spissitudinem adducuntur atque concoquuntur, sed admixtio illa frigore postea densatur & in metallum euadit. Halchemistæ verò sulphur, quod partem materiae metallorum putant, efficientis causæ vim obtinere profitentur, exemplo cinnabaris factitiæ quæ ex argento viuo & sulphure mistis cōcrescit. Gilgil Maurus calorem vehementissimum causam efficientem esse opinatur, vt in vitro, quod ex cineribus conflatur. Albertus autem magnus causam hanc efficientem esse ait motorem orbis, qui formas naturales explicat per motum cœli & qualitates elemen-

Aristotelis opinio de causa efficiente metalla.

Halchemistarum opinio de causa efficiente metalla.

Gilgilis opinio. Alberti opinio.

*Georgij
Agricolæ
opinio, de
causa ef-
ficiente
metalla.*

torum, seu artifex explicat formas artis securi aut malleo. Verùm hæc Alberti opinio de causa efficiente, potiùs de vniuersali quàm particulari existimãda aut intelligenda est. Vniuersalis enim hæc causa agit primùm in elemēta, quæ post multas mutationes tandem in materiã proximam mutat. Georgius autem Agricola de causa efficiente particulari proxima Aristoteli subscribit. Quæ mihi verior sententia videtur. Ab effectibus enim causæ proximæ dignoscūtur, Atqui metalla sunt corpora naturalia tantùm mista simpliciter, nec quidquam vltra misionem habent, Et effectus misionis simplicis à solis elementorum primis facultatibus proficiscitur: Mouentur enim elementa & miscentur per proprias suas qualitates. Calor igitur primùm miscet ea, & ad proximam metallis materiam deducit, quam postea frigus constringit. Præterea hæc sententia ex inductione probatur, Si enim in nubibus, vt aiunt, ex duplici illa exhalatione frigore densata ferrum gigni, & in terram decidere verum est, quantò magis subtus terram ex eadem exhalatione

frigore densata metalla gigni verisimile est? Hæc sunt, quæ ad cognitionem naturæ metallorum, quæ sola vi naturæ cōcreuerunt, pertinere dicenda existimaui: Nec pluribus agendum est, seu quòd à plerisque probatissimis authoribus explicata sint, seu quòd sit alia arti materia proxima, aliæ causæ efficientes, naturales tamen, & quæ ad eundem tendunt scopum arte ministra. **C O G N I T I O** huiusce materiæ proximæ & efficientis causæ apud artem secunda est in ordine partitionis Argyropœiæ & Chrysopœiæ. Sunt autem adeò necessaria, vt ijs ignoratis ars nec sciri nec dici possit. Harum cognitio viam & iter demonstrat, quibus ad finem optatum peruenitur, Ex iisdem perspectis & intellectis omnia quæ ad hanc artem pertinent ratiocinari quisquis poterit, omniaque quæ aduersus artem adferuntur argumenta, dissoluere. Sine his vani & irriti sunt conatus omnes, & cæcutire necesse est. Totis igitur viribus enitendum est, vt exactè quantum fieri poterit, hæc excellentissima huiusce artis pars occulta hucusque & nusquam à veteribus tradita explicetur &

Pars secunda Argyropœiæ & Chrysopœiæ.

detegatur. Sed priùs de materia argento & auro apud artem proxima definiendum est, quæ statim à causa efficiente in argentum aut aurum perficitur nulla alia mutatione interueniente. Et est indiuiduum speciei argentæ & auræ proximè futuræ, Quod tamen nondum est argentum aut aurum actu, sed potentia tantum proxima, quæ huius aut illius formam à causa efficiente & mouente statim inducet. Est enim indiuiduum, quod proprietates habet quæ simul omnes nusquam attribuentur multis. Proprietates quidem, quæ differentiam specificam non constituent, sed habilitatem & dispositionem tantum habent ad formam proximam capeſſendam. Exemplo sit semen caninum, quod proprietatem habet, vt proximè ex eo gignatur canis, quæ proprietas in semine equino nusquam inerit, nisi post multas corruptiones & mutationes in semen caninū mutaretur, si hoc fieri posset. Sic materia argento & auro proxima hanc habet proprietatem apud artem, vt pauco adminiculo in ipsa mutari possit, Quæ proprietas in alia materia nusquam inc-

De materia argento & auro proxima apud artem.

Indiuiduum quid sit.

rit. Hæc enim est lex naturæ inuiolabilis, vt nullum vsquam vnius speciei indiuiduum in aliud alterius speciei indiuiduum transeat, nisi illud prius proprietatem & potentiam habeat ad hoc posterius proximam, id est nisi prius indiuiduum sit potentia proxima indiuiduū speciei proximæ futuræ & ortum subituræ. Hanc materiam proximam inuestigare qualis est in mineris naturalibus, & eandem subijcere causæ efficiēti, vt in ipsam agat, & opus suum peragat, est impossibile. Quippe nihil ad intelligēdi vim pertinere potest, quod prius in sensu non fuerit. At materia proxima, quæ est subter terram, ex qua produci-
 tur à sola natura argētum & aurum, sensibus nostris est incognita. Non enim constat inter graues authores, qui hac de re aliquid tradiderunt, quænam sit illa materia proxima apud naturā, imo dissentiunt, & suam vnusquisque opinionē rationibus probabilibus, non tamen demonstrationibus, tuetur. Quòd & si cōcedatur materiam proximam sensibus & demonstratione comprehendī posse, nihilominus posset ars extra minerarū lo-

Causa materialis in mineris nō est apud artem proximā.

cum materiæ potētiam ad actū seu formā perducere. Aliunde igitur disquirēda est in Argyropœia & Chrysopœia materia proxima, & causa efficiens, vt viribus huius illa erumpat in actum, & ex illius potentia forma argenti & auri suboriatur & emergat. Disquirenda est, inquam, in re in qua oculorum & sensuum iudicio hæc proprietas est insita, quæ est habilitas & dispositio quædam naturalis ad suscipiendam formam argenteam aut auream. Huius autem materiæ inuestigatio ex duplici demonstratione dependet, Prior est ex similitudine totius substantiæ argenti & auri cum hac materia proxima, quam querimus. Hæc autem similitudo deprehenditur sensibus ex facili eorundem mixtione & amplexu. Quæ enim substantiæ sese referunt, nullo negotio & nulla arte sed sponte sua coeunt. Quæ autem sit substantia, quæ facilè coeat cum argento & auro, posthac dicemus. Posterior demonstratio ex proprietate & habilitate & dispositione materiæ erit, quæ utriusque scilicet argenti & auri formam apprehensura sit. Hæc autem habilitas

*Materiam
proximam
duplici de-
mōstratio-
ne inuesti-
gandā esse.*

seu dispositio manifesta erit sensibus ex
 similitudine accidentium eiusdem ma-
 teriæ quam quærimus, cum ijs, quæ argē-
 ro & auro insita intuemur à perpeffione
 materiæ eorundem, & à ceteris metallis
 potissimum distare. Sunt autem accidē-
 tia hæc quatuor numero. Primū, quod *Accidētia*
 argentum & aurum non exuruntur, nec *argēto au-*
 inflammantur: Secundum, quod partes *ro & ma-*
 ex quibus constant, humido scilicet & *teria pro-*
 sicco, igne, qui cuncta dissolvit, minimè *xima pro-*
 dissipentur aut distrahantur. Tertium, *pria &*
 quod tenuissimæ sint essentiæ. Postre- *communis*
 mum, quod dēsa & gravissima sint. Pro-
 priè tamē, ne quis calumniatur, hæc au-
 ro insunt, Argento, minùs propriè. Qui
 tractant artifices argentum & aurum, ita
 de his accidentibus proprijs iudicant, &
 mox apertiùs demonstrabo. Hęc acci-
 dentia ex Aristotelis autoritate sunt
 corporei affectus, qui sensibus iudican-
 tur. Materia igitur, quam facilè cum ar-
 gento & auro coire, & ijsdem accidenti-
 bus proprijs præditam esse oculis cōspe-
 xerimus, ipsa erit materia argento & au-
 ro proxima apud artem, neque alia, quæ
 ab efficiente causa in argētum & aurum

promouebitur. Hanc suo proprio nomine describemus, si prius argento & auro quatuor hæc accidentia inesse demonstrauerimus, & causas eorundem, & quòd ceteris metallis non insint, & quare. Quòd igitur argentum & aurum non

*Argentum
& aurum
non inflā-
mari nec
exuri, &
quare.*

exurantur nec inflammētur, ex eo apparet, quod liquata igne nullum vaporem sulphureum aut inflammabilem spirent. Causa est quòd omnis substantiæ sulphureæ inflammabilis & vnctuosæ expertia sint. Omne enim ferè corpus naturale duplici constat humore, altero vnctuofo oleoso & inflammabili, vt est sulphur, oleum, adeps. Altero, aqueo, quo tanquam visco terrenæ corporum partes iunctæ cohærent, quique rerum omnium ex elementorum permistione concreta- rum communis est. Quodcunque igitur corpus inflammationi subiectū est, humiditatem habet oleo finitimam, huiusque solius gratia conflamat, Quippe quæ ab aëre orta aëris calidam qualitatem retineat. Aqueus autem humor, qui terrenarum partium est glutē, ab igne vinci non potest. Ille enim frigidus, humidus, hic ignis calidus & siccus. Et cum contrariis

trariis inter se, vt etiam iam dictum est, pugnent qualitatibus, neutrum cedit alteri. Solus igitur aqueus humor argentum & aurum tuetur, ne ab igne exuratur. Nullius enim humoris oleosi aut sulphurei participia sunt, qui igni ferat opem, vt victoriam aduersus humorem aquetum, qui iisdem inest, referat. Reliqua verò metalla, quòd sulphurei cuiusdā humoris, qui etiā odore deprehenditur, participia sint, exuruntur, & nigredinem ab igne contrahunt. Quòd autem argenti & auri partes essentielles, scilicet humidum & siccum ex quibus constāt, igne non dissoluantur nec secernantur, colliquatio eorumdem sæpius igne reiterata fidem facit. Nihil enim ex eorum pondere decedit. Equidem memini me superioribus annis vnciam vnā auri purissimi testaceo vasculo inclusi, & alteram vnciam argenti puri etiam altero vase separatim inclusi eo loco, quo vitrum vitrariorum fornace liquatum est perpetuò, collocasse, ibique ambo fusa & liquata duobus continuis mensibus permansisse, iisque transactis & à vasculis & fornace ytraque exempta stateris libras-

Quod argenti & auri partes essentielles igne non dissoluantur.

se : Et auri quidem nec minimum de pondere decidisse conspexi , argentum verò duodecima tantum parte. Quod sanè admiratione dignum est, verissimū tamen esse ipsa experientia didici. Huiusce autem rei causa est, perfecta sicci & humidi mistio & vnio , quæ tam arctissimo fœdere iuncta sunt, vt etiā ignibus violentissimis indissolubilia sint. Humidum enim temperatur à sicco & siccum ab humido, & fit in vtroque argento scilicet & auro substantia vna æqualis & in suis partibus similaribus homœomera, & vniformis. Hinc cum nititur ignis ipsa rarefacere & dissoluere, & humidum aqueum in vaporem efferre, tuetur & retinetur à terreo ne euolet, Contra cum ignis idem, terreum ab humido secernere contendit, & in cinerem vertere, cohibetur ab humido , ita vt vtrumque tutum, incolume, & inuictum in ignis pugna persistat. Hæc autem indissolubilis mistio & vnio propriè de auro est intelligenda , Cuius meminit sacra scriptura , Probabit , inquit , nos Deus tamquam aurum in fornace , Et Augurellus in sua Chrysopœia sic cecinit,

*Vni quoniam nil deperit auro
 Igne, velut solum consumit nulla vetustas,
 Ac neque rubigo aut arugo conficit vlla,
 Cuncta adeo miris illis compagibus hærent.*

Huic solidæ mistioni proxima est argenti puri mistio. Cuius etiam meminit Regius Psalmista, Eloquia, inquit, Domini, eloquia casta, argentum igne examinatum, terræ probatum, purgatum septuplum. Attamen igne parum illi deperit, & exuritur. Quod enim superius igni duobus mensibus colliquatum duodecima parte pristini ponderis decidisse dixi, in superficie vitro citrinissimo opertum vidi, quod malleo sub incude percussum separatum fuit ab argento, quod intus purum perstitit. Hæc duodecima pars argenti deperdita & exusta in vitrum illud citrinissimum transiit. At reliqua metalla omnia paucò tēpore igne continuò agente exhalant, & metallica materia & forma evanescēte & pereunte, quod superest, in vitrum transmutatur. Omne enim, vt rectè sensit Geber, propria priuatum humiditate, fusionem nullam dat præter vitrificatorium. Cuius dissolutionis & corruptio-

nis causa est etiam contraria, ei quàm in argento & auro diximus, scilicet quòd humidum quoddam sulphureum & inflammabile humido eorum aqueo permistum sit, tum quòd illorum mistio sit imperfecta ad mitionem argenti & au-

*Quòd ar-
gētum &
aurum te-
nissima
sint, &
quare.*

ri collata. Tenuitas autem argenti & auri est mirum in modum dilatabilis, sed auri incredibilis ex eo deprehenditur, quod vnica illius vncia superficiem corporis alicuius inaurabit, quam argenti decem vnciæ vix inargentarent. Id norunt inauratores, & deargentatores. Cetera verò metalla nihil ad auri tenuitatem accedunt. Causa autem tantæ tenuitatis est puritas humidi defecati in argēto & propriè in auro. Causa verò crassitiei est impuritas terrestris. Tandem & postremum accidens proprium auro & argento, præsertim auro præ cæteris omnibus, est densitas & grauitas. Et vt certò sciatur, quanta grauitate aliud ab alio distet, quod ter expertus sum, proferam. Vnumquodque metallorum in filum trahi & produci aurifabro mandaui, quinetiam & chalybem. Filum auri forcipibus scissum est, dum stateris pende-

*De auri &
cæterorū
metallorū
densitate
& graui-
tate.*

ret sexaginta duodecim grana. Deinde
 vniuscuiusque metalli fila eodem for-
 mine tracta & producta eadem longitu-
 dine separatim scissã sunt. Sic vnũquod-
 que filum stateræ appensum fuit. Auri
 filum, vt dixi, dragmam, quæ sexaginta
 duodecim sunt grana, p̄dere vidi. Filũ
 argētĩ eiũdẽ longitudinis eodẽque fo-
 ramine tractũ triginta sex, plumbi itidẽ
triginta sex, filum æris triginta, filum
 chalibis viginti septem, filum ferri vi-
ginti sex, filum denique stanni viginti-
quinque. Causa tantæ grauitatis auri est *Causæ gra*
 æqualitas & vniformitas partium eiũ- *uitatis*
 dem, & perfectã mistio, tum verò puri- *aurei.*
 tas & tenuitas, & eorundem humidi &
 sicci perfectã decoctio & incrassatio, tã-
 dem & substatię sulphureę & aëreæ pri-
 uatio. Causæ autem contrariæ sunt, ne
 tam graua sint metalla reliqua, Scilicet
 dissimilitudo partium heterogenearum
 in metallis, imperfectã mistio, impuri-
 tas, crassities, & in quibusdã imperfectã
 decoctio, in alijs exustio, & in omnibus
 sulphureæ substantiæ aëreæ & leuis mi-
 stio. Quæ igitur materia magis tota sub-
 stantia argento & auro erit similis, ma-

gisque ad propria ijsdem accidentia accedet, ea profectò iudicanda erit proxima materia, in quam iucumbere & conatus omnes impendere Argyropœiæ & Chrysopœiæ artifices necessariò oportet, si naturam velint imitari, & vi efficientis causæ, de qua mox dicam, formã argenti aut auri eidem inducere, Proximæ enim vnicuique materiæ, quam potentiam consummatam dicimus, statim vi causæ efficientis extrinsecus accedit forma naturali quadam & quasi dicas ineuitabili necessitate, vt rectè tradidit Ambianensis ille medicus Fernelius summus Philosophus libro priore de abditis rerum causis. Nonne vides puluerẽ illum pyrium statim, multa mortalium internecone, flammam attritu concipere? Quippe quòd nulla alia materia igni sit proximior ob siccitatem & tenuitatem pulueris, quæ qualitatibus ignis conueniant: Per motum autem fit calor. Sic qualitatibus omnibus argenti & auri concurrentibus in materia proxima, ex ea fit argentum & aurum. At ne quenquam diutius remorer aut suspensum teneam, & ratione ex ijs quæ dicta

*Argentum
vium esse
materiam
proximam
argento &
auro apud
artem.*

sunt, & experientia, quæ inferius narra-
bitur, probare possum argentum viuum
esse illam argēto & auro materiam pro-
ximā potētia. Cuius fidem faciet demō-
stratio ex ijsdem quæ diximus, scilicet
similitudine totius substantiæ argenti
viui cū argento & auro, & consensione
eorundem accidentium propriorum cū
vtrisque. Primū norunt inauratores cū
nullo metallo argentum viuum liben-
tiūs coire quā cum auro puro, hinc cū
argēto, Ex quibus malagma conficiūt,
præsertim ex auro & argento viuo cum
volunt inaurare vasa. Et quo purius v-
trumque, cō celerius miscetur alterum
alteri. Quod nulla alia ratione fit quā
propter similitudinem totius substantiæ.
Cætera verò metalla non ita libenter
amplectuntur argentum viuum, aut si
facile coit cum eis, vt cum stāno & plū-
bo, non propter similitudinem substan-
tiæ miscetur, sed propter indefinitum eo-
rum humidum, aut quod illis inest ar-
gentum viuum. Quod autem argento
viuo eadem, quæ in argento & propriè
auro diximus accidentia, insint, etiam
demonstratione probatur. Est enim a-

*Argentum
viuum si-
militudine
totius sub-
stantiæ ar-
genti &
aurum re-
ferre.*

*Argentū
viuū pro-
pria & cō-
munia cū
argento &
auro acci-
dentia ha-
bere.*

queum argentum viuum, inde illi nomen hydrargyrum: Omnis enim humidi oleosi vnctuarii & sulphurei expers est. Hinc exuri, minus inflammari potest, hinc in illud ignis imperium non habet, nec sulphur quod omnia exurit metalla auro excepto: Id enim manifestum est sensibus. Excoquitur enim cinnabaris factitia ex argento viuo & sulphure, & trita & mista oleo tartari & igne valido in vase vitreo luto obstructo in vaporem sursum elata redit in argentum viuum, nec quidquam illi deperit. Idem in argento viuo sublimato euenit, Ita ipsum appellant. Hæc norunt artifices. Quod si cum argento viuo à natura mista fuisset portio quædã sulphureæ exhalationis, minimè dubitandum esset ipsum inflammari & exuri potuisse, vt in cæteris metallis auro excepto euenire solet. Quod verò ad perfectam partium illius, sicci scilicet & humidi, vnionem & misionem attinet, igne non minùs quàm aurum dissolui potest. Fertur quidem in vaporem sursum, sed non propterea partes illius, ex quibus constat, igne dissoluuntur. Nam si ille
vapor

vapor igneo calore agente in vase recipiens delabatur, in priorem argenti viui speciem coibit & redibit, nulla detracta parte pristini ponderis. Nec quidquam substantiæ illius è vase, ex quo vapor ille emigrauerit, subsidebit. Est enim vniformis omnino substantiæ & similariũ partium, non tamen est æqualiter mistum, quantum ad temperamentum attingit, Vincit enim humidum in mistione: Hinc in vaporem abit igne agente. Ea quoque de causa ductile non est. Quòd autem sit tenuissimum, ex eo apparet, quòd corio obuolutum & expressum vehementer, transmeat corio illeso, quòd oleum, quamuis sit tenuissimæ essentia, transmeare non posset. Tandem argentum viuum eandem ferè gravitatem habet cum auro, Sexta enim parte tantum auro minus graue est, vt etiam experientia didici, Quamuis Geber ipsum profiteatur auro esse grauius: Sed forsitan de argēto viuo purgato & paululum ab humiditate nimia arte vindicato intellexit. Horũ omniũ accidentiũ cum auro cõmunium ædẽ sunt causæ, quas in auro diximus. At verò argentũ

Argentū viū quod metallis inest esse proximā argento & auro materiam nō secus ac vulgare. hoc viuum, quod dicimus esse materiā argento & auro proximam, non solum est illud vulgare, quod palam à mercatoribus venit, & ex Hispania aut Germania aduehitur, Verumetiam illud, quod ex corporibus imperfectè mistis plumbo, stanno, ære, & ferro subtili arte prolicitur. Inter quæ omnia & vulgare hoc nostrum nulla nisi in solis accidentibus quibusdam est differentia. Fluida enim ferè sunt equè, & eiusdem proportionis & grauitatis. Verum argentū viuum corporum magis coctum vulgari, Quin & inter sese aliud alio magis aut minùs digestum est. Omnia tamen vi ignis in vaporem feruntur sursum, Alia celerius, quæ minùs cocta, alia tardiùs vehementiorique vi ignis, quæ magis decocta sunt. Atque hac de causa argētum viuum vulgare, quòd indefinitam valde habeat humiditatē, omnium celerimè in fugam vi ignis abit. Quòd autem in corporibus metallicis inest argentum viuum, ex eo quodammodo iudicatur, quòd fusa & igne liquata omnia argentum viuum fluidum conspiciuntur, quamuis frigore proprio ab igne

deposita rursus constant. Equidem vidi
 & novi ex omnibus metallis, ferro ex-
 cepto argentum viuum fluidum excer-
nere beneficio argēti viui vulgaris. Ab-
 luendo enim & macerando perfectè,
 quidquid impurum est, & à natura ar-
 genti viui alienum abit in fecem, Quod
 superest, calore vaporario soluitur.
 Quòd si vltra progredi liceat, ausim af-
 firmare argentum viuum nihil aliud es-
se quàm argentum & aurum crudum &
indefinitum, quod à causa efficiente de-
 finitum statim in illa transit. Quod ma-
 gis apertum posthac fiet. Nolim tamen
 ex hoc inferre metalla ex argento viuo
 seu materia proxima fluxissè, vt hal-
 chemistæ sentiunt, imo potius cum Ari-
 stotele & Erasmo sentio materiam pro-
 ximam fuisse vaporem exhalatione cō-
 cretum. Et veluti alimenta in animalium
 corporibus vertuntur in sanguinem, cū
 antea sanguis non fuissent, Sic & mate-
 ria quæcunque illa sit, ex qua metalla
 ortum habent, non fuit eadem post co-
 rum ortum, sed argentum viuum defi-
 nitum quod metallum appellatur, spe-
 cie tamen aliud ab alio ob diuersam

nitionem distinctum. Constans ergo
 sit & ratum nullam aliam materiam ar-
 gento & auro proximiorē esse apud
 artem quā argentum viuum tam vul-
 gare, quā quod metallis imperfectè
 mistis inest. In illud vt materiam om-
 nes conatus impendant, quicunque Ar-
 gyropœiæ aut Chrysopœiæ fructus ex-
 pectant. Profligetur omnis alia materia
 sulphurea, vinctuosa, inflammans, adu-
 rens, inflammabilis & adustibilis. Sola
 argenti viui substantia aquea subtilissi-
 ma, viscosa, indissolubilis, nullius ignis
 ardori cedens sit pro materia argento &
 auro proxima. Ipsum enim est quod
 ignem vincit, nec ab illo vincitur. De
 materia argento & auro proxima satis.
 His igitur de ea sic constitutis ad co-
 gnitionem causæ efficientis progredien-
 dum est: Quæ tantò nobilior & præstā-
 tior est, quantò artifex suo opere. Ipsa
 enim est, vt dixi, vnde est principium
 motus, quæ omnia corpora naturalia
 mouet, vt talia sint, qualia ipsa esse intue-
 mur. Dixi etiam ipsam esse vniuersalē
 aut particularem: Et vtraque in genere
 definita est. Est etiam vtraque naturalis,

*De causa
 efficiente.*

sed quæ aliquando suoapte impetu mo-
uetur, nec aliunde quàm à sola natura
impellitur, vt agat, Qualis est in
generatione metallorum in visceribus
terræ, quæ sola vi naturæ prodire, Qua-
lis etiam est in argento viuo vulgari, &
eo quod corporibus metallicis obuolu-
tum est, Quæ sola natura in lucem ædi-
dit. Quæ autem & quales sint hæ causæ
naturales, certò scire & assequi non po-
test mens humana, nec satis constat in-
ter peritiores, qui de ijsdem tractauerūt.
Sufficiat nobis naturæ liberalitas, quæ à
suis causis efficientibus occultis argentū
vium vulgare, & quod corporibus me-
tallicis potentia proxima est insitum vl-
tro nobis obtulit, quod nobis materiam
proximam esse diximus. Ea inuestigan-
da est tantum nobis causa efficiens par-
ticularis, quæ mouet hanc materiam, vt
ex ea concreascit argentum vel aurum.
Huius autem efficientis causæ natura ex
eiusdem definitione sicut & in cæteris
rebus omnibus intelligetur. Hanc autē
definire tum ex viribus, per quas agit,
tum ex materia argentifica aut aurifica,
cui vires hæ inhærent, necessarium esse

existimauimus. Non enim sicut in reliquis feminum generibus vis sua prolifica cuique inest, sic & in materia nostra proxima vis argentifica aut aurifica inest. In ouo enim vis sua efficiens inest, quæ calore externo adiuuante pullum edit. Sic & in plantis & reliquis animalium seminibus vis sua prolifica inest, nec aliunde exquirenda. At materiæ nostræ proximæ vis sua argentifica aut aurifica non est insita, quæ eandem in argentum aut aurum promouere possit, sed est in alia materia, eiusdem tamen generis, sed formæ nobilioris. Cuius differentię ratio in progressu explicabitur.

*Definitio
causæ effici-
entis apud artē.*

Causa igitur efficiens est vis & facultas argētifica vel aurifica Argyrogoniæ aut Chrylogoniæ à natura insita, quæ per qualitates suas igneas calore etiam externo iuuante materiam proximam seu argentum viuum quod stanno, plumbo æri & ferro potentia inest, diducit & resoluit, & idem, necnon argentum viuum vulgare concoquit, & mitionem eiusdē nondum perfectam perficit, & radicitus tingit, vt in ipsum, iam perfecta & consummata mitione noua argenti vel au-

ri forma influat. *Argyrogonia* *Definitio*
 est semen argentificum ex argento vel *Argyrogonia.*
 auro prius soluto perfectè concoctum,
 seu tinctura argentifica candidi coloris.
 Sicut *Chrysogonia* est semen aurificum *Definitio*
 ex auro prius soluto perfectissimè con- *Chrysogonia.*
 coctum, seu tinctura aurifica rubri colo-
 ris, admirabili tenuitate substantiæ præ-
 dita, Quibus à natura vis illa argentifica
 & aurifica inest. Qualitates autem illæ
 igneæ, per quas agunt, arte & concoctio-
 ne eisdem sunt acquisitæ. Ex quibus de- *Divisio*
 finitionibus satis intelligitur vires agen- *causarum*
 tes bifariam diuidi. Aliæ sunt vt præci- *efficiētū.*
 puè agentes, Aliæ vt adiuuantes. Præci-
 puè agentes sunt vis argentifica & auri-
 fica, & qualitates igneæ semini argenti-
 fico & aurifico insitæ. Adiuuantes autē,
 ignis & calor externus. Quinetiam &
 semen illud bifariam diuiditur, vt aliud
 sit argentificum, aliud aurificum. Hæc
 autem omnia explicatione luculentiori
 egent, vt veritas quæstionis propositæ,
 An sit ars, clariùs elucescat. In definitio- *Explica-*
 ne igitur, VIS EFFICIENS, est Ge- *tio defini-*
 nus. In omnibus enim corporibus natu- *tionis.*
 ralibus, quæ ortum subiere, seu ex semi-

nec in quopiam loco feminis, vel in
ijs, quę in interitum abiere, vis primùm
& facultas quędam adfuit, quę in hęc a-
geret, eaque moueret, quę alioqui sine
motu eadem perstitissent. Hęc vis effi-
ciens à triplici fonte promanauit. Quip-
pe cum in omni corpore naturali tria
hęc insint, Materia, forma, & Tempera-

Omnes vi- res & fa- cultates à tribus pro- ficisci. mentum, ab ijs, nec à pluribus, vires
omnes proficisci certum est, Quę adco
à inter se se connexa sunt, vt mutua ope-
ra indigeant, nullaue possit seorsum
consistere. Sed harum omnium præstā-
tissima & efficacissima, ea est, quę à for-
ma proficiscitur. Quòd enim nobilior
fit & materia & temperamento, præstan-
tiores effectus eam edere oportet.

Proprie- tatem à forma or- tū habere.

Hęc vis quę à forma ortum habet,
proprietas appellatur, quę sua inest
cuique formę natiua, nec arte ali-
qua comparari potest, sed à sola na-
tura. Itaque in definitione dicitur pri-
mùm, Vis & facultas argentifica & au-
rifica Argyropœiæ aut Chrysogoniæ à
natura insita. Vt enim in semine canino
vis insita est, quę feminis materiam mo-
uet, vt generetur canis, quę vis & facul-

tas in nullo alio inest femine, sic & in femine argētifico aut aurifico, vt fiat argentū vel aurū vjs sua inest. At quoniā hæc vis & proprietas est accidens, quod per se subsistere non potest, sed semper substantię inhæret, idcirco addita est definitio Argyrogoniæ aut Chrysogoniæ, seu feminis, & ex qua materia ortum haberet: Scilicet quod ab argento, semen argenti, & ab auro, semen auri trahat originem. Nam & si inanima sint hæc corpora, neque sibi similia in mineris terræ procreent, tamen arte impellente per translationem sibi similia producere dicuntur, cum in semen, vel in id quod locum feminis obtinet, transilierint. Et veluti dicimus canem esse causam efficientem canis, sic & argentū, argēti, & aurum, auri. Hinc pulchrè Augurellus,

*Aurum est
causa efficiens auri,
Argentū,
argenti.*

*Hordea cui cordi demum serit hordea, ne tu
Nunc aliunde pares auri primordia, in auro
Semina sunt auri, quamuis abstrusa recedant
Longius, & nobis multo quærenda labore.*

*Forma si-
ne quali-
tatibus
primis ad
agendum
inefficax.*

Quamuis autem à forma eiusque viribus effectus omnes, quoscunque cer-
nimus, primū maximèque proficiscū-

tur, attamen sine qualitatibus primis elementorum, quæ sunt in misto corpore, esset inefficax, Non secus atque artifex sine instrumentis: Non quòd instrumenta agant, sed quòd per ea meliùs agatur. Ideoque in definitione dixi facultates argentificas aut aurificas agere per qualitates igneas. Tantas enim primis qualitatibus vires tribuerunt veteres philosophi, & medici, præsertim Galenus, ut per eas, quæcunque omnia hac mundi vniuersitate conspiciamus, ab ijs orta existimauerint. Qualitates autem igneas dixi, quòd maximè præ cæteris agant, Imo nisi à cæteris quibus perfusæ sunt, vis earum obtunderetur, omnia perfunderent. Has qualitates agentes, calorem nempe & frigus, solas esse causas efficientes corporum similiarium statuit Aristoteles, dum solam eorum materiã considerat: At cum ad formam se conuertit, ut quare hoc argentum sit, hoc aurum, aliam causam præstantiorem esse ait, scilicet formatricem. Hæc enim facultas formatrix dirigit qualitates primas, ut agant & moueant materiam ad formam, qualis est in mouente actu vel

*Qualitatũ
primarum
vires.*

*Forma di-
rigit qua-
litates pri-
mas.*

virtute. Sic & vis argentifica aut aurifica per qualitates igneas mouebit materiam nostram proximam, ad formam argenti aut auri capessendam. Erunt *Qualitatũ secundariũ vires.* etiam adiumento qualitates secundæ, quæ à materia ortum habent, vt tenuitas & subtilitas substantiæ: Non quòd agant, Sed quomodo forma per qualitates priores & principes, Ita & hæ per posteriores validiùs aut hebetiùs agunt. Quapropter definitioni additum est, semen hoc admirabili tenuitate præditum esse, quòd omnes materiæ nostræ proximæ partes celerrimè subeat & penetret. Vtræque autē qualitates tam priores quàm posteriores, cum sint accidentia, arte intendi posse diximus: Et ob hanc solam intensiorem forma acutiùs agit, tametsi ipsa, vt dicunt physici, non recipiat magis aut minus. Intendi etiam ex Aristotelis testimonio cõstat, Quòd omnia concocta calida esse affirmet, cū priùs essent frigida: Et quò plus cocta, cò calidiora esse. Hæ sunt igitur causæ efficientes præcipuæ. In omni enim re- *Forma, est præcipua causa efficiens.* mum est & præcipuum efficiens. Quo-

Chryfogo- circa *Argygonia* argentum, *Chryfogo-*
nia aurū, *nia aurum* generat in materia nostra
Argygo- proxima. Temperamentum verò igneū
nia argen- & materiae tenuitas tanquam instrumē-
tum gene- ta facultati formatrici subsidio veniunt.
rat.

De utroque autem semine differendi ratio, quòd soluendum, & concoquendum sit, & quomodo, ad aliam quaestionem referenda est. De solutione & concoctione obiter in definitione dictum est, ut intelligatur ex argento solam tincturam candidam argentificam depromi posse, Ex auro verò eandem, & rubram aurificam. Forsitan de utroque semine inferius plura dicenda sunt. Vis autem adiuuans etiam in definitione proponitur, quòd non agat primū nec præcipuè, sed ut externa iuuet insitam ad agendum. Ea causa adiuuans est calor externus. Hic in omnium corporum naturalium ortu adeo est necessarius, ut huius ope causæ illæ efficientes præcipuè destitutæ & orbatae tanquam sopitæ iacerent, nec vllum prorsum effectū producerent. Nam plantæ sine aëris circumambientis calore nusquam coalescerent. Oua sine calore gallinæ aut alte-

*Vis efficiēs
 adiuuans
 quæ sit.*

rius auis ea fonte nusquam pullos
 excluderent. Et animalium fœtus absque
 calore matris in vtero extingueretur.
 Nec minoris æstimanda est caloris ex-
 terni vis in toto opere hoc conficiendo.
 Imo Aristoteles causam præcipuam ef-
 ficientem in mineris metallorum tribuit
 qualitatibus externis, calori scilicet con-
 coquenti, & frigori constringenti. Calor
 igitur hic externus quidquid in metallis
 imperfectè mistis ab argenti viui natura
 est alienum, secernit, diducit, & exurit.
 Idem qualitates igneas vtrique semini
 insitas, dum concoquitur & producitur,
 intendit, & in immensum auget. Idem
 easdem, dum semen in metalla proijci-
 tur aut argentum viuum vulgare, adiu-
 uat, vt geminatis & multiplicatis viri-
 bus ipsa misceant, decoquant, & priorẽ
 misionem imperfectam interuertendo
 & perficiendo iisdem argenteam aut
 aurcam accersant. Postremò definitio-
 ni additum est, causam efficientem mo-
 uere, dissoluere, misionem perficere, vt
 quæ illius essent actiones & opera, de-
 monstrarem. Primum omnis causa ef-
 ficiens mouet subiectum aut materiam

*Vires &
 effectus
 caloris ex-
 terni.*

*Actiones
 & opera
 causæ effi-
 cientis.*

ad finem aliquem. Motus autem est viâ
 & fluxus inter materiam & finem illū.
 Finis autem est, vel forma, vel quanti-
 tas, vel qualitas, vel locus. Causa igitur
 efficiens mouet ad varios fines. Et cum
 finis Argyropœciæ aut Chrystopœciæ sit, vt
 producat argenti vel auri, Ergo
 motus ille ad formam nouam contēdit.
 Forma enim plumbi, stanni, æris, ferri &
 argenti viui non est forma argenti aut
 auri, Sed illa sunt horum subiectum &
 materia : & pereuntibus illorum formis
 (cum materia sine forma subsistere non
 possit) hanc aut illam scilicet argenti
 aut auri induci oportet. Videndum est
 igitur qua motus specie abeuntibus for-
 mis à stanno, plumbo, ære, ferro & argen-
 to viuo (quibus perpetuò inherere non
 possunt, si moueantur) alia eisdem scili-
 cet argentea aut aurea succedat. Existi-
 matur vulgo motum omnem ad formā
 esse per ortum & interitum, seu genera-
 tionem aut corruptionem, quorum alter
 alteri semper succedat : Et ortum quidē
 esse motum aut potius mutationem à nō
 esse ad esse, interitum verò ab esse ad
 non esse. Quod verum esse concedimus

*Motus ad
 formā non
 semper est
 per gene-
 rationem
 & corru-
 ptionem.*

in stirpium & animalium ortu & interitu. At in solis corporibus simpliciter mistis, non per corruptionem & generationem sed per dissolutionem & mitionem simplicem formam induci subiecto demonstrabimus. Subiectum autem hoc quod corrumpitur aut generatur in vegetabilibus & animalibus, aut dissolvitur & miscetur in mistis simplicibus, est tantum remotum aut propinquum. Nam quod est proximum id est semen, aut quod vicem obtinet feminis, nec corrumpitur, nec dissolvitur, sed illius ortus est per solam perfectionem.

Quæ omnia dilucidius explicare constitui, ne paradoxum proferre videar, tum quod & soluendæ quæstioni propositæ, tum omnibus ferè argumentis Erasti hac explicatione posthac satisfiet. Omnis motus in Argyropœia & Chrysopœia est in mitione & dissolutione simplicis. Quid autem mistio & dissolutio sit, quomodo diuidatur, & in quibus ab ortu & interitu differat, & quid utrisque commune sit, dicam. Quoniã quæstiones hæ magni admodum sunt momenti. Variæ de mitione sunt opiniones. Ari-

*Motus in
Argyro-
pœia &
Chryso-
pœia est
mistio &
dissolutio
simplex.*

Quid mistio Aristoteli.

Aristoteles sub finem tractatus de mixtione, sic eam definit. Mixtio est miscibilium alteratorum unio. Hanc definitionem reprehendit Scaliger libro exercitatio-

Quid mistio Scaligero.

num suarum, eamque indignam philosopho reputat, & sic definit. Mixtio est motus minimorum corporum ad mutuum contactum. Hæc definitionis varietas, & quæ de ea plerique senserunt, propter mixtionis vocabulum æquivocum difficultatem pepererunt. Cum enim omnia quæ diximus naturalium corporum genera, scilicet inanima, ut lapides & metalla, & animata, ut stirpes & animalia ex elementorum permixtione cõcreuerint, mixta omnia appellari possunt. Sed primi generis corporibus mixtionis nomen propriè conuenit, & per solum mixtionis motum ortum habere. At aliorum corporum genera etiam præter mixtionem aliquid aliud habent, nec illorum perfectio à solo mixtionis motu prodijt. Hinc Aristoteles ante mixtionis definitionem discrimen ipsius à cæteris motibus & mutationibus posuit, obscure satis & breuioribus verbis quàm necessarium fuisset: Et mixtionis diuisionem

diuisionem silentio præterijt, Nec verbum vllum de dissolutione simplici, quæ mistioni aduersatur, addidit. Cum autem, vt dixi mistionis & dissolutionis vocabulum sit æquiuocum, & in æquiuocis partiendum prius quàm definiendum, vtriusque diuisiones aliquæ adferendæ sunt, scilicet tam eius quæ generaliter & confusè, quàm eius, quæ propriè mistio dicitur. Mistionis vocabulū indicat ea, quæ miscentur, plura esse numero. Mistio alia est prior, alia posterior. *Mistionis*
Prior est, quæ ex primorū quatuor ele- *prima di-*
mentorum concursu proximè & imme- *uisio.*
diatè fluxit, qualis est in lapidibus & *Prior & posterior*
metallis, & inanimis & subterraneis
corporibus, quæ primam esse eorumdē
elementorum sobolem diximus. Po-
sterior verò est quæ ex iam mistis ele-
mentis prodijt, qualis est in stirpibus &
animalibus, eorūque partibus. *Secunda*
Aliter etiā *diuisio.*
potest diuidi mistio, vt alia sit à natura
sola, qualis est in omnibus corporibus *Naturalis &*
naturalibus, quæ solius naturæ vi con- *artificialis*
creuerunt: Alia ab arte, qualis est in
corporibus iam à natura ortis, quæ rur-
sus arte miscentur, vr in diuersæ speciei

*Tertia di-
uisio.*

corporibus , seu sint fusilia, aut liquida,
aut sicca & minutissima corpuscula tri-
ta. Sed & eiusdem mitionis alia est di-
uisio , Vt altera sit ad formam vnicam
eorum, quæ miscentur, constituendam:
Qualis est in omnibus corporibus na-
turalibus , quæ suam quæque eamque
unicam formam consecuta sunt , Altera
est, vt sit ad vnionem minimorum cor-
porum & contactum manentibus eorū
formis natiuis, qualis est in liquidis cor-
poribus, vt aqua & vino mistis, aut fu-
silibus, vt metallis, aut siccis, quæ in te-
nuissimas partes redacta simul miscen-
tur. In hac enim mitione diuersa hæc
corpora suas quæque formas retinent.

*Quarta
diuisio.
Mistio
perfecta
simplici-
ter quæ
sit.*

Alia etiam est eiusdem mitionis diui-
sio. Vt alia sit perfecta simpliciter , alia
comparatè. Mistio perfecta simpliciter,
est eorum , quæ cum diuersarum prius
essent specierum, postquam coierint , v-
nicam formam substantialem adepta
sunt , vt sunt omnia corpora naturalia.

*Mistio per-
fecta cõ-
paratè
quæ sit.*

Mistio perfecta comparatè est , quæ &
si simpliciter in se se introspecta perfe-
cta dicatur, ad alias tamen collata magis
aut minus perfecta est , tam in his quæ

diuerforum sunt generum, quàm quæ
 diuerfarum sunt specierum sub vno ge-
 nere proximè comprehensarum. *Quin-* *Mistionem*
 etiam & hæc mistionis perfectio com- *perfectam*
 parata variè æstimatur, Aut ex actioni- *comparatè*
 bus corporum, quæ mista sunt, præstan- *variè æsti-*
 tioribus, aut ignobilioribus: Aut ex cõ- *mar.*
 nexione partium mistorum corporum
 solida vel imbecilla: Aut tam ex viri-
 bus & actionibus corporum mistorum,
 quàm eorundem compagine. Mista e-
 nim tantùm corpora, vt lapides & me-
 talla, si vires & actiones eorum confide-
 rentur, ignobilia cæteris corporum
 generibus iudicabuntur, quòd ex sola e-
 lementorum mistione constent. At plā- *Propter*
 tæ motum quendam habent, animalia *agēdi vim*
 magis manifestum, homines verò præ- *stirpes &*
 ter motum rationis & intelligentiæ sunt *animalia*
 participes, & præstantissima edunt ope- *perfectio-*
 ra. Itaque agendi facultate magis defi- *ra sunt*
 niuntur. Et hac ratione perfectiora di- *quā mista,*
 cuntur mista inanimis necnon cæteris
 aliorum corporum generibus. At si ijs-
 dem plantis & animalibus connexionē
 & soliditatem lapidum & metallorum
 opposuerimus, horum sanè mistio erit

Mista simpliciter perfectiora propter perfectionem.

perfectior. Non enim ita facilè in partes distraherentur aut dissoluentur, Quippe quòd magis perpetiendi quàm agendi munere defungantur. Sed & inter se lapides & metalla, & hæc etiam inter se ipsa collata, perfectè magis aut minùs mista dicentur. Quorum enim metallorum partes, ex quibus constant, humido scilicet & sicco, adeo tenaciter hærent, ut igne dissolui aut distrahi haudquaquam possint, perfectiùs mista dicetur, ut argentum & aurum, Atque hac de causa etiam argentum viuum. Quæ autem præter hanc arctam & indissolubilem mitionem adeo æquali sunt temperamēto, ut ferri sursum igne nequeāt, perfectiora etiam mista appellantur, ut eadem argentum & aurum, secundum vniuscuiusque perfectionis gradū. Quorum omnium accidentium causa in superioribus est dicta. Quòd si in his corporibus inanimis aliquod corpus reperiatur, quod vires & qualitates nimium exuperantes obtineat, siue à materia, siue à forma, seu à temperamento, seu ab omnibus profectas, & præter has fuerit etiam indissolubile & fixissimum, & in

ignis violentia persistat, id vndequa-
que perfectissimè erit mistum. Non e-
nim solùm perpetiendi potentiâ, sed a-
gendi facultate erit definitum. Sanè in
metallis nullum tale corpus reperitur.
Aurū enim, quod in metallis perfectius
est mistum, nullis facultatibus agentibus,
sed perpetiendi tantum potentia est
præditum. Quocirca cæterorum metal-
lorum misionem imperfectam haud-
quaquam perficere potest. Vtramque
autem, scilicet agendi facultatem & pa-
tiendi potētiam Argyrogonia & Chry-
sogonia id est semen argenteum & au-
reum obtinent: Excellentius verò se-
men aureum: Quocirca vndequaque
perfectè mistum cum sit, cæterorū cor-
porum & argenti viui vulgaris imper-
fectam misionem perficit, vt mox di-
cam. Cur autem semen argentificū aut
aurificum perfectiori misione & facul-
tatibus sit præditum, quàm argentum
aut aurum, causa est, quòd elemēta cor-
porum mistorum, quæ rursus miscētur,
alios & nobiliores effectus pariunt, quā
quæ primò miscentur. Vires enim ele-
mentorum nondum mistorum solam

*Semen au-
reū vnde-
quaque
perfectè
mistū est.*

Quæ mista iterū sol- uuntur & miscentur præstatio- res vires obtinent, quàm se- mel primò mista.

mistionem efficiunt, cum à nulla alià particulari & insita vi, sed ex sese moueantur, qualitatibus externis iuuantibus. At qualitates in elementis iam mistis alterius imperio subiiciuntur, & sunt tantum instrumenta formæ misti, quæ multò præstantior & nobilior est, quàm forma simplicis elementi. Calor enim ignis, ut ab anima mouetur, in animalibus est principium nutritionis, Qui sine anima non aleret. Sic argentum & aurum ex elementis & eorum viribus & qualitatibus proximè fluxerunt ex Aristotelis & cæterorum opinione. Hinc simplex est & infimo gradu eorum mistio. Semen verò argentificum aut aurificum ex argento aut auro & suo argēto viuo iam mistis, rursus coctione iterata æmula naturæ arte ministra prodierunt, hinc admirabiles produciunt effectus. Sicut autem mistionis vocabulum

De dissolutione.

diximus indicare ea, quæ miscentur plura esse prius numero, deinde fieri vnū, Sic ex diuerso dissolutionis vocabulum indicat, id quod dissoluitur vnum prius quiddā fuisse, quod in plura postea deducitur. Vnum quiddam intelligo, quod

vel continuum est & vnius formæ, vt
 vnumquodque corpus naturale sua for-
 ma constans, Aut cuius partes sunt tan-
 tùm contiguæ, & ex corporibus diuersę
 speciei coagmentatæ, vt vnum corpus
 esse videantur, vt aqua mista vino, aut
 argentum auro. Huiusce corporis gene-
 ra, si dissoluantur, in priorum formarũ
 suarum corpora redibunt, cum tantũ
 essent contigua, nisi corrumparentur. Il-
 la verò, quæ scilicet vniformis sunt ef-
 sentia, & in quibus materia & forma cõ-
 tinuantur, bifariam dissolui dicuntur. *Dissolutio*
 Aut enim resolutio fit omnium accidē- *bifariam*
 tium eorum vsque ad primam mate- *diuiditur.*
 riam, nec quidquam sensibile prioris cor-
 poris dissoluti apparet, vt in omnibus
 exustis corporibus, Et hæc dissolutio
 dicitur interitus siue corruptio: Aut
 pereunt accidentia quædam, & quædam
 sensilia supersunt, & communia tam
 priori materiæ, priusquàm dissoluere- *Mistione*
 tur, quàm iam dissolutæ, vt mox dice- *& dissolu-*
 mus in metallis quæ in argentum viuũ *tionẽ sim-*
 dissoluuntur. Nobis de mistione & *plicem ab*
 dissolutione simplici est sermo, Quæ, ex *ortu &*
 his, quæ dicta sunt, ab ortu & interitu, *interitu*
 differre,

seu generatione & corruptione differre manifestum est. In his enim fit interitus prioris substantiæ, & ortus alterius, & omnium accidētium priorum mutatio, nihilque ex eo, quod prius sensibile erat, superest. Ideoque illas non per motum, sed per mutationem fieri dixit Aristoteles. Vt cum ligna exuruntur, pars in fumum, pars in cineres vertitur, & perfecta corruptione nihil sensibile prioris materiæ ligni nec accidentium eiusdem cernitur. Hanc corruptionem appellant resolutionem in primam materiam. At in his, mistione scilicet & dissolutione simplici, quæ miscentur diuersa corpora, aut quæ mista dissoluuntur, non omnino quæ sensilia accidentia prius fuerant, dispereunt, sed aliquid ex eorum materia priori sensibile perit, aliquid manet. Cum enim ad lapidis aut metalli ortum elementa miscētur, quæ vera est mistio, quæ in his prius fuerant sensilia, etiā post mistionem conspiciūtur. Lapides enim sensilem terræ qualitatem referunt, metalla, aquæ. Sed & cum iidem lapides in calcem dissoluuntur, terram referunt: Metalla cum in argentū viuum soluū-

In ortu & interitu fieri resolutionem omnium accidētium.

In mistione & dissolutione simplici non fit resolutione omnium accidētium.

tur, aquam. In cæteris miftionis aut re-
 folutionis speciebus, in quibus diuerfa-
 rum formarum corpora fecernuntur,
 nulla eft dubitatio. Metalla enim quæ
 fufione liquantur, & mifta putantur, &
 rurfus arte diffoluuntur, fuas proprias
 formas & fua accidentia priora feruant,
 Sicut & diuerforum corporum grana.
 Hoc etiam inter has generationem &
 corruptionem, & miftionem & diffolu-
 tionem fimplicem intereft, quòd in vera
 miftione, contrariæ qualitates eorū, quæ
 mifcentur, viribus quodammodo pari-
 bus concurrunt, & ad mediocritatem
 moderationemque referuntur. Et hic
 motus ad fimplicem tendit miftionem.
 At in generatione contrariorum vires
 præter modum funt impares, ideoque
 quod minus eft & imbecillius ab am-
 pliore victum perimitur. Idcirco neque
 lignum igni, neque alimentum corpori
 permifceri dicimus, fed illa corrumpi,
 noua oriri. Hæc enim motio ad interitū
 vnius & ortum alterius tendit. Sunt au-
 tem vtrifque ortui & interitui, & mi-
 ftioni & diffolutioni veræ & fimplici
 hæc communia, Quòd corporis moti

*In miftione**fimplici**qualitates**equalibus**viribus**concurrunt.**In genera-**tione con-**trariorum**vires funt**impares.**Communia**ortui, in-**teritui, mi-**ftioni &**difolutio-**ni.*

prior forma perit, noua oritur & succedit. Sed & eisdem hoc commune est, quod seu ortui contrarius est interitus, sic mistioni dissolutio. Veræ mistioni & perfectæ, de qua est quæstio, hæc sunt propria, Vt sit eorum, quæ miscentur, communis materia: Vt tenuissima sint, & facile secari possint, qualia sunt liquida aut fusilia: Vt contrariis pugnent qualitatibus: Et vt paribus quodammodo viribus certent. His igitur legibus obseruatis erit mistio, Quæ sic definiri poterit. Mistio vera perfecta & simplex, est diuerforum minimorum corporum in communi materia motus per qualitates pugnantes æquis viribus, vt fiat vnio materiæ & formæ futuræ, & vnica ex omnibus mistis forma noua exurgat, manentibus quibusdam sensilibus accidentibus prioris materiæ & subiecti. Sic ex aduerso, Dissolutio vera perfecta, est misti corporis partium essentialium, quæ vnicam formam constituebant, secretio in alias partes manentibus in illis quibusdā sensilibus accidentibus prioris materiæ aut subiecti. Quod autem in superioribus dictum est aliquo

*Propria
veræ &
perfectæ
mitioni.*

*Definitio
mitionis
veræ, perfectæ &
simplicis.*

*Definitio,
Dissolutio
nis veræ
simplicis
& perfectæ.*

corrupto aliud gigni, & aliquo genito aliud corrumpi, & aliquo misto dissoluto simpliciter aliud mistum oriri, & aliquo misto aliud dissolui, & sibi inuicem succedere, distinctione ex subiecti natura indiget. Mutationes enim hæc sibi inuicem succedentes in materia remota & media aut propinqua tantum locum habent, non autem in proxima. Ut puta, gignendus est canis, elementa sunt materia remota, panis caro & alimenta, media, quæ semen immediatè præbit, propinqua dicitur. Sic in metallis materia remota ab argento & auro, sunt elementa, Quæ subsequitur ante metallorum ortum, media est, metalla, propinqua. In hac varia & multiplici materia priusquam ad proximam ventum sit, plures mutationes per ortum & interitum in vegetabilibus & animalibus, & per dissolutionem & mitionem in mistilibus simpliciter succedere necesse est. At ubi ad materiam proximam id est semen aut quod loco est seminis peruentum est, non interit subiectum ut suboriatur aliud, sed idem subiectum tantum perficitur. Quod mihi vnus omnium

*Differētia
mutatio-
nis & per-
fectionis
ex natura
subiecti.*

*Materiam
remotam,
mediam &
propinquam
corrumpi
aut dissol-
ui.*

*Materiam
proximam
non corrū-
pi, sed per-
fici.*

perspicatiùs animaduertisse & subtilissimè dixisse videtur Scaliger exercitatione sexta, distinctione secunda. Ouum enim quod est materia pullo proxima, interim cum fouente gallina mutatur dum ad pulli formam peruenerit, non corrumpitur, sed perficitur. Et perfici hinc apparet, quòd in ouo fracto putamine nihil corruptum intus inuenitur. Et quoniam, inquit, ouum & semen post ortum animalis desinit esse ouum & semen, corrumpi vulgo dicitur, Verùm apud sapientes, quoniam nihil ex subiecto perit, non corrumpuntur, sed perficiuntur. In perfectione enim nihil ex materia deperit, sed tota persistit, priore tantùm forma deperdita, alia succedente. Sic argentum viuum siue vulgare siue ex reliquis metallis prolicitum mistum Argyrogoniæ aut Chrysogoniæ non corrumpitur sed tantùm perficitur. His fundamentis sic stabilitis, quæ necessaria videbantur ad ea, quæ sequuntur, construenda, redeamus ad definitionis causæ efficientis explicationem. Dixi causam efficientem diducere argentum viuum à stanno, plumbo, ære & ferro.

Ipsa enim non sunt proxima materia
 argento aut auro, sed propinqua tantū, *Stannum,*
 ideoque dissolutione simplici secernen- *plumbum,*
 da est materia proxima ab eorum ma- *ars & fer-*
 teria, quæ est argentum viuum. Nec re- *rum in ar-*
 fert fuerit necne fluidum illud argentū *gētum vi-*
 viuum, dummodo ab omni forde & *uum sol-*
 substantia ab argenti viui natura aliena *uenda esse,*
 purgatum fuerit: imo quò perfectiùs *vt fiant*
 concoctum erit, proximiùs erit subie- *materia*
 ctum. Si enim à materia definiendum *argento &*
 sit nobis argentum & aurum, profectò *auro pro-*
 nihil aliud erit vtrumque quàm argen- *xima.*
 tum viuum purum, ab omni substantia *Definitio*
 aliena defecatum, & definitum & co- *argenti &*
 ctum, secundum cuiusque gradum. Au- *auri à ma-*
 rum enim purius longèque magis deco- *teria.*
 ctum vsque ad extremum naturæ me-
 tallicæ, argentum, minus. Hæc ita se ha-
 bere ex mutuo amplexu argenti viui &
 auri & argenti, tum verò ex similitudi-
 ne in ijsdem accidentium quorundam
 priorum in superioribus manifestum
 est, tum quòd arte totum ferè aurum in
 argentū viuum fluidum soluitur. Ignis, *Ignis sol-*
 quam causam dixi efficientem adiuuā- *uit argen-*
 tem, hanc dissolutionem potissimū à *tum viui*
 metallis.

præstat. Separat enim heterogenea & congregat homogenea. Idque solus efficit, vel identidem & sæpius atque alternis vicibus purgādo hæc corpora, vel in momento admistione seminis argenti vel aurifici, quod argentum viuum eorundem quatuor corporum retinet, interim dum ignis externus heterogeneum & impurum dissolvit & excernit.

*Effectus
seminis &
ignis in
materiam
proximam
agentis.*

*Quid sit
mistio per-
fecta.*

*Definitio
temperamē-
ti.*

Post dissolutam à quatuor illis corporibus alienam ab argenti viui natura substantiam, quod relinquitur ignibus inexpugnabile est, scilicet argentum viuum purum, Cuius tamen mistio nondum est perfecta ad argenti & auri mistionem collata. Quocirca ipsam, necnon argenti viui vulgaris perfici oportere subiunxi. Mistionem elementorum in vnoquoque corpore naturali perfectam appello, cū æquales eorundem vires in vnum coierint, vt calidi, frigidi, humidi sicci que pares sint portiones, & iustitia vt solent dicere medici. Ideoque inter diuersæ speciei metalla solum aurum est temperatum & æquale. Est enim temperamentum eorum, quæ in mistis sunt, principum qualitatum proportio æ-

qualis. Hanc autem æquabilitatem non magnitudine molis aut pondere metiri licet, quippe quòd in metallis aut argēto viuo vberior sit terræ & aquæ copia, quàm in reliquis omnibus corporibus naturalibus, sed potestatis vi & efficientia, cui omnia planè accepta referuntur.

Quòd igitur elementorum, ex quibus *Cūr aurū non cedit igni.* aurum concreuit, vires & qualitates sint æquales, in partes distrahi aut in fumū se attolli, non patitur. Siccum enim retinet humidum, ne euolet, & humidum cōglutinat siccum, ne incinerem abeat: Calidum frigidi torporem excitat. In summa in auro omnia equalibus viribus agentia & patientia se se ad moderationem redigunt. Sed argentum viuū vulgare propter frigidi & humidi exuperantiam violentia ignis externi sursum in vaporem fertur: Non tamen secernuntur partes sicce ab humidis propter mixturem vtriusque arctissimam, propter quam humidum rapit secum terreum. Quod perinde est, ac si dicatur, substantias elementorum in argento viuo adeo vnitas quidem vt diuelli ab inuicem

nullatenus possint : Vires autem aut qualitates eorumdem impares & inæquales esse. Quæ autem in elementis argenti viui reliquorum metallorum vires aut qualitates insunt, non vsqueadeo sunt inæquales, magisque ad temperamentum accedunt. Attamen in omnibus indefinitum est humidum, quod definiri necesse est, vt ad temperamentum

Mistio fit argenti aut auri accedat. Tum perfecta
concoctio- appellatur mistio. Hæc perfectio cōco-
ne. ctione fit. Concoctio enim, inquit Aristoteles, est perfectio quædam. Quæcunque enim concocta sunt, perfecta etiam sunt & genita. Concoctionem autē esse perfectionē inductione probatur. Quæcunque enim communiter concoqui conceduntur, priusquam concoquantur, imperfecta esse conspiciuntur, eadēque per concoctionem perfecta fieri. Dixi

Quomodo autem concoctionem & perfectionem
& cur cau fieri à causa efficiente, quam definiui.
sa efficiens Quod quomodo, & cur ita accidat, ple-
concoctio- nius etiam explicandum est. Materia ex
ne perfi- qua, arte ministra, semen argenti aut au-
ciat mate- ri prodijt, fuit argentum viuum, sed co-
riam pro- ctum, scilicet argentum & aurum. Se-
ximam. men

men hoc calidum est & siccum, Concoctione enim has vires & qualitates acquisiuit, Quippe quòd omnia concocta & calida sint. At materia nostra proxima, id est argentum viuum vulgare, & quod cæteris metallis inest potètia proxima, frigidum est & humidum, aliud alio plus minusue. Cum igitur semen & argentum viuum admiscantur, facilè coeunt ob eandem vtriusque originem proximam, & fusione calor igneus ea magis miscet. Qualitates autem seminis igneæ calidæ & siccæ agunt in qualitates frigidæ & humidæ argenti viui, & illæ agendo repatiuntur, & hæ patiēdo reagent. Quòd si amborum contrariæ fuerint vires æquales, vt puta, Semē fit calidum & siccum octo gradibus, argentum viuum frigidum & humidum totidem gradibus, reducetur argentum viuum ad temperamentum. Et ferè idē fiet, quod in aqua calida & feruente mista aquæ frigidæ, quæ ob contrarias qualitates pugnautes fit tepida & temperata. Verum calor in aqua est aduentitiuus & externus, At in semine argenti vel auri insitus. Quòd si seminis & argenti

viui vires fuerint inæquales , non feque-
 tur temperamentum , Veluti fi feminis
 calor & ficcitas fuerint octo graduum,
 argenti autem viui frigiditas & humi-
 ditas vnus tantum gradus, hæc dominio
 illarum subijcientur, & argentum viuū
 vertetur in semen, minoris tamen effica-
 ciæ ob euictos aliquatenus caloris & sic-
 citatis gradus in semine. Dixi enim or-
 tum & interitum fieri , cum vires agē-
 tium nimis superant , patientium verò
 parum resistunt, Miftionem verò , cum
 æqualibus viribus contrarijs certant.
 Hinc argentum & aurum in natura sua
 argento viuo mifta in ipsum non agunt,
 Non enim contrarijs inter fe pugnant
 qualitatibus, sed eodem ferè sunt tem-
 peramento. Cum igitur argento viuo
 tam vulgari quàm ei quod cæteris cor-
 poribus miftum est, accesserit tempera-
 mentum argenti vel auri vi qualitatū
 alterutrius feminis pugnantium æqua-
 biliter adiuuante igne externo, consum-
 mata erit permiftio: & statim forma ar-
 gentea vel aurea profiliet , & radicitus
 tinctum reperietur metallum. Terreum
 enim argenti viui actū est album, & po-

*Cur argētū
 & aurum
 in natura
 sua non a-
 gunt in ar-
 gentū vi-
 uum.*

rentia rubrum, & cum decoquitur mitione seminis aurifici, rubescit, & suū humidum tingit in citrinum. Color enim omnis est à terreo decocto: hoc in ocre citrini coloris demonstratur, quæ coctione fit rubra. At semen argentificū cum sit semicoctum tantū, non mutat colorem terrei, sed argentum viū, permutatum retinet proprium colorem, concoctum tamen magis. Plura de materia proxima & causa efficiente dicēda fuissent, sed ad alias pertinent quæstiones. Satis sit ad eam, qua de agitur, verè apertè & sine fraude hæc demonstrasse.

TERTIA ex ordine Argyrppœiæ & Chrysopœiæ pars tractanda succedit, Methodus scilicet agendi, Quæ præceptiones tradit, qua arte argentum viū vulgare præparandum sit, ut propiūs ad argenti vel auri naturam accedat: Et metalla imperfectè mista in materiam argento vel auro proximam resoluenda sint: Tum verò qua via ex argento vel auro semen argentificum vel aurificum producat: Tandem quomodo eadem materia proxima cum alterutro semine

Tertiapars

Argyro-

pœiæ &

Chryso-

pœiæ.

Quid sit

methodus.

miscentur, vt ex amborum mistione
 argenteæ aut aureæ formæ corpus exur-
 gat. De hac parte breuibus differere de-
 cieui. Sanè noui qua arte argentum vi-
 uum præparetur, aut stannum, plumbū,
 & æs in idē resoluantur, Er supra quid-
 quam attigi: Sed & quomodo ex argē-
 to & auro vtrumque semen oriatur, ali-
 quid subodoratus sum. Verūm satius
 existimaui, quæ tanta celauerunt arcana
 antiqui huiusce artis periti, ne vilesceret
 ars, silentio etiam præterire, quàm temere
 in vulgus tanta misteria profanare.
 Sat erit, imo plus quàm deceat, si miscē-
 di materiā proximam cum vtroque se-
 mine methodum indicauero. Mistionis
 huiusce methodus bifariam diuiditur.
 Altera est æmula & imitatrix naturæ.
 Altera est violenta. Prior est, quæ im-
 becillo primū calore externo, deinde
 sensim & per gradus aucto materiam
 proximam vnā cum semine argentifico
 aut aurifico concoquere docet, dum ad
 mistionem & vnionem perfectam per-
 uenerint, vt hinc argentum vel aurum
 concreascet. Posterior methodus mistio-
 nis scilicet violenta est, quæ proiecto

*Methodus
 mistionis
 materiæ
 proximæ
 cum semi-
 ne duplex.
 Definitio
 methodi
 mistionis
 prioris.
 Definitio
 methodi
 posterioris*

alterutro semine in stannum, plumbum, æs ferrum & argentum viuum cuiuscūque generis demonstrat argentum vel aurum statim in momento igne adiuuante producere. Discriminis huiusce *Ratio discriminis vtriusque.* ratio est, quòd in priori agendi methodo minus validæ sint vtriusque seminis vires & qualitates igneæ, quàm vt momento possint humidum argenti viui vel vulgaris, vel ex ceteris metallis proliciti concoquere & definire, itaque sensum moueri materiam expedit. At in posteriori methodo vires hæ igneæ seminis adeo sunt validæ, vt primo statim occurfu & contactu calore externo adiuuante omne cuiusque generis argētum viuum decoquant & transmutent in argentum vel aurum. Non secus ac ignis violentissimus & sicca & viridia ligna statim sine discrimine conficit & exurit, nec impedit humidum aqueum, cum tãto feruori resistere nequeat: Qui tamen ignis, si imbecillus esset, viridia ligna non æquè tanta celeritate exureret. Vtriusque methodi in opus deducendæ ratio non omnibus vna eademque est, quibus tamen vnus atque idem

est finis & scopus. Verùm methodum, quæ magis ad naturam accedet, magisque sensibus fidẽ faciet paucis perstringam. Prioris methodi duos tantum agendi methodos recitabo. In omni opere, inquiunt phisici opus est agentis ro- bore & corporis passuri dispositione. Argentum viuum vulgare etiam si sit materia argento & auro proxima, tamen est temperamento præter modum frigido & humido atque indefinito, & longè magis ab argenti aut auri concoctione distat, quàm argentum viuum à reliquis metallis arte prolicitum. Si igitur consilium sit argentum viuum vulgare in argentum vel aurum transmutare ex præscripta priori methodo, necesse erit illud prius purgare, & à nimia frigidity & humiditate vindicare, Alioquin concoctioni nimium esset contumax. Hæc igitur est præparatio. Artifices autem, qui in his versati sunt, alloquor, & vocabulis artis uti cogor, ut significantius omnia comprehendantur, & intelligantur. Sublimetur argentum viuum vulgare quater vel pluries, dum niuem albedine superet, & ut vitrum in subli-

*Quomodo
ex argento
vino vul-
gari misto
cum argē-
to vel auro
argentum
vel aurum
produca-
tur.
Præpara-
tio argenti
vini.*

matione excoctum transpareat. Hinc teratur, & perfusum oleo tartari igne valido adhibito destilletur in vas recipiens & reuiuifcat. Sic argentum viuū purissimum & splendidissimum habebis, & à frigiditate & humiditate nimia naturali aliquatenus vindicatum. Feces enim, quæ illi in sublimatione miscētur, quidquid est impuri, retinent, humidum autem rarius, leuius & minùs coctum in pulueris similitudinem ad superiorem vasis partem conscendit. Purior autem pars magisque decocta grauior & solida in media vasis parte subsistit & adhæret, quæ peruia est, & ex eadem argentum viuum resolutum & fluidum est quodammodo temperatum. Ex hoc argento viuo defecato & argento vel auro in calcem reductis fiat malagma. Teratur diutissimè sub marmore, Deinde exprimatur crassiori linteo obuolutum, dum aliqua argēti vel auri tenuior pars vnà cum argento viuo perfluat. Addatur nouum argentum viuum purgatum malagmati, quod ob crassitiem transmeare non potuit, rursusque exprimatur. Et identidem toties hæc opera

reperantur, dum totum malagma percolauerit, Quòd si nimium erit cōtumax, fimo equino calente sepultum aliquot diebus emolliendum & attenuandum erit, idque repetendum, dum alterutrū semen totum cum argento viuo perflu-
 xerit. Sic argentum & aurum soluta e-
runt in argentum viuum cum argento
viuo. Hæc ita resoluta iteratis vicibus
 destilla, dum tota in recipiens vas stilla-
 uerint sub argenti viui forma, Quòd si
 quid imo vasis substituerit, addendum ei
 erit nouum argentum viuum, terēdum,
 fimo equino calente emolliendum &
 attenuandum, idque repetendum, dum
 totum in vas recipiens stillauerit. Dis-
 soluendæ vnice vncie argenti vel auri
 quadraginta ferè vncie argenti viui præ-
 parati admiscendæ erunt, Quæ si nō suf-
 fecerint, rursus addendæ aliæ vsque ad
 quinquaginta aut sexaginta ad summū,
 quarum beneficio & vi humida poten-
 tiâ vnica illa vncia alterutrius seminis
 verè in argentum viuum soluta conspi-
 cietur. Hoc argentū viuum metaphoricè
animatum appellant. Nam veluti in a-
 nimalium corporibus anima caloris est
 principium

*Argentum
 viuum ani-
 matum me-
 taphoricè
 quid sit.*



principium & causa, & finè qua mortua iacerent corpora, Sic argentum vel aurum principium est caloris in argento viuo, quod alioqui frigidissimum nec quidquam alteratum persisteret. Est autem argentum hoc viuum animatum a deò argento aut auro proximum, vt solum ex se solo agente calore externo pauco tempore in argentum aut aurum transmutaretur. Sed vt expeditius opus peragatur, fumatur dragma huiusce argenti viui animati, eique admisceatur dragma argenti vel auri in calcem reducti. Redigitur in calcem si prius ex alterutro & argento viuo malagma cõficiatur, deinde igne sensim expirauerit argentum viuum. Duæ igitur hæ dragmæ scilicet argenti viui animati & cal-
Quomodo argentum vel aurum in calcem redigatur.
 cis argentæ vel auræ simul mistæ lēto primùm igne post aucto sensim vsque ad ignitionem maximam decem dierum spatio decoquantur, dum in puluerem candidum vel fuluum desierint. Huic deinde pulueri æquale pōdus eiusdem argenti viui animati adiiciendum, miscendum, concoquendum vt prius, dum in puluerem abierit, & colorem

candidum aut citrinum contraxerit. Atque ita iteratis vicibus æqualitate ponderis seruata totum argentum viuum animatum in puluerem album aut citrinum figetur. Hic puluis in pilulas albumine oui immisto formatus, & in portunculam argenti vel auri sensim proiectus, in argentum vel aurum purissimum transmutabitur. Posterior prioris methodi modus, eadem ratione niti-

*Quomodo
ex argento
vino à stā-
no, plūbo,
& are pro
licito, ar-
gētum vel
aurū pro-
ducatur.*

*Argētum
viuum ex
argēto ce-
leriter in
aurum mu-
tatur.*

*Posterior
agendi me-
thodus per
proiectio-
nem.*

titur. Argentum enim viuum à stanno, plumbo & are summa arte prolicitur, & calci argentæ vel aureæ admiscetur, & vt in superiori traditum est, concoquitur, & in corpus argenteum vel aureum reducitur. Sed nullum ex corporibus omnibus metallicis argentum viuum calci aureæ admistum celerius & perfectius in aurum mutatur, quàm quod ab argento puro arte prolicitur. Hac omnia operam, diligentium, & manum artificis expostulant, nec nisi progressu temporis fieri possunt. A quibus excusabimur à posteriori agendi methodo, scilicet si desiderato semine perfecto argentifco aut aurifco potiemur. In omnia enim metalla igne colliquata proiecta

& colliquata illius portiuncula miscetur
 statim solis partibus argenti viui eorū-
 dem, ipsumque rerinet, concoquit & v-
 nitum perfectè tingit in argentum vel
 aurum. Ignis autem externus, quidquid
 est impuri, exurit, & in fecem superna-
 tantem excernit.

V T A V T E M ordinem propositum *Confirma-*
 sequamur, confirmandum est nobis Ar- *tio Argy-*
 gyropœiam & Chrysopœiam artem ef- *ropæia &*
 se veram. Cum autem ad confirmatio- *Chryso-*
 nem quæstionis, An sit, multum valeāt, *pæia.*
 authoritas, ratio & experientia, Possem
 primū multorum grauissimorum vi-
 rorum testimonijs & authoritate cōfir-
 mare veram esse artem, nisi de his ædi-
 tus esset liber, cui titulus est, De verita-
 te & antiquitate artis chemicæ & pulue-
 ris & cæt. Authore Robero Vallenſe, Is
 liber æditus Parisijs apud Federicū Mo-
 rellum anno 1561. Quapropter, qui vo-
 lent authoritatibus probari sibi verita-
 tem artis, eos ad eiusdem libelli lectio-
 nem relegamus. Sed magis rationibus
 innitendum, & experimētis quibusdam
 demonstrandum esse putauimus. Nullis
 igitur, probabilioribus rationibus & ar-

Argumenta à rationibus probabilibus ducta confirmantia artem.

Omnium effectuum causas esse materiam & causam efficientē. In artis potestate esse, quod necessariū est ad impellendas causas naturales, ut agant.

gumentis defendenda est nobis hæc Argu-
gyropœia & Chrysopœia, quàm ex ijs,
quæ dicta sunt, & quæ in refellendis E-
raſti argumentis poſthac dicenda ſunt.
Scilicet ex cognitione materiæ argento
& auro proximæ, & cauſæ efficientis,
Quæ cum vtraque ex ijs, quæ natura ſua
ſponte in lucem ædedit, arte elici poſſit,
nemini dubitandum eſſe puto, quin illa
ab hac perfici, & argenti aut auri formā
ex præſcripta vtraque methodo arripi-
re poſſit. Sunt enim omnium operum
& effectuum tam naturalium quàm ar-
tiū fundamenta, materia & efficiens cau-
ſa. Tantò autem veriùs id præſtari poſ-
ſe exiſtimandum erit, quantò veriſimū
erit in artis potestate eſſe id quod ne-
ceſſarium eſt ad impellendas cauſas
naturales ut agant. At quod neceſſariū
in arte videtur, hoc ſolum eſt, ut miſ-
ceat elementa materiæ proximæ, & im-
perfectam miſtionem perficiat. Subie-
ctum enim cauſæ agentis eſt inanimum
corpus, nec aliud eiùſdem agentis eſt
munus, quàm miſcere, non vegetare, ale-
re, aut cætera munia obire, quæ in plan-
tarum & animalium ortu ſunt neceſſa-

ria. Atqui calor externus qualitates metallorum, & elementorum materiæ proximæ, & feminis vtriusque argentifici aut aurifici mouere potest, & intendere aut infringere, & mistionem priorem interuertere, vt hinc noua mistio inducatur, simulque prior forma aboleatur, alia succedat & oriatur, Et calor ille igneus externus est in artis potestate: Verissimum igitur erit artem beneficio ignis miscere posse ea, quæ mistilia sunt, ijs obseruatis legibus, quas paulò ante commemorauimus, cum de mistione agerem. Hanc mistionem ab igne effici posse cum negasset Cardanus libro de subtilitate rerum, à Scaligero exercitatione ceterisima prima, distinctione duodecima iure reprehensus est. Nam in alembico, inquit, coaceruata, & multa, & diuersa & contraria, ita miscet ignis in eo vase, quod recipiens dicitur, vt nulla vi præterea seungi queant. Et hic sanè est à natura: Nec ignis naturam temere à natura discerpendam esse ait. Sed ne longiùs exempla artis petantur, quibus eam verè miscere demonstrari possit, Nonne vitrum corpus est naturale ma-

Ignem miscere ex Scaligero aduersus Cardanum.

Artē verè miscere ab exemplo vitri demonstratur.

teria & forma constans! Non enim terra, non aqua, minus aër, aut ignis est, sed ex horum mistione vi qualitatum concretum. Atqui quòd vitrum sit, nullum alium habet opificem quàm vitrarium, nec aliam causam agētem, quàm ignē. Materiam quidem, ex qua vitrum fit, ars non potest producere, At ligna igni subijcit, à quo exuruntur, & in cinerem vertuntur, Deinde cinis miscetur arenæ puræ aut lapillis perspicuis minutissimè tritis, hinc vtraque materia igne in calcē redacta, eademque tandem igne violento fusa vertitur in vitrum. Sic ars metalla non producit, nec argentum viuū, nec materiam seminis argentei aut aurei, sed ea igni subijcit, qui qualitates eorundem subigit & alterat, miscet, & quæ arti propria sunt opera, efficit, quorum effectus est mistio, aut huic opposita resolutio in aliud mistum simplex. Sanè

*In materia
vegetabi-
liū aut ani-
malium vi-
res insitas
esse.*

si vegetationem, sensum, per mutationē vnus indiuidui in indiuiduum plantæ aut animalis induci oporteret, ignis aut calor igneus hæc minimè præstaret, sed vis & calor efficiēs insitus materiæ & semini, qui non est ex genere caloris ignei,

sed celestis, & proportione elemēto stellarum respondens, vt rectè ait Aristoteles. At quæstio non est de vegetatione, aut sensu, sed de mistione inanimorum corporum, quæ non insita vi, sed pulsu agitantur externo. Quod si obijciatur in materia mistorum corporum simpliciter vires etiam suas inesse, quibus ad formam unicuique propriam promouentur, Sit ita, non idcirco tamen minùs forma argenti aut auri in materiam illis proximā inducetur. Si enim vi mistionis eadem materia proxima eosdem affectus corporeos induat, quos argentum & aurum, cum mistionem calore externo agente efficere nouerimus, argenti quoque aut auri formam eidem materie proximè inducemus. Ex accidentibus enim argento & auro proprijs & sensibus cognitis formas eorundem intelligimus, cum ignotæ sint nobis differentie illorum specifiæ. Hæc enim accidentia propria, vt & in ceteris corporibus naturalibus, formam unicuique propriam sequuntur. Hæc autem Erasmo responsurus luculentiùs tractabo. Et si autem hæc probabiles sint rationes, qui-

*Materiam
inanimato-
rum corpo-
rū pulsu
externo
agitari.*

bus Argyropœiam & Chryſopœiam defendere poſſem, tamen experientiæ maior fides adhiberi ſolet, Preſertim in effectibus eiufdẽ Argyropœiæ & Chryſopœiæ, qui ſenſuum iudicio, quales ſint, verè iudicantur. Si enim quod hæc ars pollicetur, id eſt argentum aut aurum, verum eſt, fidem faciet demonſtratio, vbi vtrumque proprium ſubierit examẽ. Quòd in ijs artibus, quæ ſolam ratiocinationem pro fundamento habent, non ita demonſtratur. Idcirco experimenta duo enarrabo, quæ non ſemel ſed idẽtidem ſapius probata in animum induxerunt, vt artem veriſſimam eſſe crediderim. Nefcio an ſcriptis fides adhibebitur: Sed parum ſollicitum me reddit, crediderit Eraſtus necne, aut quiuis alius huiusce artis ignarus. Adfirmare tamen bona fide poſſum vidiffe me argentum viuum à ſtanno arte eductum ferè fluidum vt vulgare in purum argentum tranſmutatum fuiſſe. Ex quinque libris ſtanni vna aut circiter argenti viui prolicitur. Purgatur exemptum lauacro ex fale & aceto, dum ſit ſplendidum. Quatuor vncijs huiusce argenti viui admifcetur

*Confirma-
tio artis
ab expe-
rientia.*

*De argẽto
viuo à ſtanno
prolici-
to mutato
in argẽtũ.
Primũ au-
thoris ex-
perimẽtũ.*

cetur vna gummi cuiusdam argentei
 fusibilis & fixi. Fit autem fusibile & fi-
 xum mistione vnus vnciæ puri argenti
 cum quatuor vncijs arsenici prius subli-
 mati, purgati & per reiterationem sub-
 limationis fixi cum eodem argento.
 Hinc soluitur vapore aqueo calente, dū
 conspiciatur vt oleum spissum. Huius
 igitur olei portio vna cum quatuor ar-
 gēti viui è stanno arte educti mista vas-
 culo vitreo includitur, & vi caloris pri-
 mū imbecilli, deinde aucti vsque ad
 decimum diem concoquitur dum in
 puluerem cinereum fixū substituerit, Qui
 cum plumbo liquatus, & examini cine-
 ritij probatus, vertitur in verissimum ar-
 gentum. Cuius effectus causa in supe-
 rioribus tradita est. Alterum experimē-
 tum est, argenti in aurum mutatio, hac
 methodo. Distilletur aqua acerrima &
tingens, quam plerique norunt, Destilla-
 ta rursus destillanda est & sæpius dum
 nullæ feces post distillationem in imo
 vasis resederint. Magni enim refert om-
 nia ab impura fece & crassitie esse pur-
 gata. Purgandum etiam est argentum
 viuum vulgare pluribus repetitis subli-

*Secundum
 authoris
 experimē-
 tum, in ar-
 gento irās-
 mutato in
 aurum.*

mationibus , dum perspicuum fuerit. Hinc reuiuifcat. Soluantur feorsim à destillata aqua acerrima vnciæ duæ argenti purissimi: Eadem etiam aqua soluantur feorsim quatuor vnciæ argenti viui purissimi : Misceantur soluta. Distilletur aqua primùm imbecillo igne, dum tota stillauerit. Hinc augeatur gradus caloris , vt etiam argentum viuum destillatione expiret. Frangatur vas vitreum. In imo vasis massam argenteam conspicias partim cinereo, partim rubro subobscurò colore tinctam. Tandem reduc in corpus. Hoc argentum & si nondum mutauerit colorem , neque sit aurum, purius tamen est & solidius quàm naturale argentum, ipsiusque humidum magis defecitum. Idcirco in examine auri scilicet cimenti egerimè nec nisi repetito sapius diuellitur. Quinetiam solutum cum fuerit ab aqua acri separationis, ramenta quædam auri puri subfidere conspicias. Hoc signo totam argenti massam in aurum mutari posse iudicabis, Cum sit eadem totius quæ & partis ratio. Hoc opus maturationis fructuum speciem quandam gerit. Cùm

primùm enim vix maturefcunt, grana quædam nigro colore perfufa conſpiciet, cætera autem fine vlla coloris mutatione, quæ tamen procedente & continuato calore maturaticne peracta nigra ſunt omnia. Sic ſi idem argentum ſæpius ſoluatur ab eadem aqua acri, ei- que admiſceatur argentum viuum ſolutum, & deſtilletur aqua, & expirauerit argentum viuum, & maſſa ſubſidens in corpus reducatur, tota in aurum mutabitur. Varios etiam ſubinde colores co-
 cktiones reiterando contrahet, dum tan- *Colores*
 dem rubeus, ſplendidus, fixus, & imper- *diuerſi,*
 mutabilis color apparebit, Qui perfe- *concoctio-*
 ctæ concoctionis ſignum eſt. Sed ma- *nis ſigna.*
 gna in reductione in corpus adhibenda erit diligentia, ne nimium decidat de pondere, Alioqui totum ferè argentum vi ſpiritus aquarum acrium in reiteratione operis in vaporem euaneſcet. Nec aliud periculum in hoc experimento pertimeſcendum: Intertrimentum hoc cuitare poterunt ingenioſi: neque ratio ſuadet omnia in vulgus profundere. Hæc agendi methodus & ſi à ſuperiori diuerſa ſit, tamē in vtraque eadem cau-

*Causamuta-
tionis
argenti in
aurum.*

sa, idemque est effectus. Hoc enim tantum agitur, & sæpe dictum sæpius quoque repetendum est, ut omnis aliena ab argenti viui natura & impura substantia à metallo excernatur, solaque argenti viui substantia pura supersit, Quæ concoquenda & definienda est, dum colorem citrinum contraxerit, Signum perfectæ concoctionis. Atqui hoc experimento & agendi methodo hæc omnia præstantur. Certum enim est solutione cuiuscunque corporis misti in fluidam consistentiam ab aqua heterogeneousam atque impuram omnem substantiam excerni. Hoc exemplo salis communis atri & impuri demonstratur, qui solutus in aquam ab aqua impuritatem omnem in vasis imo derelinquit, Qui autem in aqua clarissima effusus & solutus est, si agente calore incrassetur, niueus conspicietur. Secretioni autem huic adiumento erit argenti viui substantia pura: ipsum enim quod suæ est naturæ retinet, alienum respuit. Et in reductione post coagulationem, quod heterogeneousum & impurum est, abit in fecem, Quod verò purum est, liquatur, & in canaliculam ferream

proiectum in metallum frigore concre-
cit. Vis autem ignea aquæ acris definit
& concoquit humidum: Terrerum au-
tem argenti, quod actu est album, po-
tentia rubrum, per operis reiterationem
rubescit, suumque humidum tingit in
citrinum. Et hic color est indelebilis,
est enim radicitus infixus. Sic argentum
ab iisdem causis quibus & in superiori-
bus agendi methodis in aurum transit.
Cum enim sensim illi accidentia auro
propria accedunt per præparationem,
tandem auri formam contrahit. Omne
enim corpus sub certa quantitate stans
apprehendit ad se formam in momēto.
Argentum autem, quod propiùs ad au-
ri naturam & missionem accedat, quàm
reliqua metalla, faciliùs hac methodo
formam auri ad se trahit: Cætera æger-
rimè, Sed excernendum priùs est ab illis
argentum viuum fluidum, Quod cum
calce auri concoctum in aurum mutari
poterit. Hanc argenti in aurum muta-
tionem hoc experimento nostro didici-
mus à similitudine mutationis ferri in
æ. Soluatur vitriolum in aquam ab a-
qua, in hanc aquam ferri ramenta pro-

*Qua arte
ferri mu-
tatur in
æs.*

jiciantur. Ferueat aqua vsque ad consumptionem tertiæ partis illius: Sub diuo relinquatur, subsidebit in imo vasis ferrum & vitriolum. Effundatur aqua clara, immitatur alia. Hoc repetatur sæpius, dum tota vitrioli substantia soluta in aqua necnon impuritas ferri effusa sit. Conspicies in fundo puluerem rubrum, Qui vi follium liquatus & in canaliculam proiectus in æs purissimū concrefcet. Si quis omnia hæc accuratiùs perpenderet experiendo & manum operi admouendo, lucrum inde non minimum captaret, & vberiùs quidē quàm alia aliqua arte consequeretur, si modò rectè opus perageret. Verùm hæc eò à nobis scripta non sunt, vt ditefcendi artem doceremus, sed vt veram esse eam demonstraremus. Hic enim finis est & scopus Apologiæ nostræ. Scio tamen plures tanto comparandarum opū æstu flagrare, vt nullam aliam ob causam Argyropœiæ & Chrysopœiæ incumbendum esse putarent. Per paucos video, qui spreta opum immensitate, quàm hæc ars suppeditare potest, paucis & necessarijs contenti admiranda Dei opera non so-

*Effectus
superiùs
dictorum.*

lūm in plantarum & animalium ortu,
 sed & in mutorum & inanimorum ho-
 rum corporum dissolutione & mistione
 contemplari desiderent, quæ hac arte
 inuestigando oculis conspiciuntur, &
 manibus palpantur. Illis famelicis &
 auri sitientibus vt satisfiat, horum autem *Consilium*
 pijs desiderijs vt prouideatur, & in vni- *authoris.*
 uersum omnibus huiusce artis percupi-
 dis & amatoribus, si me, quibus operi-
 bus illis incumbendum sit, cōsuluerint,
 dicam ingenuè & bona fide, & quod
 mihi, idem quoque illis consultum esse
 velim. Magna equidem sunt, quæ ex
 præscripta priori methodo aggredienda
 verè & apertè demonstraui, quæque, si
 ad exitum perducantur, magno cum
 fœnore prouentura sint. Verūm omnia
 hæc laboriosa, tædiosa admodum, & dif-
 ficilia, Siue argentum viuum à corpori-
 bus metallicis arte summa eruendum
 sit, Siue vulgare præparandum, vt ne-
 cesse est, Seu argento aut auro vis quæ-
 dam ignea accersenda sit, quæ in argen-
 tum viuum agendi facultatem habeat,
 & illud concoquendi, Seu argentum vi-
 uum cum auro tam arctissimè per exi-

guas portiunculas miscendum & vnien-
dum sit, vt in vaporem vtrumque simul
furfum feratur igne agente, & in vas re-
cipiens in argēti viui formam delapsum
coire oporteat, Seu argentum summa
præparatione præcedente sine semine in
aurum mutandum sit. Præterea in hac
priori methodo pluribus opus est vasis,
fornacibus, aquis, oleis & quamplurimis
alijs rebus. Sed & hæc non sine magnis
sumptibus fieri poterunt, priusquam,
quod quæsitum est, verum esse expe-
rientia comperiatur. Multa etiam in tra-
ctandis vasis pericula solent incidere.
Insuper & hæc omnia assiduam operam
sine intermissione desiderant, Et si illis
incumbendum sit, propriæ professionis
partes & functiones deferendæ sint ne-
cessariò. Atque hinc, quod maiùs malũ
video, bonorum virorum existimationi
plerumque detrahitur. Tandem ex tam
multis & assiduis laboribus, opera & o-
leum, vt dici solet, plerumque teritur,
nisi ab artifice ingenioso & maximè ex-
perto administrentur, qui etiam in cau-
sarum naturalium cognitione versatus
sit, vt errorem, si primũ voti compos
non

non extiterit, emendare possit. Neque tamen propterea hæc damnanda aut cōtemnenda sunt, Quippe quæ ad altera concipienda & capessenda aditum facillimum præbitura sint. Sed de ijs ita sentiendum esse puto, vt nihili æstimanda sint, si Chrysoγονiæ seu semini nostro aurifico comparentur. In huius inuestigatione cæteris omnibus explosis Argypœciæ studiosos omnem operã collocare oportet. Cognitis enim paucis, quæ tantopere, & iure quidem, occupaverunt veteres, cætera nullius vel minimi laboris æstimanda sunt. Sunt autem quæ celauerunt, tria hæc. Materia, causa efficiens, & locus. Quibus nomen proprium non imposuerunt, sed inuestigantes ad naturæ opera relegauerunt. Et rectè quidem. Materia ex qua triticum generatur, est triticum & humor è terra & aqua mistus: Causa efficiens partim est insita grano tritici, partim est externa, nempe calor solis in aëre circumambiente. Locus est terra. Sic in Chrysoγονiæ materia ex qua semen aurificum generatur est aurum & suum argentum vivum. Hanc materiam nomine barba-

In inuestigatione seminis aurifici cæteris explosis incumbit dū esse.

Tria à veteribus celata.

Ortum seminis aurifici naturalem esse non secus ac plantarum aut animalium.

ro appellauerunt REBIS, quòd ex bi-
 na re primùm componitur, quæ tãdem
 coctione diuturna futura sit vna specie
 & numero. Causa efficiens partim est
 vis insita in auro, partim calor externus,
 qui calorem solis æmulatur. Locus est
 fornax, quam Athanozem appellant cū
 suo tripede arcanorum, & ouo vitreo
 quo includitur materia. Humor è terra
 & aqua mistus calore solis & aëris cir-
 cumambientis agente dissoluit granum
 tritici, quod corrumpi vulgo existima-
 tur, vt superiùs diximus. Dissolutionem
 aut corruptionem sequitur germẽ, quod
 est materia semini futuro proxima.
 Hinc crescit, multiplicatur, & sensim
 concoquitur dum ad maturitatem per-
 uenerit. Toto hoc temporis curriculo
 varios subinde mutat colores. Sic argẽ-
 tum viuum nostrum dissoluit aurum, &
dissolutione peracta generatur germen,
 quod est materia semini argentifico &
aurifico futuro proxima, Quæ paula-
 tim concoctione viribus augetur, dum
 tandem in massam rubram & duram vt
 vitrum concreuerit. Et hinc puto nomẽ

Cur lapis vitæ

lapis illi inditum fuisse. Lapis hic va-

se effracto minutissimè teritur, & inclusus vase vitreo luto obstructo igne excellenti triduo concoquendus est, dum in pulverem rubrum seu purpureum, fixum, & igneum abierit, & perfectionem summam consecutus fuerit: In cuius superficie supernabit terra impura, quã damnatam & vituperatam appellat, quẽ abjicienda est. Hoc postremum, opus trium dierum appellare solent. Nec pauciores toto motus tempore colores materia seminis nostri contrahit, quàm planta. Quorum tamen tres præcipuos artis periti notarunt, nigrum album & rubeum. Contracta tamen albedine appellatur semen argentificum, seu Argyrogonia, vim & facultatem habens mutandi argentum viuum cuiuscunque generis in argentum purum: Sed maluerunt ultra progredi, & sola concoctione continuata aucto calore aurificum semẽ producere. Quemadmodum autem iactis in agros seminibus cetera nature committit Agricola dum messis tempus aduentarit, Sic Argyropoceia cultor ubi primum vasi materiam incluserit & convenientem calorem exhibuerit, &

Vnde semini aurifico lapidis nomen sit inditum.

Opus triũ dierum.

Tres in semine aurifico colores dum mouetur.

continuò fouerit , nihil illi laboris impendendum erit, Sed calori committenda cætera , dum semen primùm albedinem contraxerit, atque hinc vim & facultatem argentificam, tum demùm verò continuata coctione in puluerem rubrum aurificum prodierit. Huic operi conficiendo pluribus fornacibus , vasis, aquis, oleis minimè opus est. Sufficit vnica fornax apta, aurum, & suum argẽtum viuum. Sufficit vnica ad summum auri vncia , nec imposterum alia adiicienda est. Nulla etiam possunt incidere pericula, Scinẽl enim incluso semine & calore circum posito , nec tangitur, nec loco mouetur, dum ad maturitatem peruenerit. Neque assiduam opus est collocare operam , sed solus ignis fouendus. Minus deferendæ sunt propriæ professionis functiones , Sed magna & admiranda moliendo , nihil agi vulgo putabitur. Sic apud omnes retinebitur plausibilis existimatio , neque quidquã illi detrahetur. Porro si lucrum magis expetendum sit , quàm admiranda Dei potestas in operibus naturalibus , quæ ab eius omnipotentia fluxere , nullus

huic pulveri aurifico comparandus erit thesaurus, Quippe cuius dragma, etiam si semel tantum ortum subierit argenti viui ducentas vel plures ex quantitate virium statim igne externo iuuante cōstringet, & in aurum purissimum mutabit. Huiusce tam admirabilis & stupendi effectus causa est vis ignea, auro, *Causa effectus* postquam à suo proprio humido seu ar- *Etus admirabilis pul-* gento viuo fuerit solutum, longa & tē- *ueris aurifi-* perata concoctione quæsita. Quæ vis, *fici.* cum primùm in auro sopita esset & potentia tantum, eadem solutione & concoctione in actum erupit: Non secus ac vis in ouo delitescens calore gallinæ excitatur, vt tandem inde pullus oriatur, qui longè nobiliori & præstantiori forma constat quàm ouum. Sic & semē aurificum longè nobilius suo auro à quo traxit originem. Vis hæc aurifica per qualitates igneas semini longa coctione quæsitas redundantem argenti viui vulgaris, aut eius, quod metallis inest, humiditatem coercet & temperat, Atque ex hoc temperamento imperfecta argenti viui mistio perficitur, statimque aurea forma illi impertitur. Sed quod magis

Ex reiteratione solutionis et coctionis seminis aurifici vires eiusdem infinitum ad augeri. admiratione dignum est, vires illius in infinitum ex reiteratione operis adaugetur. Si enim semen illud aurificam semel ex auro productum rursus suo proprio humido certa proportionem misceatur, solvatur, temperato calore concoquatur, tandem etiam in pulverem rudum, & breviori quidem tempore prodibit, multiplicatis viribus prioribus. Et quò pluries opus iterabitur, tantò celerius absolvetur, & efficacioribus viribus opus augebitur. Nam seu tritici grana iterum atque iterum fata numerum & quantitatem in infinitum augent, sic semen aurificum iterum atque iterum solutum & concoctum vires proprias in infinitum augebit. Et ut in seminibus plantarum vel animalium proprium hoc munus est sobolem suam per generationem propagare, sic semini aurifico hoc proprium est, ut primum sepius solutum à suo argento viuo & concoctum viribus increseat, quibus per mixturem cum argento viuo vulgari vel metallorum speciem suam auream propaget. Huiusce incrementi meminit Augurellus sub finem sue Chrysopœie his versibus.

Extremo huic igitur prudens ne cede labori,
 Nā brevis atq; artis minimæ est, sed diuitis vsus.
 Ergo, vel imprimis fuluo confunde metallo
 Confecti paulum medicaminis, idque beati
 Pulveris actutum præ se vim ferre videbis.
 Vel grauidum puro semen cum rursus ab auro
 Haud facili, & multa extrusum collegeris arte,
 Qui modus ex illis, quæ pridem exegimus exiat
 Expressus satis, & fari non omnia par est,
 Huic tu purpurei partem mox pulveris equam
 Immisce, atque illis lentum succende calorem,
 Ac geminos illas etiam simul excoque menses,
 Quo seriem spatio cunctam prodire colorum
 Peruideas, qualem ternos miratus in annos
 Videris, atque brevisumas, quæ maxima longo
 Tempore iam tota quasisti sedulus arte.
 Idque iterum atque iterum facias, quotiesq; peractum
 Id fuerit, toties vires illius, & ipsum
 Pulverem exauētes cumulum, nāq; ocyus ipse
 Crescit, & hinc aliam sumit, retinetq; priorem
 Virtutem crescentem etiā, Nec credere vanum est,
 Illam adeo interdum priscis auctoribus auctam,
 Ipsius ut tenui protecta parte per undas
Æquoris, argentum tum viuum si foret æquor,
Omne vel immensum veri mare posset in aurum,
 Neptunusque supra diuos ditissimus omnes
 Tum fieri, & strato lusum Nereides auro
 Ire super, puro siccantes sole capillos
 Cæruleæ, quo non alius color aptius auro
 Hæret, & athereo cui plenè conuenit aurum.

Postremum hoc hyperbolicè ab Augurello dictum est, vt intelligatur ortū & propagationem huiusce feminis & auri in proxima materia, scilicet argento viuo in infinitum abire, Non secus vt in propagatione aliorum corporum naturalium euenire solet. Sanè huiusce feminis concoquendi & perficiendi ratio adeo est æmula naturæ, vt nulla opus sit arte vbi primùm aurum suo humido fuerit mistum, nisi quòd calore proprio & conuenienti fouendum erit semen. Idcirco in administratione aut propagatione feminis huiusce nihil omnium vtilius, quàm assiduè in contemplationem operum naturæ incumbere. Inficiari nolim recentiores huiusce artis authores compendiosam magis viam edocere, Quæ si præstari possit, nec tam facilis est, nec cum tanto scœnore habet exitum. Insistamus vestigijs patrum, qui nusquam nos aberrare posse verissimè professi sunt, si naturam ducē sequamur. Neque tamen ex ijs, quæ dicta sunt, tam facilem existimare artem oportet, vt quiuis eam statim assequatur. Nam aurum præparandum est, vt
solutioni

Ars difficilis.

solutioni minimè sit contumax. Et id
 quidem satis arduum. Neque existimā-
 dum est, argentum viuum, quod soluē- *Argentum*
 di auri obtinet facultatem esse illud vul- *uium vul*
 gare, quod palam à pharmacopolis aut *gare non*
 mercatoribus venit. Cum enim à cor- *esse illud*
 pore, quod similitudine totius substan- *quod sol-*
 tiæ aurum referat, & temperamento sit *uit aurū.*
 calido & humido solutionem eiusdem
 auri præstari oporteat, illam quidem si-
 militudinem argentum viuum obtine-
 re negari non potest, temperamēto au-
 tem esse frigidissimo certum est & ma-
 ximè indefinito. Sed aliunde nobis ar-
 gentum viuum arte ingeniosa proliciē-
 dum & educendum est à corpore pau-
 cissimis noto, quod natura concoxit,
 quod etiam similitudine totius substan-
 tiæ aurum magis referat, quàm argētum
 viuum vulgare, quodque nulla arte sed
 primo quoque contactu & attritu cum
 auro non minùs libenter coeat, & mis-
 ceatur quàm aqua aquæ. Iam contem-
 plare aliùs quodnam sit illud corpus.
 Præterea fornacem quæ continuum &
 æqualem calorem subministrare possit,
 pauci norunt: Sed & pauciores tripedē

arcanorum, & paucissimi pabulū calor-
ris, cui æquabilitatem præstare possit.

*Arcanum
artis in
gradu ca-
loris ferè
consistere.*

Totum ferè arcanum in gradu caloris
consistit. Nam veluti vim pulli effectri-
cem & ouo insitam à calore externo su-
perari non oportet, alioqui induresceret
ouum, nec pullum vsquam in posterum
ederet, Sic vis seminis futuri id est auri
misti cum suo argēto viuo exinanienda
non est, Alioqui nō dissoluetur aurum,
nec germinabit, nec fiet materia auro
proxima, sed in aurum calore nimio a-
gente concrefcet, rursus si defecerit ca-
lor, laborem artificis frustrabitur. Tan-
dem verò puluis hic aurificus in Dei
potestate situs est, quem, cui vult, largi-
tur & subtrahit, & frustra ab ijs quæri-
tur, cui denegatus est. Hinc Palingenius
in suo zodiaco, ait, cum puluerem hunc
aurificum viris pijs quærentibus respon-
disset Apollo sub ænigmate & oraculo
quodam obscuro, & hinc ad conuexa
cæli euolasset, sic subdit,

*Tunc mentis diuinæ homines oracula cæca
Voluentes animo accipiti, vix tempore longo
Experti multa, & non paruis sumptibus, illam*

*Inuenere artem, quæ non ars dignior vlla est,
Fingendi lapidem æthereum, quem scire profanis
Haudquaquam licet, & frustra plebs improba
quærit.*

*Quem, qui habet, ille potest ubi vult habitare
decenter,*

Nec fortune iram metuit, nec brachia furum.

Sed tanto paucos dignantur munere diui.

Videbor forsitan plura dixisse, quàm
quæ ad quæstionis propositæ, An sit ars,
necessaria fuissent, Verùm adeo conne-
xæ sunt quæstiones, vt, An esset ars, cõ-
firmari non potuerit, quin simul demõ-
straretur, Quomodo esset: Tum verò
quòd his, quæ dicta sunt, velut armis ex
sinu naturæ depromptis argumentorum
Eraſti aciem oppugnare propero.

N V N C igitur Eraſte ad te me cõ-
uerto, nunc mihi tecum cominus con-
grediendum est, & rationibus phyſicis
opinionem tuam in re, cuius ignarus es,
funditus euertere. Sed quoniam in om-
nibus ordo necessarius est, imò instructa
vtrinque acie, qui dimicaturi sunt, ple-
rumque ex ordine opportunè constitu-
to victoriam referre solent, Sic quem
proſternendis argumentis tuis ordinem

*Vltima
pars Apo-
logiæ.
Confuta-
tio argu-
mentorū
Eraſti ad-
uerſus ar-
tem.*

Quis ordo seruabitur in refellendis argumentis Erasti. seruaturus sum, dicam. Imprimis con-
 uitijs iniurijs & maledictis quibus Ar-
 gyropœiæ & Chrysopœiæ studiosos
 passim insectaris, cum nihil aliud præ-
 stare possis, nullum à me responsum ac-
 cepturus es. Nihil enim hæc ad veri co-
 gnitionem pertinent, hæc modestum &
 grauem virum minimè decent, quæ opi-
 nioni suæ contradicentes, demonstra-
 tionum vi & robore conuincere oportet,
 non vetularum petulantium more acclamare,
 aut furentium hominum ritu excandescere.
 Sanè in multis, quæ tu proponis, in tuam
 me iturum sententiã audies, quòd fundamen-
 tis demonstrationum naturalium innitantur.
 Sed vt omnia magis aperta fiant, oportunum
 esse putauì, si quem antea in confirmatione
 Apologiæ continuata orationis serie stylum
 seruauì, in refellendis, quæ aduersus eandem
 adferuntur ab Erasto, argumentis, posthac
 mutauero. Nihil autem ad discernenda, quæ
 proponuntur aut enuntiantur, vera an falsa
 sint, commodius & expeditius esse puto,
 quàm omnia ad syllogismi formam reducere.
 In his euim quæ orationis copia

dicuntur, plerumque imprudentes decipi contingit, ut pro certis incerta, pro veris falsa & vana amplectantur. At in his quæ ad formam syllogismi reducuntur, omnia nuda & aperta sunt, nullus fucus, nullus ornatus intermixtus est, quibus veritatis lux tanquam densissimis tenebris immersa mens auditoris aut legentis perstringitur, ut intelligere non possit, sed cæcutire cogatur. Quocirca ab omnibus, quæ cōfuse & plerumque idētidem, Erasme, aduersus Chrysopœiam attulisti, detrahetur verborum & orationis copia, & ad nudam syllogismi figuram reducentur. Sic ad dialecticorum normas exacta, veluti aurum, cimenti, stibij, sulphuris, aut aquæ acris separatoriæ examinibus expositum, explorabitur quantum veritatis aut ponderis in ijs contineatur, & quid de ijs, quæ à me in contrarium aduersus ea adferuntur, statuendum sit, certò cognoscetur. Sed antequam ad profligandam Argyropœiam & Chrysopœiam accedis, de natura metallorum uti in visceribus terræ sua sponte & naturâ concreuere, disputas, & Aristotelem de materia eorū.

*De natura
metallorū
in visceri-
bus terræ.*

dem differentem tueris aduersus Georgium Agricolam & ceteros. Quæ autem Aristotelis & ceterorum essent opiniones supra attigi. Ex his quæ verior sit, certi aliquid pronuntiare non ausim. Sed sit ita vt vis, & concedatur opinioni Aristotelis potiùs fauendum, Nihil tamen ad quæstionem propositam pertinet, An sit Argyropœcia aut Chrysopœcia ars vera, Quæ materiam ex qua proximè in mineris metalla oriuntur, non inquit, Sed illi aliam materiam argento & auro proximã naturę liberalitas obtulit, cuius mitionem imperfectam perficere possit causa efficiens, vt ex superioribus quæ dicta sunt, manifestum est. Prosequeris de natura metallorum differens, ipsa esse specie differentia, & ductilia esse, neque argentum viuum metallum esse profiteris. Ego quoque in hoc tecum consentio. Sed quam præcipuam metallo differentiam assignas, quòd sit ductile, hanc ego communem omnibus metallis assero, vt ab argento viuo & alijs corporibus discernatur. Sed quòd esse ductile sit differentia specifica, nego. Specificæ enim rerum

differentiæ nobis ignotæ sunt, & loco differentiarum, proprijs vtimur. Neque quòd sint ductilia metalla à se ipsis differunt, sed quòd perfectè magis aut minùs mista sint, & quòd alia igni exurantur, aut in partes essentielles distrahantur, alia minimè, vt argentum, & aurum.

Coarguis deinde chemicos, qui vnicam *Metalla specie-*
tantum metallorum speciem solis acci- *diferunt*
dentibus differentem posuere. Tibi etiã in hoc, non illis adhæreo. Vnumquodque enim metallum speciem & formã propriam obtinet, per quam ab alia differt, & ab eadem nomen habet. Iam ad argumenta tua progrediendum, eorumque dissolutionem, vt in hac tam celebri disputatione, quid certò sit statuendum, intelligatur.

Primum Erasmi argumentum aduersus Argyropœiam et Chrysopœiam.

Quæcunque ars ruinosis fundamētis nititur, citò collapsura est,

Atqui Argyropœiæ & Chrysopœiæ

fundamenta sunt , metallorum alia esse perfecta, alia imperfecta , & hæc mutari posse in perfecta , quæ falsa sunt fundamenta.

Ergo Argyropœia & Chrysopœia citò collapsura est.

De propositione nemo ambigit. Assumptionem autem hoc probare vis argumento. Quæcunque formam naturalem habent, & per illam constant , perfecta sunt , Vnumquodque autem metallum perfectum est , & sua forma constat, & ab illa nomen habet , & falsum esse reliqua metalla esse quædam rudimenta auri. Ergo vnumquodque metallum perfectum est. Perfectionem autem maiorem reliqua metalla assequi non posse, hoc etiam argumento probare contendis. Vbi primum causa efficiens naturalis motum in materia perfecerit, cessat, nec amplius aliquid in illa meditatur. Neque vsquam naturam aliquod metallum in mineris terre in aliud mutasse , Et figmentum esse , quod de imperfecta horum metallorum mistione in mineris dixere chemici. Cum primum enim à frigore in metallū densata fuerit materia,

materia, frustra coctionem expectari. Cum igitur natura viliora metalla in nobiliora nusquam transmutauerit, minùs etiam ars id præstare poterit.

Responsio ad primum argumentum.

Respondeo ad assumptionem, me- *Cur me-*
talla non dici alia perfectà esse, alia im- *talla alia*
perfecta propter formam, sed propter *perfecta*
mistionem. Vnumquodque enim per- *alia imper-*
fectum est, si formam spectemus, quòd *fecta di-*
per eam vnumquodque constet, si mi- *cantur.*
stionem, aliud perfectum, aliud imper-
fectum. Quod enim imperfectè mistū
est, imperfectum dici potest, vt ignobi-
liora metalla, quæ quòd minùs mista
sint, igne dissoluuntur, Argentum & au-
rum, quòd indissolubilia sint ab igne,
præsertim aurum, perfectà dicuntur. Sic
Aristoteles cruditatem, imperfectionē,
concoctionem, perfectionem appellauit
libro meteorologicorum quarto. Et ta-
men quæ ad maturitatem nondum per-
uenerunt, formam habent substantialē,
qua constant & perfectà sunt, vt vix
immaturæ. Neque propterea velim cum

quibusdam opinari metalla reliqua esse quædam rudimenta auri, sicut in vuis immaturis dici potest: In his enim vis insita efficiens nondum motum suum perfecit: In illis scilicet metallis, cum frigore densata fuerit materia in specie metalli, motum suum peregit natura. Non igitur falsum est fundamentum in Argyropœia & Chrysopœia metallum aliud dici perfectum, aliud imperfectum, si mitionem eorum inuicem compareremus, & aliam imperfectam, aliã perfectam & aliam perfectiorem esse. Hæc perfectio aut imperfectio in vegetabilibus & animalibus, quæ formam habent substantialem, dici non potest: Non enim constant per solam mitionem, ut inanima hæc & muta corpora, quæ sola mitionis lege diuersa differunt inuicem, Sed aliquid aliud præstantius habent, quod ea mouet, ut formam suam consequantur, ut etiam in superioribus dixi. Quod posteriori loco dicis, iam perfectum sua forma à natura amplius perfici non posse, nec eandem naturam ignobiliora metalla in nobiliora perficere in visceribus terræ, concedimus,

*Perfectio
nẽ & im-
perfectio-
nem in ve-
getabili-
bus & a-
nimalibus
dici non
posse, ut
in solis mi-
stis.*

Nec illis adstipulamur, qui impeditam
 fuisse naturam dicunt, quod omnia in
 aurum non transmutauerit. At nō pro-
 pterea tibi concedemus consecutionem
 argumenti tui, scilicet arte adiutrice
 eandem naturam extra mineras terræ
 ex ignobilioribus metallis nobiliora
 metalla producere non posse. Quædam
 enim in solius naturæ potestate sunt, ut
 metalla ex suis principijs concreta, quæ
 sua sponte à sola natura ortum habent.
 nullius artis aut alterius indiga. In his
 omnino imitari naturā non possumus,
 cum, quæ eorum sit materia proxima &
 causa efficiens, ignoremus. Quædam
 verò natura sola sine adiutrice ar-
 te producere nequit, ut triticum. Ni-
 si enim terra excolatur prius, deinde
 triticum seratur, non propagabitur.
 Quædam verò magis etiam sunt in ar-
 tis potestate, & quæ sola natura nus-
 quam effecit, nec effectura est sola, ut
 quæ arte miscentur aut dissoluuntur. Nā
 & si omne corpus ex sinu naturæ pro-
 dierit, ex illo tamē uisquam natura so-
 la produxit aut producet vitrum. At ars
 subijcit omne corpus naturale igni, qui

*Natura
 quedam
 sola effi-
 cit, & ea-
 dem etiam
 arte impel-
 lente effi-
 cit.*

ipsum exurit & vertit in cinerem. Et hinc ex omni cinere vitrum producitur. Natura aquam vitæ ex vino nusquam destillauit, Ars prolicit eandem. Eadem diuerforum generum aut specierum aquas verè permiscet, quæ nusquam natura miscuit. Nihil igitur mirum, si natura postquam in visceribus terræ ignobiliora metalla produxerit, ex iisdem argentum aut aurum producere sola nō potuit, aut possit. Quippe ipsa sine arte ignobiliora metalla in materiam argēto aut auro proximam dissoluere non potest, nec etiam meditata est, nec eandem arti materiam proximam in mineris suis concoquere. Aliam enim materiā, aliam causam efficientem habet natura. At ars dissolutionem hanc ex ignobilioribus metallis in proximam materiā, & eandem necnon argentum viuū concoquere, & mitionem imperfectā perficere nouit. Ipsa tamen est tantum naturæ adiutrix, Quippe quòd omne corpus sit naturale, siue agens, vt ignis, quo ars vtitur, siue patiens, vt metalla. Hæc opera in vegetabilibus & animalibus ars efficere non potest, quòd motus in

illis non sit in artis potestate, sed vis infusa materiæ. At in his quæ propter simplicem mistionem aut dissolutionem constant, quæ eas præstant, sunt in artis potestate, ut ignis, & ea quæ sunt ignea, & mistionem hanc inchoare & semiconcoquere vel concoctionem perficere potest, ut in lateribus semiconcoctis aut perfectè coctis. Prolixior in huiusce argumenti solutione fui, tum quòd ab eo tanquàm à machina insuperabili totam Chrysopœiam collapsuram putaueris, Erasme, tum quòd multis alijs dissoluendis inseruiet. Sed & aliud sequitur argumentum, quo non minùs quàm hoc totam artem confodere putas.

In mistione causas naturales esse in artis potestate.

Secundum argumentum.

Perfectorum specie nulla est commutatio in aliam speciem sub proximo & vno genere comprehensam, ut asinus in canem transmutari non potest, qui sub eodem genere, scilicet animalis, comprehenduntur.

Atqui plumbum, stannum, æs, & ferrum, argētum, & aurum perfecta sunt

specie, & sub vno genere, scilicet metalli, comprehensa,

Ergo illa in hæc transmutari non possunt.

Responsio ad secundum argumentum.

Hoc secundum argumentum sæpius repetis, Erasme. Sed propositionem tuã priorem non indistinctè nec semper esse veram demonstrabo. In stirpibus enim & animalibus diuersæ speciei sub eodẽ genere proximè comprehensis concedendam esse putabo, quòd per ortus & interitus seu generationis & corruptionis motum producantur, & in corruptis aut genitis nullum prius accidens sensile supersit. At in mistis simpliciter nego propositionẽ tuam locum habere. Mutatio enim ferri in æs purissimum, quam supra docui, contrarium demonstrat: Et plus fidendum demonstrationi, quàm opinioni tuæ. Atqui ferrum & æs sunt sub eodem genere metalli, nec fit resolutio accidentium sensilium omnino in illa mutatione, sed vtrumque sub metalli forma permanet. Adieci etiam experi-

*Mutatio
ferri in æs
sine interi-
tu speciei
metallicae.*

mentum à me probatum de argento in aurum mutato sine interitu metallicæ formæ. Id quidem difficilius. Idcirco in ferro mutando in æs quisque nullis aut paucis sumptibus & facillimè experiri poterit, ut propositionem tuam nō semper esse veram iudicet. Quid si dixero cum Scaligero ouum cum in pullū mutatur, non corrumpi, sed perfici, nec in alterius speciei genus transire, sed formam in eo esse actū? Sed esto, Concedatur tibi tua propositio, sed & assumptio, an propterea conclusionem tuam tibi concedendam putabis? Nonne si asinus à cane depastus in semē caninum post longas mutationes transmutaretur, crederes semen in canem transmutari posse? Hoc te negaturum non puto. Quid si etiam dixerim, stannum, plumbum, æs & ferrum in argentum viuum mutari posse, & materiam esse argento & auro proximam apud artem probauero, nonne illud in hæc mutari posse concedes? Neque enim dispar est ratio. At dices forsitan metalla illa in argentum viuum dissolui non posse, A te quidē, qui huiusce dissolutionis es igna-

rus, fieri posse non puto. Negabis etiam argentum viuum esse materiam argento aut auro proximam, Ego autem id expertus sum in argento viuo à stanno prolicito, quod sola coctione in purissimum argentum à causa efficiente mutatum est. Et materiam esse proximam argento & auro multis argumentis superius demonstravi, & ex his quæ sequuntur, apertius probaturus sum. Hoc igitur tuum argumentum nullatenus Argyropœiam aut Chrysopœiam labefactare poterit. Non enim ut sæpe dixi, eadem in omnibus est ratio ortus & interitus, quæ simplicis mixtionis & dissolutionis.

Tertium argumentum.

Quæ natura efficit, ars efficere non potest,

Atqui sola natura argentum aut aurum generare potest,

Ergo Argyropœia argentum, aut Chrysopœia aurum generare nō potest. Propositionem probas hac ratione, Si ars generationis esset effcētrix ut natura,
nullum

nullum inter hanc & illam esset discrimen.

Responsio ad tertium argumentum.

Responsum est supra primo argumento, Artē esse tantū adiutricem & impellentem, Omnia autem fieri per causas naturales, ut præcipue agentes, & naturam aliquando ex se sola in visceribus terræ ex sua materia metalla producere, & eandem naturam ex materia, quam iam produxit, argentum & aurum generare, sed solam id præstare non posse, nisi adiutrice & impellente arte, quæ igne & igneam vim habentibus reliqua metalla in materiam argēto & auro proximam dissoluens post concoquit & à causa efficiente perficit, si de potentia ad actum promoueatur. Adduxi etiam exemplum de vitro, quod est corpus naturale materia & forma constans, quod ex omni materia in cinerem versa vi ignis conflatur, quod nusquam natura sola efficere potuisset, nisi ab eiusdem causis naturalibus ars materiam præparasset. Quod igitur ais,

Natura naturam solam efficere, quæ ars efficere
causa præ- non possit, si de causa efficiēte præcipua
cipua, ars, intelligis, facile tibi concedā, si de causa
causa ad- adiutrice, minimè. Præcipuè verò in his,
iuvans. quæ solam missionis rationem & nomē
 obtinēt, vt fusilibus & liquidis quæ igne
 miscentur.

Quartum argumentum.

Quod imperfectum inchoatumque
 est, in specie nulla reperitur,

Atqui vnumquodque metallum sua
 specie est perfectum,

Ergo metalla reliqua dici imperfecta
 aut inchoata non possunt, vt in argen-
 tum aut aurum mutari possint.

Responsio ad quartum argumentum.

Huic argumento ex superiùs dictis
 respondemus, perfectionis nomen esse
 æquiuocum, si enim forma & species v-
 niuscuiusque metalli spectetur, vnum-
 quodque est perfectum, si mistura, sola
 auri est perfecta, at reliquorum imper-
 fecta. Sed in naturalibus corporibus, ca,

quorum humidum est indefinitum, & definiri potest, imperfectū dicitur, Cōcoctio enim inquit Aristoteles, est quēdam perfectio, & fructus immaturi priusquam maturescant imperfecti habentur, quoad maturitatem, quę est perfectionis species. Quòd autem vua immatura sub specie naturali reponatur, propositionē tuā, Erasste, euerit. Vvam quidem acerbam & immaturam vuę maturę proximam & finitimam esse nemo dubitat. Sed argentum viuum vulgare paulò ab humiditate & frigiditate vindicatum, aut quod à metallis arte eductum est, magis in naturali rerum specie persistit, magisque est materia argento aut auro proxima, quàm vua acerba vuę maturę: Quippe quod hæc, si desit causa efficiens, statim putrescat, si autem eadem pręsens sit causa, maturescere nisi lōgo temporis interuallo nō potest. At argentum viuum nusquam corrumpitur, etiam si causa pręterita, quę illi ortum dedit, fuerit absens. Hinc ipsum Plinius liquorem æternum appellauit. Vi autem efficiente semini argentifico aut aurifico insita, & calore igneo.

externo iuuante ex eodem argento viuo statim argentum aut aurum concrescit.

Quintum argumentum.

Natura produxit omnes species propter fines vsusque certos, & hominibus necessarios,

Atqui ferrum vsui hominum equè necessarium est vt aurum,

Ergo natura ferrum aut reliqua metalla non produxit, vt ex his aurum efficeret, sed vt vsui essent hominibus.

Responsio ad quintum argumentum.

Argumentum hoc etsi verum sit, nihil ad propositam attinet quæstionem, An sit ars, nec concludit, si propter vsus varios natura produxit vnumquodque metallum, ex alio aliud generari non posse. Diuersę enim sunt conclusiones, & diuersa concludendi media.

Sextum argumentum.

Qui dicunt viliora metalla eadem tantum ratione ab argento aut auro differre, quia æger à sano homine differt, inscitè dicunt,

At carbonarij ita sentiunt,

Ergo inscitè dicunt:

Propositionem ex eo cõfirmas, quod vnumquodque metallum ab alio sua propria specie differt, Assumptionis probationem retices, sed ex eo colligendã dices, quòd semen argentificum aut aurificum quidam dixerunt esse medicinã metallorum, cuius Geber in summa tres statuit ordines, priorem, quæ alteraret tantum, secundam, quæ palliando tantum perficeret, posteriorem & tertiam, quæ omnem extrariam ab argenti viui natura substantiam excerneret & verè perficeret.

Responsio ad sextum argumentum.

Priorem propositionem iam tibi cõcessi, & assumptionis authorem esse Gebrum in sua summa perfectionis. Sed hos tres medicinæ ordines à metaphora statuit. Nam seu qui sanus est, colorem

*Quæ de
medicinis
metallorũ
dicta sunt,
metaphi-
ricè dicta
sunt.*

ægri abjecit, & omnia fani hominis munera exequitur, sic metalla viliora in argentum aut aurum mutata colorẽ splẽdidum acquifierunt, & examina eadem perferunt, quæ argentum & aurum. Ex eorundem enim perpeffione formas dijudicari dixi. Sed vnicam tãtũm formam omnia metalla habere, ne fomniavit quidem Geber, qui metallorum genera in sex species diuifit. Tibi autẽ Eraſte aſſentior, improprie dictum eſſe viliora metalla à nobilioribus differre, vt æger homo à ſano, ſi ex proprijs accidentibus eorũ formæ dijudicadæ ſint, ſin accidentia eorum tantũm communia inſpectanda ſint, non omnino inſcitẽ ab iſdem dictum exiſtimabo.

Septimum argumentum.

Materia vnius formæ fieri non poteſt materia alterius formæ, niſi priùs materia in aliam formæ proximẽ futurẽ materiam mutetur,

At chemici hoc non nituntur, ſed communem dicunt eſſe omnium metallorum materiam,

Ergo ex reliquorum metallorū materia argentum aut aurum efficere non poterunt.

Propositionem sic probas, caro aut sanguis suillus aut quivis alius nusquā ~~anima nostra~~ erit conueniens alimentum, priusquam in chylum album, & deinde in nouum aliumque sanguinem permutetur. Assumptionem ex hoc probas, quòd chemici hoc non moliuntur, vt plumbi aut reliquorum metallorum materia ita transmutetur, vt fiat argento aut auro materia conueniens & proxima. *corporis nostri*

Responsio ad septimum argumentum.

Propositionem priorem concedo. In superioribus enim dixi hanc esse naturæ legem inuiolabilem, vt nusquam alterius speciei indiuiduum sit alteri speciei conueniens, nisi illud in hoc mutatum fuerit. At assumptionem tuam nego, imo nihil aliud moliuntur Argyropœiæ aut Chrysopœiæ periti, quàm vt *Peritos artis inue-* reliquorum metallorum materia in materia *stigare ma-* teriam argento & auro proximam *teriam pro-* ximam.

uergat, eaque à causa efficiente moueatur & perficiatur.

Octauum argumentum.

Si materiã vnus speciei in materiam alteri speciei proximam mutari oporteat, tota illa mutanda erit,

Atqui cum chemici metallorum materiam in argentum viuum, aut in metallum aliud mutant, non tota mutatur.

Ergo materia metallorum in alterius metalli aut argenti viui materiam mutata non erit proxima argento aut auro materia,

Ergo nusquam formam argenti vel auri obtinebit.

Priorem propositionem cõfirmas argumento adducto de suilla carne aut sanguine qui nusquam erit proxima humano corpori materia, nisi prius in chylum & sanguinem humanum mutatus sit. Assumptionem probas à sensuum testimonio, metalla enim mutata in alia metalla aut argentum viuum, videntur esse eadem materia, nam metalla fusa
videntur

ARGYROPO. ET. CHRYS. 145
videntur esse argentum viuum, hoc
autem sine igne est liquidum.

Responsio ad octauum argumentum.

Falleris multum, Erasme, in similitu-
dine carnis & sanguinis suilli mutandi
in sanguinem humanum, & metallorum
mutandorum in argentum viuum. Il-
lius enim sanguinis mutatio est per cor-
ruptionem seu interitum eiusdem, &
ortum chyli & sanguinis humani, in
qua mutatione omnia accidentia per-
eunt, & fit, vt dicunt, resolutio vsque ad
primam materiam, priusquam fiat san-
guis humanus, nec quidquam sensibilis
materie prioris percipitur, non secus ac
in ligno mutato in cinerem, qui est pro-
xima vitro materia. At mutatio metal-
lorum non est per corruptionem, sed
simplicem dissolutionem & secretionem
eius materie, quae ab argenti viui natu-
ra est aliena: Argentum autem viuum,
quod conspicitur post dissolutionem, non
est per ortum aut generationem, sed per
simplicem mixturem sub alia noua pro-
portionem mixti corporis. In hac muta-

*Differetia
ortus, in-
terius, cum
mixture
& dissolu-
tione sim-
plici.*

T

tione non fit resolutio materiæ metallo-
rum vsque ad primam materiam, sed
conspiciuntur sensilia quædam acciden-
tia communia priori materiæ metallo-
rum, & posteriori materiæ argenti viui.
In vtraque tamen mutatione fit interi-
tus prioris formæ, & ortus posterioris.
Argenti enim viui forma non est forma
metallorum. Hac in Argyropœiæ &
Chrysopœiæ confirmatione luculentiùs
dicta sunt, Quæ hîc repetere superuacuum
putaui. Hac igitur distinctione etsi tota
metallorum materia mutata non fuerit,
non desinet propterea argentum viuum
ex eadem dissolutum esse materia ar-
gento aut auro proxima, quod à causa
efficienti proxima perfici poterit.

Nonum argumentum.

Si materia metallorum esset materiâ
argêto & auro proxima in mineris ter-
ræ, ipsa causa efficienti præsentè in ar-
gentum vel aurum mutaretur,
At nusquâ hoc in mineris repertum est,
imo postquâ propria vnicuique metallo
materia concreta fuerit, & metallum

ARGYROPO. ET CHRYS. 147
factum fuerit, nusquam permutabitur,
Ergo metalla non sunt argento & auro
proxima materia aut rudimenta eorum.

Responsio ad nonum argumentum.

Nimis tibi incumbendum non est,
Erasme, in probatione huiusce argumēti,
quod totum tibi concedimus esse verū
in mineris terræ. At ex eisdem metallis
extra minerarum locum argentum vi-
uum prolici non posse à causis naturali-
bus arte adiutrice & perfici in argētum
aut aurum, tibi quidem, Erasme, est im-
possibile, quia ignoras, nec vidisti, At
his, qui sciunt & experti sunt possibile
& facile. Hæc autem superiùs demon-
strata sunt, vt longiori responsione opus
non sit huic argumento.

Decimum argumentum.

Quod natura in mineris suis non ef-
ficat, ars quoque extra mineras non ef-
ficat,

Atqui ex mistione vaporum diuersę
speciei in mineris vna & eadem species

metalli non oritur, sed diuersæ,

Ergo ex mistione metallorum diuersæ speciei cum argento vel auro extra mineras vnum specie metallum nō oriatur, Ergo vana est Argyropœia & Chrysopœia.

Responsio ad decimum argumentum

Priori propositioni idem respondendum est, quod alijs argumentis, naturam esse præcipuam causam agentem, artem verò adiutricem & materiam subiicientem, vt causa efficiens agat in eam: Et eandem causam naturalem efficiëntem arte adiutrice aliud efficere posse extra minerarum locum, quod in eodem loco sola efficere non potest: Scilicet metalla resoluerē in proximam argento vel auro materiam, Quòd in mineris sola præstare non potest. Nihil igitur mirum si ex diuersis vaporibus diuersa speciei metalla in eisdem venis oriātur, nec si aliud in aliud in eisdem non mutatur. Nec minùs mirum, si ex vulgari & imperfecta mistione metallorum per fusionem suas quæque formas & species

retinent. Non enim ijs legibus coeunt, quibus diximus perfectam effici missionem.

Post hæc à te, Erasste, scripta, quæ vr- gere magis videbantur, & quæ ad syl- logismi regulas reduximus, ijsque respō- dimus, multis verbis diuersas chemico- rum opiniones de materia metallis pro- xima in mineris terræ enarras. Sed ve- ræ an falsæ sint, parum refert, quantum ad propositæ quæstionis dissolutionem attinet, An sit ars. Non enim aurum e- laboraturi indigemus materia illa pro- xima, quæ erat in mineris, priusquam illa cōcrescerent, Iam enim diximus id esse impossibile, maximè cum tot & tã- te sint de materia illa proxima opinio- nes, non solum inter chemicos, sed & inter alios. Sed quærimus materiam ar- gento & auro proximam, quæ est argē- tum viuum vulgare, quod natura nobis vltro obtulit, & illud quod ex metallis arte eruitur. Itaque quæ contra chemi- corum opiniones attulisti argumenta de materia illa metallis proxima in mine- ris terræ, silentio prætereo, ne in illis cō- futandis operam & oleum teram. Hæc

*Ars aliam
assumit
materiam,
vt ex ea
fiat aurū,
quā natu-
ra.*

enim Argyropœciam aut Chryſopœciam non oppugnant, quæ alijs nititur principijs. Sed ijs tantum argumentis reſpondere propoſui, quibus artem hæc oppugnare contendis. Multa tamen à te doctè ſcripta in refutandis chemicorum opinionibus non inficiabor, Scilicet rem nullam verè & perfectè miſtam aut ortam iterum in idem illud reſolui ex quo proximè miſta ſit vel orta. Neque enim ſi ex pane & vino fiat ſanguis, hic in panem & ſanguinem reſolui poterit. Sic nec metallum in id ex quo proximè miſtum fuit. Nam & ſi dixerimus metalla in argentum viuum reſolui, non propterea conceſſimus ex argento viuo in mineris terræ ipſa proximè concreuiſſe, ſed ex alia materia proxima ſoli naturæ cognita. Fatemur etenim generationes nuſquam reflekti, ſed proſum ire ſemper, dum tandem extrema diſſolutione ad prima elementa ſeu ad materiam primam ventum ſit. Hac quoque ratione diximus materiam proximam metallis in mineris non eſſe materiam artis, ſed argentum viuum quod ex metallis reſoluitur, quod ab efficien-

*Quæ doctè
ab Eraſto
ſcripta ſūt.*

te causa in argentum vel aurum statim
vertitur. Nihil etiam respondebo his,
quæ contra chemicorum opinionem de
causa efficiente metalla in mineris terræ
scripsisti. Hæc enim differt ab ea, quæ
materiam nostram proximam mouet
& perficit extra locum minerarum. Ha-
tenuus, Erasme, obiter allata à te sunt su-
periora argumenta aduersus Argyro-
pœiam & Chrysopœiam, cum de mate-
ria & causa efficiēte, quæ & qualis vtra-
que esset in mineris terræ, disputasti.
Quæ sequuntur argumēta tua aduersus
eamdem autem oppugnandam directè
& aperto Marte tendunt. Ea igitur ad
syllogismi figuram reducenda sunt, vt
quid verum, quid falsum sit, iudicari
possit.

Vndecimum argumentum.

Si lapis philosophicus vim & facul-
tatem habet transmutandi metalla vel
argentum viuum in argentum vel au-
rum, certa debet esse eadem materia, &
certa præparationis & agēdi methodus,
Alioqui vana & futilia sunt, quæ de eo

enuntiantur, At qui de eo scripserunt, nec de materia, nec de modo præparationis, aut agendi methodo inter se conueniunt, imo de nulla alia re magis inter se sunt dissentientes,

Ergo vana & futilia sunt, quæcunque de eo enuntiantur, hinc sequitur vanam esse Argyropœciam & Chrysopœciam, Quippe ignorata materia & causa efficiens, ex qua & à qua lapis philosophicus conflatur, nihil agitur,

Omnium enim operum fundamenta sunt materia & causa efficiens.

Responsio ad undecimū argumentum.

Validissimum est hoc argumentum, quodque pressius urgere videtur, Præsertim cum de materia agitur ex qua semen argentificum aut aurificum prolicitur, Non enim omnis materia omnes obtinet facultates & vires, sed sua est cuique propria, & vnica est & simplex, veri cognitio. Et reuera variæ sunt de materia opiniones apud chemicos. Nam & Geber in sua summa perfectionis medicinam, quæ coagulat argentum viuum

viuum vulgare ex solis corporibus metallicis prolici posse profitetur, vel ex iisdem cum suo sulphure vel arsenico preparatis, vel ex solo eodem argento viuo. Ex tanto opinionum diuersarum conflictu artem arguendi occasionem aliquam habuisti, Erasce, & idem pronuntiandi quod Dauus Pamphilum alloquens apud Terentium, Quæ res in se consilium nec modum habet vllum, cã tu si ratione certa postules regere, nihilo plus agas, quàm si des operam, vt curatione insanias. Quod ad agendi modum attinet, non adeò me mouet, modò de materia aut subiecto constiterit. Plures enim sunt viæ ad vnum eundemque effectum conspirantes. Vtrique tamen objectioni responderi potest, materiam argento aut auro producendo proximam, eamque indefinitam, scilicet argentum viuum aut vulgare aut quod corporibus metallicis reliquis inest, sola concoctione egere, vt definiatur & perficiatur, huius autem causam efficiẽtem esse calorem externum adiuuantẽ qualitates materiæ proximæ insitas. Quòd si materiæ, quam quisque sibi elegerit

Causa externa adiuuans est calor externus.

ad prop⁴ignendum, quem appellant lapidem, vires & facultates igneas accerfere aliqua methodo nouerit, & experientia comprobauerit ijsdem facultatibus materiam noſtram proximam concoquere & perficere, Nihil eſt, quòd à ſubieſti varietate quiſquam deterreatur, Eò enim tendunt omnia, & tandem in vnum redeunt, eundemque effectum pariunt. Nam ſiue pullus ab ouo calore gallinæ fouente edatur, ſiue alio calore ſimili, nihil refert. Quid ſi etiam ſine aurifico ſemine argentum in aurum mutari poſſe dixero, & cuius in ſuperioribus patefeci experimentum? Huiusce enim effectus cauſa eſt vis ignea aquarum acrium, & aliæ cauſæ, quas retulimus. Quòd ſi opinionum diuerſitas & plerunque ex diametro contrarietas ſit argumentum ſufficiens ad damnandum artem, quid magis contrariū quàm phyſicorum, medicorum & iureconſultorū in ſcholis pugnātes opiniones in plerisque, de quibus eſt diſputatio? Nonne in iureconſultorum noſtrorum Pandectis alium alius opinionem condemnare ſæpe ſolet, ſuā autē tueri? Nonne in ſo-

resibus iudicijs & iudices & consiliarios
in diuersas trahi sententias quotidie ex-
perimur, in ijs præsertim quæstionibus
quæ in iure consistunt? Sed & ex me-
dicis, qui in consilium adhibentur, vt
morbis ægrotantium consulât & reme-
dium adferant, rarò videas plures, qui in
vnam eandemque eant sententiã. Quip-
pe omnia hæc probabilitatem tantum
habent, non demonstrationem. At quod-
nam subiectum femini argentifico aut
aurifico producendo sibi quisque elegerit,
aut inutile aut vtile aut vtilius fue-
rit, experientia ipsa demonstrabit: Nec
ita metuendum erit, si aliter successerit,
quàm sperabatur, vti contremiscendum
est in exhibitione medicamentorũ, quæ
plerumque hominem rapiunt & confi-
ciunt. Neque tamen propterea medici-
na contemnenda aut condemnanda e-
rit: Sic nec Argyropœia aut Chryso-
pœia, si, quæ materia Argyrogoniæ aut
Chrysogoniæ concipiendæ & demùm
parturiendæ sumenda erit, quæue me-
thodo agendi opus fuerit, obscurum sit.
Expertis quidẽ ad easdem inuestigandas
nulla alia opus est arte quàm experiẽtia.

Sed quoniã qui experti sunt, aut scriptis patefacere detrectant, & iure quidem, aut illis fides non adhibetur, nisi coram demonstrent, quod minùs etiam ferendum est, ad naturam eiusque opera inquirentes relegarunt. Nam etsi ipsa natura Argyrogoniam aut Chrysogoniã ex se sola non produxerit, tamen ex similitudine aliorum corporum naturalium, quæ arte ministra natura in lucem edidit, viam demonstrant, qua illæ in lucem proferri possint, & materiã protulit, & methodum agendi demonstravit, & solam manum artificis exposcit. Nullum verius aut vtilius quàm à natura petendum, capiendum aut sperandum est consilium. Ex illius oraculo in ambiguis & ancipitibus responsa verissima referuntur. Hinc videas omnes, qui hanc artem norunt ad eandem naturam eiusdemque opera Argyrogoniæ & Chrysogoniæ producendæ studiosos demittere. Illorum igitur tantùm opinionem subscribo qui naturam imitantes aurum & suum argentum viuum pro materia aut subiecto seminis argentifici aut aurifici assumunt, soluunt, & cõco-

*Materia
lapidis phi-
losophici
est aurũ et
suũ argẽ-
tũ viuum.*

quantum dum in lapidem durum coierit,
& tandem in calcem aut puluerem ru-
brum prodierit. Ad reliqua argumenta
dissoluenda progrediendum est.

Duodecimum argumentum.

Opinatur Erastus, & rectè quidem, si
quid in tota re insit veri, videri illos pro-
piùs ad veritatem accessisse, qui lapidem
philosophorum ex auro cōcinnare stu-
duerunt. Ex auro autem produci non
posse hoc utitur argumento.

Vt ex auro fiat lapis philosophicus,
aurum perfectius reddi oportet, quàm
sit in natura auri propria,

Atqui perfectius reddi non potest,
Ergo ex auro procreari non poterit, Er-
go minùs ex alia materia, Ergo vani
sunt & irriti omnes chemicorum co-
natus.

Prior propositio probatione nō eget,
cum manifesta sit sensibus, nec videamus
aurum in natura sua ceteris metal-
lis aut argento viuo mistum mitionem
illorum perficere, & in aurum mutare.
Assumptionem autem autoritate Bra-

cesci & Rogerij Bacchonis probas, Eraste, & ratione & experientia confirmas quæ demonstrat auri mistionem adeo solidam & perfectam vt igne dissolui & corrumpi non possit.

Responsio ad duodecimum argumētum.

Bracescus & Rogerius Baccho necnō cæteri huiusce farinae ænigmaticè, tropicè & nullo ordine artē tradiderunt, Nec auro nomē materiæ lapidis philosophici dederūt, sed potius causæ efficientis & informantis materiā informem, rudem & imperfectam, & ex amborum mistione lapidi ortum dedere. Sed quoniam materia superat quantitate vt menstruū in fœtu, aurum verò viribus vt semē & causa efficiens, noluerunt aurum lapidis esse materiam, Quamuis reuera & aurum & suum argentum viuum sit eiusdem lapidis materia scientibus & intelligentibus, & alterum sine altero sit inutile, illud enim agens, vt mas, hoc vt patiens & fœmina. Quod autem aurum perfectius igne reddi non possit, aut dissolui & in partes distrahi nequeat, cō-

Aurū vt causa efficiens, suū argentum viuum vt materia.

cedo in natura propria & metallica solo *Aurū igne*
 calore igneo, videtur enim aurum ad *solo cor-*
 extremum perfectæ mistionis omnium *rumpi non*
 metallorum gradum à natura peruenisse. *posse.*

se. Verū aquis quibusdam dissolui &
 in partes distrahi potest, & facile quid-
 dem, his qui sæpe experti sunt. Destil-
 latur enim aqua ex sale communi, quæ *Tincturā*
 lento igne adhibito dissoluit solam au- *solam aurī*
 ri tincturam, Tingitur enim aqua colo- *ab auro*
 re citrino, cum prius esset alba vt aqua *dissolui ab*
 putei aut fontis, Et exhausta omni tin- *aqua salis*
 ctura subsidet corpus auri album, quod *communis*
 in corpus igne agente reductum cōspi- *distillata.*
 citur argentum. Tinctura autem auri *error hoc*
 nusquam imposterum in corpus metal- *penquam*
 licum reditura est, sed quod tenuissi- *expertus est*
 simæ sit essentiæ & in vaporem destil- *Author.*
 latione quibusdam adiectis feratur sur-
 sum, & destilletur in liquorem, corpus
 spirituale, aut spiritum corporeum ap-
 pellauerunt. Hæc tinctura ab acrimo-
 nia quam ab aqua solvente accepit, vin-
 dicanda est, quæ deinde multis & ad-
 mirandis vsibus & effectibus inseruit.
 Sed quoniam hæc ignoras, Erasme, nec
 oculis conspexisti, fidem non adhibebis,

nec tibi similes. Quod autem hisce oculis vidi & manibus palpauī, quodque etiam ab adolescente ignaro me iubente confectum est, maiorem facit fidem quàm tua tuorumque tibi similiū ignoratio, nihilque ignorandi falsa & inanis tua præsumptio. Cum autē apud Tauladanum aduersus Bracescum disputātem legisses, aurum in natura solo igne mutari non posse, sed alijs additis in partes distrahi posse, sequenti argumento & dilemmate vteris vt probes ex auro, siue naturam metallicam retineat, siue eandem exuerit, nihil ad lapidem philosophicum pertinere.

Decimum tertium argumentum.

Aurum, quod pro lapidis materia usurpant chemici, aut solutum in liquorem & spiritum substantiam & vires auri mutat, aut sub liquoris & spiritus forma permanet aurum,

Si illud primum, metallum nō creabit, quòd metalli genus excesserit, si posterius, cum non sit, nec reddi possit perfectius in natura sua, nec exuberantem

tem obtineat perfectionem, eam cæteris metallis non communicabit, nec perficiet ea.

Ergo quouis modo aurum pro materia lapidis vsurpetur, aut præparetur, metalla reliqua vel argentum viuum non mutabit in aurum, Ergo frustra ex auro lapidem philosophorum chemici conficere tentant.

*Responsio ad decimum tertium
argumentum.*

Respondeo, siue aurum naturam metallicam retinuerit, modò sit alteratum, siue eandem exuerit, perficere posse materiam nostram eidem proximam id est argentum viuum. In calcem enim reductum aurum naturam metallicam non exuit, non secus ac lapis in calcem redactus lapideam formam seruauit, quamuis de natura metallica in auro calcinato illæsa veriùs dici possit, quàm de lapidea natura in lapide calcinato: huic enim multùm, illi nihil in calcinatione de pondere deperit: Sed in utroque vis ignea calcinatione accersitur,

Calce auri alterati mutare argentum viuum metallorū, cui miscetur, coctione certa adtributa. Cum igitur calx illa auri admiscetur certa proportionē argento viuo à corporibus metallicis præsertim ab argēto arte prolicito, & certis ignis gradibus vtrumque mistum concoquitur, fit pugna contrariarum qualitatum in communi materia, Calcis enim aureæ qualitates calidæ siccæ sunt, argenti viui metallorum, frigidæ humidæ: hinc fit temperamentum, & noua mistio, & ex hac auri forma succedit. Dixi autem aurum alteratum hanc vim & facultatem obtinere, Nam si sine alteratione eadem in illo qualitates persisterent, cum ipsæ sint formæ instrumenta per quas ipsa agit, nulla actio futura esset, nec noua mistio. Dixi autem de argento viuo à metallis prolicito, quod vulgare ob nimiam frigiditatem & humiditatem nimium concoctioni esset contumax, nec ab au-

Aurū, cū naturam metallicā exuerit, præstantioribus esse viribus. ro solum alterato coerceri posset, nisi vnitum idem argentum viuum vulgare & aurum simul destillarentur vt supra dictum est in methodo. Quod si, vt altera dilematis pars assumatur, aurum naturam metallicam exuerit, non minoribus instructum erit viribus imo lō-

gè efficacioribus & præstantioribus, quæ
 solutione à suo argento viuo eorumque
 diuturna & longa coctione vtrique quæ-
 sitæ sunt, vt sit in argentifico & aurifi-
 co semine, Quod in metallum reduci
 non potest, Sed illius mistione cum ar-
 gento viuo aut eo, quod metallis est
 insitum, fit vera noua mistio, & hinc
 emergit corpus nouæ formæ, quod nec
 puluis aurificus est, nec argētum viuum,
 aut metallum quod erat prius, sed aurū,
 vt sæpius dixi, & repetere cogor in re tã
 serua tantique ponderis. Sed in his, Era-
 ste, quæ ignoras, iudicas tanquam cæcus
 de coloribus, & nescis quodnam sit il-
 lud argentum viuum, quod soluit aurū,
 neque concoctionis modum, nec qua
 ratione puluis ille aurificus transmuta-
 tionis huiusce sit causa. Inualidum est
 igitur argumentum & dilemma tuum.

Decimum quartum argumentum.

Lapis philosophicus necessariò con-
 stat in materia, quæ ipso auro perfe-
 ctius cocta sit,

Atqui aurum perfectius concoqui nō

potest, nec est aliquod metallum æquè illo perfectum,

Ergo vanus est omnis chemicorum labor.

*Responsio ad decimum quartum
argumentum.*

Falsa est assumptio tua, Erasme, sed quoniam concoctio hæc post verā solutionē propria est huic arti, quā ignoras, impossibilis tibi videtur. Sed ignorantia tua veritati, quæ autoritate præstantissimorum virorum, ratione, experimento & demonstratione, nititur, nihil adjicit aut detrahit.

Decimum quintum argumentum.

Formæ ex materiæ sinu producuntur ab efficiente causa insita eidē materiæ, non aliunde inuolant, Atqui chemici dicunt formam in aliena materia fundatam esse, verè à materia perficienda separatim, & per projectionem formā infundi materiæ informandæ, Quod falsum est, Ergo lapis illorum philoso-

ARGYROPO. ET. CHRYS. 165
phicus à materia perficienda separatus
formam materiæ perficiendæ non in-
fundet.

*Responsio ad decimum quintum
argumentum.*

Magna est controuersia inter peri-
tiores an formæ rerum de materiæ si-
nu ab efficiente causa insita non aliunde
aut externè in materiam migrent. Fer-
nellius Ambianensis ille medicus me-
dicorum & philosophorum huiusce se-
culi facilè princeps toto priore libro de
abditis rerum causis nihil aliud disputat
sub persona Eudoxi aduersus Brutum.
Et tandem concludit aduersus Brutum
in materia ne minimum quidem formæ
fuisse antequam in eam migraret, sed
perfecta & consummata præparatione
statim formam in illam materiam cœ-
litus immigrare, multisque rationibus
& ex autoritate Aristotelis confirmat,
non solùm in anima hominis, quam per
se subsistere extra corpus & externè in
corpus hominis migrare, & post exitum
à corpore rursus per se subsistere cer-

*Opiniones
variæ de
formis re-
rû, an ex
potentia
materiæ
educâtur,
an exter-
nè in ma-
teriâ mi-
grent.*

tissimum est, & nemo ambigit, sed etiā in animalibus, plantis, & inanimis corporibus. Tu verò contra sentis in omnibus his excepta hominis anima. Sed vtra, an Fernelij, an tua Erasme sententia in hac quæstione verior sit, non est disputandi locus. Concedamus tuam præualere, & priorem huiusce argumenti tui propositionem veram esse, non idcirco assumptio eiusdem argumenti vera erit: Quippe quòd ex hypothefi falsa sumpta sit, cum ais chemicos profiteri formam auri separatim esse in aliena materia, & infundi in materiam informandam: Quòd si quidam ex ijs ita senserint, ijs adhærere non possum. Sed

Lapidem philosophicum non esse formā auri. sic se res habet. Lapis philosophicus, quem tu ita appellas, non est forma auri, sed longè nobilior, etsi vim & facultatem aurificam non exuerit. Nec enim semper necesse est id quod informat formam actu habere eandem qualē habiturum est corpus informandum, nam quæ ex putrefactione oriuntur animalia, solum calorem habent opificem. Materia etiam nostra proxima non est forma auri, Sed tam lapis philosophicus quàm

materia proxima sua forma constat. Ex eodem tamen fonte promanarunt, & similitudine totius substantię sese referunt: Qualitatibus tamen pugnant contrarijs, ille calidus, siccus, igneus, concoctus, hæc frigida humida, aquea, cruda & indefinita. In amborum mistione externo calore agente fit pugna harum contrariarum qualitatuum in communi materia, & vtriusque priores formę abolentur, & noua & aurea eaque vnica forma succedit in misto ex ambobus corpore. Ex pugna enim harum contrariarum qualitatuum fit temperamētum formę aureę conueniens, si quis viribus certauerint qualitates, Alioqui si lapidis aut pulueris aurifici qualitates & vires nimium exuperantes essent, non fieret vera mistio (in qua necesse est aliam qualitatem non excedere aliã, sed totum ad temperamentum reduci,) Sed fieret interitus argēti viui, Abiret enim in naturam lapidis, cuius tamen vires infringerentur. Quante autem fuerint pulueris aurifici facultates, certò sciri non poterit nisi experientia, Projectus enim nimia quantitate in argentum vi-

Ex qualitatibus contrarijs pugnantibus in cōmuni materia verã fieri misionē.

minima

*Vires pul- uum ipsum in puluerem aurificum etiā
ueris au- mutabit, viribus tamen diminutum, dū
rifici quā- tandem puluis postremus non in pulue-
ta fuerint, rem sed in corpus ductile mutauerit ar-
experiētia gentum viuum: Tunc enim æqualis e-
demon- rit vtriusque victoria, ex qua noua auri
strari. forma progreditur. Natura autem in*

mistis corporibus, quæ sua sponte ædi-
dit, ita se rem habere nos edocet. Ex mi-
stione enim terræ & aquæ concurrenti-
bus aliorum elementorum viribus fit
lapis, fit & metallū, sed diuersa propor-
tionis lege. In hac mistione formæ quæ
act u elementis prius inerant, potestate
tantūm insunt lapidi & metallo, noua-
que atque vnica lapidis aut metalli for-
ma ex eorundem mistione exurgit.
Idem & in ijs accidit, quæ destillantur
vi ignis, si qualitatibus contrarijs æqua-
biliter pugnent, & verè misceantur: Exi-
nantis enim prioribus formis eorū quæ
miscentur, vnica in distillata aqua pro-
dit. Sic non aliunde aut externè, vt fal-
sò putas dici à chemicis, forma infundi-
tur argento viuo seu materiæ proximæ,
sed à proprijs viribus eidem argento vi-
uo & pulueri aurifico insitis.

*Formas
pulueris
aurifici &
proximæ
materiæ à
proprijs
viribus
infundi.*

Decimum

Decimum sextum argumentum.

Quod verè transformat, formã materiæ informandæ tribuit,

Atqui lapis philosophicus fusus cum metallis non aliter dat illis formã,quàm aqua absinthij infusa vino,quæ formam absinthij non tribuit vino sed odorem & saporem,

Ergo lapis philosophicus mistus & fusus cum metallis formam auream illis non impertit.

Responsio ad decimum sextum argumentum.

Assumptio ex hypothesi falsa derivata est,neque id artis periti dicunt, neque verum est formam non aliter à lapide tribui metallis,quàm vino ab aqua absinthij, Sed ex mitione lapidis cum argento viuo vulgari aut metallorum vi qualitatum contrariarum æquabiliter in communi materia pugnantium formam ynicam impertiri, vt in su-

perioribus dictum est.

Decimum septimum argumentum.

Formæ rerum non agunt nisi in propriam materiam subiectam, in alienam minimè agunt, Quod nō ita dici debet de qualitatibus primis, quæ assiduè mutant vniuersas substantias,

Atqui lapidis materia alia est à metallorum materia,

Ergo lapis aget tantùm in suam materiam, non item in reliquorum metallorum materiam, Ergo ea non transformabit.

*Responsio ad decimum septimum
argumentum.*

Respondeo formas rerum per se solas non agere in alienam materiam, sed accita vi qualitatū primarum, Anima enim non agit in alimentum neque suū facit nisi per calorem naturalem insitū, vt etiam hoc argumēto fateris. Propositio igitur tua, Erasme, vera nō est indistin-

tē, sed si formæ ex se solæ animaduer-
 tatur. Forma igitur lapidis philosophici
 sola non agit in metalla aut argentū vi-
 uum, sed vi qualitatum ignearum &
 contrariarum. Non autem agit vt ani-
 ma in alimentum per corruptionem &
 generationem, sed per mitionē vtriuf-
 que, in qua non fit accidentium priorū
 omnium resolutio ad primam materiā
 vt in ortu & interitu, Sed prioribus tan-
 tum formis abjectis confurgit forma
 aurea noua, si paribus viribus pugnaue-
 rint qualitates vtriufque, lapidis scilicet
 & metalli cuiuscunque aut argenti viui.
 Nec tibi concedimus, Erasme, propo-
 sitionem tuam indistinctē: Quod enim
 ab eodem fonte lapis philosophicus &
 argentum viuum & metalla proximē
 fluxerunt, non est aliena materia sed
 fuit eiusdem generis & quodammodo
 communis, Sed quatenus formas obti-
 nent diuersas, alia est eorum materia.

Formā la-
 pidis phi-
 losophici
 non agere
 per corru-
 ptionē sed
 per mitionē.

Decimum octauum argumentum.

Sola viuentia informare possunt ma-
 teriam in quam agunt,

Atqui lapis philosophicus caret anima,

Ergo informare non poterit argētum
vium vulgare vel quod metallis inest.

*Responsio ad decimum octauum
argumentum.*

Falsa est propositio. Lapides enim & metalla ex elementis proximè orta formam habent, qua constant nec aliqua anima formam illis impertijt, sed sola qualitatū propriarum vi externo calore & frigore adiuuantibus concreuere. Sed & vitrum formam habet naturalem substantialem, qua constat, nec illi ars eandem formam tribuit, sed subiecit materiam igni, qui à naturalium causarum efficientium numero abigendus aut distrahendus non est, & miscuit materiam ex qua vitrum est formatum. Sic vires aurificæ in lapide philosophico accitis qualitatibus eiusdē igneis externo calore iuuante formam auream metallis & argēto viuo impertiūt, etiam si lapis vita aut anima careat. Nō enim ijs subscribere possum, qui me-

talla aut semen nostrū argentificū aut aurificum seu lapidem philosophorum viuere dixerunt, quod forsitā metaphoricē intellexerunt ob virium & qualitatum ignearum excellentiam.

Decimum nonum argumentum.

Omne agens naturale assimilat sibi passum in substantia aut qualitate,

Lapis igitur philosophicus agens in reliqua metalla aut argentum viuum assimilabit sibi illa in substantia aut qualitate,

Ergo lapis philosophicus agendo in illa non ex iisdem efficiet argentum aut aurum, qui est finis Argyropœiæ & Chrysopœiæ, sed efficiet lapidem, qui nō est ex genere corporis metallici: Aut qualitatem & alterationem tantū inducet, non formam nouam.

*Responsio ad decimum nonum
argumentum.*

Facile est ex ijs quæ dicta sunt superius propositioni respondere. Nō enim

Differ tia per generationem aut corruptionem la-
generatio- pis philosophicus mutat metalla aut
nis corru- argentum viuum, sed per simplicem
ptionis, & resolutionem & miftionem, inter quas
miftionis hoc interest, Quòd in illis, id quod agit
& dissolu- & vincit, transformat in fefe id, in quod
tionis sim- agit, & hoc corrumpitur cum resolutione
plicis. ne omnium accidentium, vt ignis agēs
 in lignum corrumpit ipsum, & quòd
 illius imperio subiicitur, in fefe con-
 uertit. At in his dissolutione & miftio-
ne, quæ miscentur non pereunt, sed per-
manent percuntibus formis prioribus, &
vnica noua forma succedit. Et si quid
 perit, vt in mutatione metallorum, non
 est ex materia argenti viui, sed ab igne
 externo vincitur & corrumpitur, & in
 fecem, cinerem & vitrum transit. Sic la-
 pis philosophicus agens in metalla &
 argentum viuum, illa non corrumpit,
 nec in fefe transformat, nec suam illis
 formam impertit, sed ex miftione eo-
 rumdem cum illo succedit alia forma
 scilicet argenti vel auri, si qualitates
 igneæ lapidis philosophici, & qualitates
 frigida & humida argenti viui vulga-
 ris vel metallorum contrariæ æquabili-

ter pugnent. Hoc enim proprium dixi *In vera mi*
 esse veræ mistioni, vt ex duobus diuer- *siuone ex*
 sarum formarum mistis corporibus, re- *ductus di*
 sultet tertium corpus nouæ formæ. Sa- *uerfarum-*
 nè si vires eiusdem lapidis seu seminis *formarum*
 aurifici in pauciozem argenti viui quã- *corperibus*
 titatem agerent, quàm huius vires viri- *resuliat*
 bus illius resisterent, hoc in illius naturã *tertiũ*
 transiret, sed mistum minoris efficaciz *noũe for-*
 fieret vti in responsione ad decimum *ma.*
 quintum argumentum dixi, & superua-
 cua esset repetitio. Quod autem de al-
 teratione dictum est sic intelligendum
 est, vt nisi lapis aurificus aut metalla aut
 argentum viuum contrarijs pugnarent
 qualitatibus primis, nõ fieret mistio sed
 alteratio tantũ quãdam secundũ po-
 steriores qualitates vt duritiei & molli-
 tiei. Sed omnis Argyropœiæ & Chry- *Omnis eo-*
 sopœiæ conatus eò tendit, vt illæsa vi *natus ar-*
 argentifica aut aurifica in semine quali- *is est qua-*
 tates igneæ intenduntur, & quò effica- *litate si-*
 ciores fuerint, tantò numerosior & lo- *gneas semi-*
 cupletior succedet effectus. *nis aurif-*
ci inten-
dere.

Vigesimum argumentum.

Impium est credere artem aliquid præstantius efficere posse, quàm Deus & natura efficiant,

Atqui chemici dicunt lapidem se efficere posse, qui sit auro præstâtior, perfectior & efficacior,

Ergo impium est credere chemicos præstare posse quæ dicunt per lapidem philosophicum.

Responsio ad vigesimum argumētum.

Artem nõ agere sed Deum, & causas vniuersales, Artē autē subijcere materiam. Calumniosum est proponere chemicos aut conari aut velle aut posse præstantius aliquid efficere, quàm Deus aut natura efficiant: Agnoscunt enim Deum vt causam primam & vniuersalem, rerum omnium authorem & opificem omnipotentem, Qui cum velit quidquam miraculose efficere, sine causarum naturalium interuentu id efficit: Cum verò naturaliter, concurrat cū iisdem causis naturalibus, quibus iussit, vt cum certis legibus & proportionibus coe-rint prima rerum omnium primordia, scilicet quatuor elemēta, corpus aliquod naturale materia & forma constans in lucem

lucē prodiret, vt & tu alio loco loquēs
 de miftione fateris, Eraſte. Fatemur igitur
 chemicos nihil prorsus efficere poſſe,
 ſed omnes omnium rerum effectus
 ad Deum, & cauſas naturales referēdos
 eſſe, à quibus accepti ſunt: Chemicos au-
 tem ſubijcere poſſe materiam naturæ, vt
 ipſa agat, negari non poteſt. Agricola
 cum terram colit, cum ſemina jactat in
 eandem, non agit, ſed eſt miniſter natu-
 ræ. Qui ignem lignis, carbonibus, oleo
 aut inflammabilibus ſubijcit, non exu-
 rit, ſed ignis. Vitrum quod ex cineribus
 & arena fit, vitrarius non efficit, ſed ignis
 cui ſubijcit materiam. Interim tamen hi
 omnes efficere dicuntur, non velut cau-
 ſæ principes, ſed impellentes & adiuuā-
 tes, Sic lapidem philoſophicum aut au-
 rum non efficiunt chemici, ſed mini-
 ſtrant cauſis naturalibus materiam, vt
 agant in illam. Quòd autem ab iſdem
 cauſis naturalibus ſubijciente arte ali-
 quod perfectius miſtum produci poſſit,
 quàm quod natura ſola ſine arte efficit
 in ijs quæ ſolam miſtorum rationem &
 nomen obtinent, non eſt impium cre-
 dere. Vitrum enim perfectius eſt miſtū

*Ars mini-
 ſtra natu-
 ræ.*

vitri perfectio

*Cur lapis
auro per-
fectior.*

corpus quàm corpus aliquod naturale. Ignis enim, qui omnia naturalia corpora auro excepto corrumpit exurit & dissoluit, ipsum nusquā potest corrumpere. Sic lapis longè auro est perfectior, idque duplici ex causa. Prior est, quòd si mistionis inuincibilis & indissolubilis ratio habeatur, solutione & coctione diuturna tam firmam solidam & unitam mistionem sibi comparauit, ut nullum imposterum imperium ignis in illum habiturus sit, quantumuis diuturnus & violentus: Altera, quòd si qualitates primæ quibus philosophi vires omnes tribuerunt, spectentur, igneas sibi eadem solutione & concoctione cōparauit, Quibus aurum & vitrum destituta sunt, quāuis alioqui perfectissimè mista sint. Hinc aurum non agit in reliqua metalla, ut lapis philosophicus. Cur autem lapis philosophicus perfectiori & nobiliori forma constet, quàm aurum, iam dixi superius. In vniuersum enim quæcunque corpora naturalia iam mista rursus miscentur, perfectiora sunt. Pullus est ouo nobilior, & animal semine, ex quibus ortum habuerunt. Sic lapis aurificus

*Mista secundò perfectiora
mistis primò.*

nobilior auro & suo argento viuo à quibus proximè habet ortum. Quòd etiam dicunt aurum ex argento viuo vi pulueris aurifici formatum perfectius esse auro naturali, nec id etiam est impossibile. Argentum enim viuum omnis substantiæ inflammabilis est expers, à qua forsitan materia ex qua aurum in visceribus terræ concretum est, non est omnino purgatum.

Vigesimum quartum argumentum.

Formarum immissio in materiam est creatio,

At creatio est solius Dei omnipotentis opus,

Ergo chemici formam auri in materiam immittere non possunt.

Responsio ad vigesimum primum argumentum.

Huic argumento idem quod superioribus respondendum est, chemicos scilicet formam rebus impertire nec

velle nec posse. In plantis enim & animalibus vim formatricem feminibus insitam vident, in mistis verò tantum corporibus iussum & voluntatem Dei vim efficientem esse agnoscunt, quoties elementa certa lege & proportionem coierint. Cœcunt autem, cum subijcit ars materiam, quam vires & qualitates eidem insitæ calore externo iuvante subigunt, & miscent, & hinc forma in materiam profilit.

Vigesimum secundum argumentum.

Quod natura in vnoquoque genere perfectissimum effecit, nec perfectius efficere potuit, aut voluit, ars efficere non poterit,

At natura in genere metallorum aurum effecit perfectissimum, nec perfectius efficere aut potuit, aut voluit,

Ergo ars aurum perfectius efficere non poterit, Ergo nec ex eo lapidem philosophicum, quem auro perfectiorem esse oportet.

*Responsio ad vigesimum secundum
argumentum.*

Respondeo vt ad vigesimum argumentum, in mistis tantum corporibus mistionem arte ministra & subiiciente materiam causis naturalibus perfectiorem fieri posse, quàm in mistis à sola natura.

Vigesimum tertium argumentum.

Quod natura non tentat nec potest efficere, ars etiam minimè præstare potest.

At natura neque tentat, neque potest speciem vnã vnus generis proximi permutare in speciem aliam nobiliorem eiusdem generis proximi,

Ergo nec ars poterit etiam idem præstare.

*Responsio ad vigesimum tertium
argumentum.*

Idem quoque quod ad superiora re-

*In ortu
plantarum
animalium
fieri cor-
ruptionem.*

spondendum est, in ortu plantarum & animalium fieri corruptionem prioris materiae, & resolutionem omnium accidentium, idcirco speciem unius generis proximi in speciem eiusdem generis nobiliorem aut ignobiliorem transmutari non posse, veluti canem mortuum non transmutari in capram aut aliud animal, vel plantam unius speciei in plantam alterius speciei sub eodem genere plantae, (Quamvis triticum in lolium, & è contra hoc in illud quidam mutari dixerint) Sed fieri resolutionem accidentium usque ad prima elementa, nisi ex eadem materia post multas mutationes producatum semen alterius speciei sub eodem genere. In ortu autem mistorum corporum simpliciter, non fieri corruptionem materiae, nec resolutionem omnium accidentium priorum, sed dissolutionem quandam simplicem reliquiae accidentibus communibus priori & posteriori speciei, & ubi ventum fuerit ad materiam proximam, eam perfici nec dissolui aut corrumpi: Idcirco non esse necesse metalla, quae mista tantum sunt corpora, in speciem alterius generis

*In ortu
mistorum
simpliciter
non fieri
corruptionem.*

quàm metallici, cum ex his fit aurum, mutari. Hæc autẽ ex ijs, quæ dicta sunt, manifestissima sunt, nec repentenda puto. Quòd autem natura in mineris metalla reliqua non mutet in aurum, etiam responsum est, in mistis tantùm solam naturam efficere non posse, quæ eadem arte ministra efficit. Hæc autem omnia superiora & proxima tua argumenta, Erasme, eodem fundamento nituntur, quòd iisdem legibus mitionem mistorum & inanimorum corporum metiri volueris, quibus ortum plantarum & animalium, Quæ tamen longo inter se interuallo distare in multis, latis, vt opinor, supra demonstratum est, Atque hinc sequitur aliud tuum argumentum.

Vigesimum quartum argumentum.

Si aurum per multiplicationem generat aliud aurum ex materia metallorum, seu grana tritici per multiplicationem generat plura altera grana, eundem modum & progressum temporis observare necesse erit in multiplicatione au-

ri, qualem in multiplicatione granorum tritici,

At idem modus aut progressus temporis à chemicis non obseruatur, nam per projectionem lapidis aiunt multiplicationem hanc fieri in instanti,

Ergo hæc auri multiplicatio fieri aut sperari non potest.

*Responsio ad vigesimum quartum
argumentum.*

Idem etiam respondendum huic argumento quod in cæteris, scilicet aliam esse legem mitionis simplicis in mistis corporibus, & aliam ortus & interitus in plantis & animalibus. Ex mitione enim lapidis philosophici vi aurifica illi insita, per qualitates igneas fit mitione perfecta in materia metallorum, & hinc aurum, seruatis legibus quæ in mitione dictæ sunt: in plantis verò & animalibus fit multiplicatio vi seminis vniuscuiusque speciei. Libenter admittam lapidis philosophici progignendi rationem à naturæ operibus exquirendam esse, neque ipsum nisi progressu temporis certo

certo & præfinito produci posse. Et quoniam illius ortus est etiam per simplicem resolutionem & mitionem, vires etiam illius in infinitum augeri posse, cum sit in potestate artis subijcere quoties velit eundem lapidem naturæ, ut rursus eundem soluat & concoquat. Causa igitur multiplicationis granorum tritici eadem censenda est, quæ & auri, Est enim vis adaucta utrique, grano scilicet & auro, ex hoc scilicet cum progignitur lapis, At modus multiplicationis siue augmenti, diuersus est. In illis enim non nisi statim temporis interuallo fit propagatio, in hoc per projectionem in instanti. Hæc tamen auri propagatio plerumque fit progressu temporis ut in priori methodo supra diximus.

Vigesimum quintum argumentum.

Ut ars metalla reliqua in argentum aut aurum transmutet, in materiã proximam reducenda sunt, eique eandem formam insculpere, qualem natura insculpit, oportet.

Atqui nusquam corpus aliquod aut

natura aut artè mutatur in proximam materiam, nam corpus animalis non reddit in sanguinem, nec sanguis in chylū, nec chylus in alimenta, sed & si posset ars retrorsum ire, formam, vt natura, insculpere non posset,

Ergo ars argentum aut aurum ex metallis efformare non potest.

*Responsio ad Vigesium quintum
argumentum.*

Concedimus naturam aut artem nō posse resoluerè metalla aut aliud corpus naturale in proximam materiā, ex qua statim & nullo intermedio ortum subierint, neque id necesse est apud artem. Probauimus enim solidissimis rationibus & experimentis materiam proximam ex qua in visceribus terræ natura sola gignit argentum aut aurum, non esse eandem, quam ars subijcit naturæ extra minerarum locum, sed materiam argento & auro proximam eamque etiam naturalem, scilicet argētum viuū, tam vulgare, quàm quòd potentia proxima inest reliquis metallis, & ab illis

Alia materia & causa efficiens arti, alia soli naturæ auro aut argento conficiendo necessaria.

eruitur, non per corruptionem, sed per simplicem resolutionem, neque iisdem modis formam argenti aut auri materiæ nostræ proximę induci, quibus natura in mineris utitur. De his enim omnibus nihil certo adhuc constat inter authores, qui metallorum historiã scripsere. Frustra igitur obijcitur eandem materiam & causam efficientem, quales sunt in mineris assumendas esse ab arte, si velit argentum aut aurum producere.

Vigesimum sextum argumentum.

Chemici dicunt se facere aurum naturale iuuando naturam, non secus ac agricolæ triticum, aut medici sanitatem,

Atqui agricolæ & medici nec materiam nec causam efficientem præstare, nec formam conferre, nec triticum gignere, nec sanitatem efficere possunt,

Ergo nec chemici arte sua argentum aut aurum efficere poterunt.

Responsio ad vigesimum sextum argumentum.

Artē ta- Cum tantū iuvent materiam A-
citam esse gricolæ, medici, & chemici, propriè &
naturæ mi- verè non efficiunt, sed eam tantū sub-
nistrā, iijciunt naturæ, cuius sunt ministri: Cau-
Naturam sã autem naturales agunt, & sunt prin-
autem ef- cipes causæ agentes & efficientes. Malè
ficere. igitur ex propositione & assumptione
 obijcitur chemicis artem argentum aut
 aurum gignere non posse. Neque enim
 id se agere dicunt, nec possunt, sed solã
 naturam & naturales causas.

Vigesimum septimum argumentum.

Natura ex sua propria materia aurū
 facit, & eadem à suis causis naturalibus
 efficiētibns formam substantialem au-
 ream tribuit,

At ars & initium & finem facit, &
 omnia externè agit,

Ergo ars substantialem formam &
 insitam dare non potest.

*Responsio ad vigesimum septimum
 argumentum.*

Respondendum idē quod superio-

ri argumento, artem non efficere argentum aut aurum, sed naturam solam, cuius eadem ars est ministra, & per easdē causas naturales, non autem ex eadem materia & causa efficiente, quæ sunt in mineris.

Vigesimum octauum argumentum.

In materia metallorum reliquorum, vt ex his fiat argentum vel aurum, vires argentificæ aut aurificæ insitæ esse debent,

Atqui in materia metallorum reliquorum hæ vires non sunt insitæ,

Ergo ex materia reliquorum metallorum argentum aut aurum nusquam fieri poterunt, nec natura nec arte.

Responsio ad vigesimum octauum argumentum.

Vires bifariam æstimantur, Aliæ, quæ *Vires rerū* in materia bene disposita insunt, Aliæ, *bifariam* quæ in causa efficiente, Illæ sunt in ar- *æstimari.* gento viuo tam vulgari, quàm quod

corporibus metallicis inest potētia proxima, quod diximus esse materiam argento & auro proximam, Quod, inquā, argentum viuum, dispositum est ad patiendum, & vt ab efficiente causa informetur. Efficientes autem argentificas aut aurificas & igneas fatemur nō inesse eidem argento viuo, sed pulveri aut semini argentifico aut aurifico, Ex cuius mistione cum eodem argento viuo metallorum aut vulgari igne externo iuuant aurum emergit, vt sæpe dictū est. Poterunt etiam quædam in quibusdam supplere vicem & munus lapidis aut feminis aurifici, vt de argento mutato in aurum diximus experientia comperiisse. Verū id quidem magno cum labore, paucō fructu & scœnore, si cum semine nostro argentifico aut aurifico conferantur.

Vigesimum nonum argumentum.

Formæ naturales rebus insitæ non informant prius aliam materiam extra se, quàm illam sibi propriam effecerint, Atqui nec lapis philosophicus nec

quidquam aliud potest materiam reliquorum metallorum suam facere : id est argento aut auro proximam,

Ergo lapis metallorum non poterit informare reliqua metalla in argentum vel aurum.

*Responsio ad vigesimum nonum
argumentum.*

Idem ferè argumentum est , quod decimum quintum, itaque huic , vt illi, ne tædiosa sit repetitio , est respondendum. Sed quod in assumptione dicitur, lapidem philosophicum materiam reliquorum metallorum suam efficere non posse , id est reducere ad materiam argento & auro proximam, Concedendū quidem est, si de materia proxima, qualis est in visceribus & mineris terræ , intelligatur , hoc enim est impossibile. Sed si de materia proxima apud artem , id est de argento viuo , falsa est assumptio. Lapis enim & argentum viuum ex eadem origine fluxerūt, & vtrumque igni est indissolubile: Igitur propter similitudinem totius sub-

Quomodo stantia vtriusque facile miscentur, & la-
 & cur la- pis aurificus retinet, concoquit, figit &
 pis philo- tingit argentum viuum vi qualitatum
 sophicus ignearum, & cum vtrumque igni non
 transmu- cedat, nec corrumpatur, fit mistio stans
 tat metal- & perseverans: interim ignis externus
 la in argē- agit in materiam à natura argenti viui
 tū vel au- alienam, eamque exurit & excernit à
 rum. substantia argenti viui. Sic mutatum
 apparet argentum viuum in aurum.

Trigesimum argumentum.

Chemici asseueranter scribunt fieri non posse, vt argentum aut metallum conflet, quisquis non exploratè cognitū habet ex quibus & quomodo natura metalla generat,

Atqui hæc omnia ignorant,

Ergo ex metallis aurum conficere nō poterunt.

Responsio ad trigesimum argumentum.

Falsum est chemistas dicere necessarium esse, naturam metallorum, vt in visceribus terræ à sola natura concreuerunt,

uerunt, cognoscere, hoc enim certò sciri non potest, nec quæ fuerit materia illorum proxima priusquam ortum subierint. Sed natura eorum inquirenda est, ex materia & forma eorundem, quæ & qualis est post eorum à natura ortū, & vti nunc ipsa conspiciamus. Hoc autem ex perpeſsione materiæ iudicatur, & in quibus ex eadem argentum & aurum à reliquis metallis differant. Perpeſsiones verò hæ & differentiæ in examinibus proprijs & igne oculis conspiciuntur. Sic quæ perfectè aut imperfectè mista sunt, iudicio sensuum demonstrantur. Quibus perspectis statim inquirat huiusce operis inuestigator, quæ fieri possit, vt reliqua metalla eadē quæ argentum & aurum examina subeant, Quod nequitiam præstari poterit nisi cognita materia illis insita argento & auro proxima & causa efficiente. Hæc igitur sunt, quæ apud artem scitu necessaria sunt, quæque facilè demonstrari possunt, cum iudicium sensus de illis fidei faciat: Quod non idem de materia metallis proxima in mineris terræ dici potest.

Metallorum naturam à perpeſsione materiæ eorundem iudicari.

Quæ scitu sint necessaria apud artem.

Trigesimum primum argumentum.

Quamuis chemici scirent materiam proximā & causam auri effectricem, tamen in alio loco quàm in mineris naturalibus aurum facere non possent,

Atqui nullum alium locum habent quàm fornaces,

Ergo in illis argentum aut aurum efficere non possunt.

Responsio ad trigesimum primum argumentum.

Falsa propositio est, nã & alijs principijs incūbit ars, quàm ijs quæ in mineris assumit natura: Et alio loco argētum & aurum efformanda esse satis ex superioribus constat, nec alia refutatione opus est.

Trigesimum secundum argumentum.

Chemici fatentur, Si natura in mineris naturalibus non transmutat viliora metalla in argentum & aurum, Ars

chemica non poterit etiam ea transmutare,

Atqui natura nusquam transmutat ea in argentum aut aurum, Vniuscuiusque enim metalli materia est proxima, quæ alterius metalli non potest esse materia,

Ergo ars etiam ea non transmutabit in aurum.

Responsio ad trigesimum secundum argumentum.

Propositio authorem habet Petrum Bonum Ferrariensem, Ait enim causam efficientem in mineris metallorum esse sulphur aut aliquid ex natura sulphuris nostri vulgaris : Quod si ipsum natura coctione à materia metalli cuiuslibet secreuerit, fieri aurum, sin minùs imperfectum manere, Idcirco progressu temporis sulphur illud excerni in mineris, dum tandem metallum ab illo omnino purgatum aurum reperiatur: Multa autem esse impedimenta in mineris terræ, quibus purgatio illa sistitur & cohibetur. Verùm huic opinioni

Petri Boni Ferrariensis opinio de causa aurum efficiente in mineris.

Improbatur opinio Petri boni.

subscribere non possum, Sed aliam materiam & causam efficientem arti necessariam, aliumque agendi modum adhibendum sentio, à quibus idem effectus sequatur, vt probauimus. Itaque siue in mineris terræ natura viliora metalla trausmutauerit aut non transmutauerit in argentum aut aurum, malè sequitur per alias causas naturales, quas diximus, arte iuuante eadem in argentū aut aurum mutari non posse.

Trigesimum tertium argumentum.

Si species metallorum permutari debeant in eandem eiusdem generis proximi speciem, resolui ea necesse est in materiam communem omnibus speciebus eiusdem generis,

At metalla validissimo frigore concreta iu mineris rursus in materiam cōmunem eiusdem generis resolui non possunt,

Ergo in mineris magis perfici non possunt.

*Responsio ad trigesimum tertium
argumentum.*

Parum refert scire, metalla in mineris frigore concreta resoluantur necne postea in materiam communem. Responsum est enim supra proximo argumento artem idcirco oppugnari non posse.

Trigesimum quartum argumentum.

Vt species eiusdem generis proximi transeat in alienam speciem eiusdem generis necesse est, vt indiuiduum speciei prioris mutetur in indiuiduum speciei futuræ,

Atqui hoc fieri non potest,

Ergo metalla, quæ certam habent speciem, transmutari non possunt in aliam.

*Responsio ad trigesimum quartum
argumentum.*

Verissima propositio, Sed assumptio falsa, saltem tibi, Erasce, non possibilis, qui ignorasti nec expertus es viliora metalla in proximam argento aut auro materiam resolvere, nec nosti causam efficientem, quosue effectus producat.

Trigesimum quintum argumentum.

Quæ in bene institutis rebus publicis & ecclesiasticis legibus prohibita sunt, sciri non oportet,

At chemica ars in ijsdem prohibita est,

Ergo non inquirenda.

Responsio ad trigesimum quintum argumentum.

Vera quidem propositio tua Erasce, Quæ tamen non ita generaliter concedenda quin exceptionem aliquam pati possit. Quòd si æquè vera esset tua assumptio, obmutescerem. Sed vellem te nominasse authores probatissimos huiusce prohibitionis, Quandoquidem eos ex officina tua prodijisse putabo, cum

palam hodie & olim à principibus Ger-
 manix & quamplurimis viris bonis hæc
 ars exerceatur. Sceleratis quidem & *Sceleratis*
 impostoribus quibus nulla alia cura est *& impo-*
 quam fallendi & fallendo diuitum nares *storibus in*
 emungendi, inhibendam esse eandem *hibendam*
 artem reipublicæ esse vtile existimaue- *esse artem*
 rim. Interim minimè ferendum est in- *fiunt.*
 quirendis naturæ arcanis pijs & probis
 viris viam occludere, qui non opum, cū
 paucis contenti sat diuites sint, sed ad-
 mirandorum Dei operum iusto deside-
 rio ad eiusdem artis cognitionem alli-
 ciuntur. At quod tu de ecclesiasticis le-
 gibus dicis, reperio contra in illis eiusdē
 artis mentionem aliquam fieri. Esdras
 propheta libro quarto capite octauo sic
 ait, Dicam coram te similitudinem, Es-
 dra, Quomodo autem interrogabister-
ram, & dicet tibi, Quoniam dabit terrā
multam, vnde fiat fictile, paucum autem
puluerem vnde aurum fit, Nec omnino
improbabile est per paululum pulueris
intelligi semen aurificum. Diuus etiam
 Thomas in 22. quæst. 77. art. 2. sic ait,
Si per halchemiam fieret aurum verum
non esset illicitum ipsum pro vero ven-

dere, Quia nihil prohibet artem vti ali-
 quibus naturalibus causis ad producen-
 dos naturales & veros effectus, Sicut e-
 tiam Diuus Augustinus dicit libro de
 ciuitate Dei. Sūt & alia testimonia plu-
 rima, Sed cum nulla citas in contrariū,
 hæc enarrasse sufficiat.

Trigesimum sextum argumentum.

Formæ rerum non sunt separabiles
 sed in materiam tantum propriam a-
 gunt, non in aliam,

At formæ lapidis philosophici &
 metallorum sunt separabiles,

Ergo forma lapidis non aget in ma-
 teriam metallorum.

*Responsio ad vigesimum sextum
 argumentum.*

Ex pugna
 contraria-
 rū quali-
 tatū nouā
 fieri mistio
 nē & nouā
 formam
 oriri.

Idem argumentum quod decimum
 quintum, & vigesimum nonum. Idcirco
 idem huic quod illis respondendum est.
 Qualitates enim quæ sunt in mistis cor-
 poribus diuersarum specierum, si con-

trariæ

ARGYROPO. ET CHRYS. 201
trariæ sint, pugnant, & agunt & patiuntur inuicem, seseque ad moderationem redigunt, fitque vnum corpus vnus formæ, prioribus exinuitis.

Trigesimum septimum argumentum.

Indiuiduum vnus speciei non potest transmutari in indiuiduum alterius speciei eiusdem generis proximi,

Atqui stannum, plumbum, æs & ferum sunt sub eodem genere scilicet metalli,

Ergo aliud non potest transire in indiuiduum aliud.

Responsio ad trigesimum septimum argumentum.

Repetitum est hoc argumentum, Est enim secundum ex ordine superius constituto, Itaque huic vt illi est respondendum.

Trigesimum octauum argumentum.

Chemici dicunt metalla debere re-

solui in materiam eorum primam, si in
argētum aut aurum mutari ea oportet,

At hoc fieri non potest,

Ergo in argentum aut aurum trans-
mutari non possunt.

*Responsio ad trigesimum octauum
argumentum.*

Periti Argyropœiæ & Chrysopœiæ
de resolutione in materiam primam
differentes, intellēxerunt de materia ar-
gento & auro proxima, quæ est argentū
uiuum, vt iam sæpe dictum est, non de
materia ex qua in mineris terræ mista
sunt.

Trigesimum nonum argumentum.

Quæ artes quotidie experimentis
esse probantur, veræ sunt, vt medicina,
Ars futoria, & cætera.

At ars chemica nusquam experientia
aliqua probata est,

Ergo ars non est vera, sed falsa.

*Responsio ad trigesimum nonum
argumentum.*

Falsa est assumptio , Nam si, Erasme,
experimentum nullum vsquam verum
vidisti, non sequitur omnes nihil vsquã
experientia verum comperijsse. Nega-
tiua tua est assumptio vniuersalis, quam
particularis affirmatiua euertit.

Quadragesimum argumentum.

Impium est affirmare artem posse,
quod natura efficit,
Atqui hoc affirmat ars chemica,
Ergo impium est, quod affirmat.

*Responsio ad quadragesimum
argumentum.*

Falsa est etiam assumptio. Chemica
enim ars non affirmat aliquid se effice-
re proprie , sed subministrando & sub-
ijciendo naturæ materiam & causam
efficientem naturalem , efficere dicitur.

Et ita responsum est supra ad similia argumenta.

Quadragesimum primum argumentū.

Si hæc ars esset vera, ditaret omnes qui eam exercent,

At ferè omnes ex ea ad inopiam penè redacti sunt,

Ergo hæc ars est falsa.

Responsio ad quadragesimum primum argumentum.

Vulgò solet obijci hoc argumētum, nec validius aliud esse existimatur ad euertendam Argyropœciam aut Chrysopœciam. Sed huic argumento variè

Varios esse responderi potest. Omnium scientiarū
scientiarū & artium & artium fines postremi varij sunt. Ho-
fines. rum primo ordine est contemplatio so-
Fines ar- la in ijs artibus potissimū in quibus
tiū aut sciē admiranda Dei omnipotentis optimi
tiarū qui maximi sibi obsequentis naturæ o-
sunt lau- pera non vulgo cognita relucēt, in quo-
dabiles. rum contemplatione mens humana sa-

tiatur & acquiescit. Secundo ordine finis est, Actio earumdem scientiarū aut artium, vt quam quisque didicerit artē cam exercendo necessarijs miserrimæ huic vitæ transigendæ non careat, & reipublicæ profuit. Et hos quidem fines, quicumque sapit, laudabiles esse profitebitur, Propter quos etiam Argyropœia aut Chryso-pœia iure expetenda est. Illic enim admiranda naturæ arcana contemplari licet, nec qui eam rectè norunt, eosdem famelicos esse ipsa vſquam permittet. Verū alius est artium finis vituperandus & damnandus, scilicet auri sacra fames & habendi insatiabile desiderium. Postremum hunc finem, Erasme, falsò existimasti esse verum Argyropœiæ & Chryso-pœiæ finem. Nā si medicinæ, quam profiteris, tibi is tantū scopus est, vt ditior fias, non vt reipublicæ aliquam vtilitatem adferas, minimè laudandus erit. Ex falsa igitur propositione assumptionem & conclusionem falsam & vitiosam esse certum erit. Sed esto, concedatur finem Argyropœiæ & Chryso-pœiæ esse opes & diuitias, ex illarum tamen copia aut pe-

*Qui finis
artium aut
scientiarum
vituperandus sit.*

*Veritatē
aut falsi-
tatē artis
non ex o-
pium copia
aut inopia
sed ex igno-
ratione
artis indi-
candā esse.*

nuria vera an falsa sit ars dijudicari non poterit. Nam argumentum tuum est à possibili, quo aliqua necessitas non inducitur. Si enim ex ignoratione huiusce aut alterius artis, qui eam exercuerit, pauperior euaserit, non arti, sed ignorantia artificis imputabitur. Nec tamē propterea ars aut falsitatis aut impossibilitatis coarguenda erit, Sin ab ingenioso & perito exerceatur, nihil illi ex opibus deerit, Et siue paucis contentus fuerit, nec nisi quantum rei familiaris necessitas postulabit (qui sapientis verus est scopus) Siue opibus se profluere & superbire, re ipsa demonstraerit (qui insipientis finis est) veritas artis deprehendetur. Sed quoniam ut plurimum hæc ars ab imperitis tractatur, mirum nō est, si ipsa pauperiem facere dicatur. Sanē nisi ab expertis edoceatur, & re ipsa demonstretur, vix nisi longissimo tempore ad eam perueniri potest. In summa si Argyropœiam aut Chrysopœiam exercentes ad inopiam rediguntur, non artis falsitas, sed turpis illorum ignoratio causa est inopiæ.

Quadragesimum secundū argumētum.

Quæ à grauibus & probatissimis viris ars nec cognita nec probata est, ars non est,

At grauibus & probatissimis viris ars chemica non est probata,

Ergo ars non est

Huic autem argumento adijcis aliud simile,

Quadragesimum secundū argumētum.

Quæ nouæ sunt, artes, non sunt artes,

Atqui ars chemiæ quatuor aut quinque antehac secula non excedit,

Ergo ars non est.

Responsio ad quadragesimum secundum & tertium argumentum.

Si Hypocratis, Aristotelis, Galeni & cæterorum antiquorum philosophorum & probatissimorum virorum seculis

hæc ars incognita fuit, vt ars nec etiam ab iisdem probari aut improbari potuit. Nec quòd forsitan tantæ sit antiquitatis vt putas, idcirco ars non est dicenda. Nā

Nouæ quædam artes veteribus præstantiores. & nauticæ pixidis, tormentorum bellicorum, & typis excudendorum librorū artes vetustati incognitę fuerunt, quibus tamen artibus antiquitas nihil par habet. Artes tamen sunt, & verissimę. Nec minùs his omnibus verissima est, & admiranda Argyropœia & Chrysopœia, quæ etiam cognita est viris probatissimis & in naturalibus philosophię præceptis peritissimis, licet paucis, inter quos primas partes tenet Geber, quē, tu Erasme Idolum chemicorum appellas. Verùm definitionibus, diuisionibus, causis & effectibus & certis præceptionibus è phycis petitis artem verissimā esse probauit. Plura tamen dicta esse ab eo comminisceris, eaque redarguis quæ nusquam somniauit.

HÆC sunt argumenta tua, Erasme, quibus non sine contumelijs, iniurijs & ira aduersus chemicos pugnasti, anno, vt scribis, 1566. mense Augusto. At cum deferbuiſſet ira tua, & ab egregio & docto

cto viro, vt scribis, argumenta quadam opinionioni tuæ aduersantia proposita essent, ijs respondisti sub finem huiusce disputationis, & modestiùs quidem, vt videtur, quàm superioribus argumētis.

Ostendit tibi is, vt ais, argentum viuum ab auro arte prolicitum, & ex cæteris metallis prolici posse profiteretur, nec multū aduersaris. Sed quòd argē- *Quadam,*
tū viuū vel vulgare vel ab imperfecte *quæ con-*
mistis metallis eductū sit materia argē- *cedit Era-*
to & auro proxima, negas, Et quāuis ita *stus, Quæ-*
se res haberet, tamē arte in argentū aut *dam autē*
aurum mutari posse inficiaris. Fateris *quæ negat.*

tamen argentum viuum ex auro edu-
ctum facile & celeriter in aurum conco-
ctione posse redire. Argentum autē vi-
uum, quodcunque sit, non esse materiā
argento aut auro proximam hinc con-
iycis, quòd vnumquodque argentum vi-
uum sit tantum indiuiduum suæ & pro-
priæ speciei, & quod alterius speciei in-
diuiduum nusquam esse possit, Vt si ex
plumbo arte proliciatur argentum vi-
uum, sit indiuiduum plumbi, si alterius,
sit eiusdem indiuiduum. Vt id confir-
mes, similitudinem adiycis in sanguini-

bus, qui à diuersæ speciei animalibus fluxerunt, qui omnes sese colore referunt, & idem sanguinis nomē obtinent, sed non eandem rationem, naturam & speciē gerunt. Sed & in carne & in multis alijs rebus eiusdem nominis exēpla adfers, Hinc conficis, Si argentum viuū vulgare aut quod à metallis prolicitur, non est materia argento aut auro proxima, siue eorumdem indiuiduum, vanos esse omnes omnium chemicorum conatus, cum nulla materia possit motu à causa efficiente formam certam apprehendere nisi formæ huic sit potentia proxima. Sanè ex multis, quæ aduersus artem hanc attulisti argumenta, nullum hoc verisimilius est, quodque magis vrgeri videatur, Sed cui tamen facile sit respondere. Nititur enim hoc argumentum tuum similitudine nominis, non rei aut substantiæ. Argumenta hæc omnia à simili plus ad illustrandam probationem, quàm ad illam stabiliendam prosunt, Nam ferè omnia infirma argumenta à similitudine ducuntur, cū nulla fit tanta similitudo, quæ per omnia extendatur. Nullam autem necessitatem

Argumenta ferè omnia Eraſti ad probationē stabilendam non prosunt, nec necessitatē inducunt.

inducunt, sed vt auditores aut legentes sese obsequentes dictis aut scriptis reddant, maximè accommodata sunt. Idcirco nullis argumentis faciliùs incautos decipi & falli cōtingit, quàm ijs quæ à similitudine rerum ducuntur. Huic igitur argumento tuo à simili petito, Erasste, sic respondeo. Materia remota & proxima eodem nomine appellari possunt, non eadem ratione censerì: Vt puta sanguis suillus est materia remota carni humanæ, sanguis humanus, proxima: Et tamen vterque nomen habet sanguinis. Sed sanguis ille suillus nusquam erit materia proxima carni humanæ, nisi multis mutationibus in sanguinem humanum mutatus sit. Discrimen hoc materiæ remotæ & proximæ & si verum sit in sanguine suillo & humano, non hinc sequitur argētum viuū vulgare aut quod ex metallis arte prolicitur, aliud esse materiam remotam aliud proximam argento & auro. Probauimus enim ex superioribus omne argentum viuum esse argento & auro materiam proximam, & sola coctione differre: Et quò plus fuerit de-

*Responsio
ad vltima
Erasti ar-
gumenta à
similipe-
tita.*

coctum , eò propiùs esse eorundem indiuiduum. Nam veluti cineres ex quibuscunque herbis aut lignis aut alijs rebus exustis sunt proxima vitro materia, tametsi ex diuersorum generum aut diuersarum specierum corporibus prodierint, Sic & ex quibuscunque corporibus argenti viui materia dissoluta fuerit, erit proxima argento & auro materia. Hæc & si validissimis argumentis probauerimus tum ex similitudine totius substantiæ , tum ex accidentibus proprijs vtriusque communibus , tantò tamen verius esse existimandum erit , quantò certum est argentum & aurum finem esse & periodum naturæ metallicæ , non secus ac vitrum finem omnium corporum naturalium Finem dico, quòd ignis illa dissoluere aut corrumpere non possit , sed omnem vim artis tolerant , atque eadem semper persistât, Quod propriè de auro & vitro dici oportet : Sed illud à natura ortum est, hoc ab arte elaboratum. Hæc de cæteris corporibus ita dici non possunt , quænon sunt proxima & impermutabilis materia, sed assiduis mutationibus obnoxia. Argen-

*Aurū finis
est natura
metallica,
vitru autē
finis est
omnium
corporum
naturalium.*

tum autem viuum à sua causa efficiente
 nihil aliud fieri potest, quàm argentum
 aut aurū, seu cinis igne violento agente
 vitrum. Omnia igitur argumenta tua, *Distinctio*
 quæ ex discrimine corporum eiusdem *natura cor*
 nominis sed diuersæ rationis attulisti, *porū eius-*
 Erasme, hac distinctione euertuntur. *dē nomi-*
 Quòd corporum, quæ sunt eiusdē no- *nis, sed di-*
 minis, alia sint diuersæ rationis, vt in *uerse ra-*
 sanguine suillo & humano, & alia sint *tionis.*
 materia remota, alia proxima. Alia ve-
 rò non solùm sint eiusdē nominis sed
 formæ & rationis, quæ accidentibus tã-
 tum quibusdam differunt, vt argentum
 viuum vel vulgare vel quod corporibus
 metallicis inest, aut alijs rebus. Præterea
 quædam corpora sint proxima materia
 permutabilis in plures alias proximas
 materias, vt elementa, & quæ ex his cõ-
 creuere multa corpora: Quædam verò
 sint proxima materia in quoddã extre-
 mum impermutabile & fixum, vt argẽ-
 tum viuum ex quo fit aurum, & omnis
 cinis ex quo vitrum cõflatur. Sed video
 obijci mihi, Si argentum viuum nõ pos-
 sit aliud fieri quàm argentum aut aurū,
 & aurum sit impermutabile corpus, ex

ijs Argyrogoniã aut Chryfogoniã pro-
creari non poſſe, cum tamen illa proxi-
mã his materiam eſſe dixerimus : Re-
ſpondemus, quod de proxima & imper-
mutabili materia diximus, intelligen-
dũ eſſe in corpore, quod ſola natura pro-
duxit, & omnibus notũ eſt, vt argẽtum
& aurũ. Sed ſemẽ argentificum aut au-
rificũ à ſola naturã non eſt productum,
ſed arte miſtra & impellente, quamuis
à cauſis naturalibus efficientibus.

Peroratio

HÆC ſunt, Eraſte, quæ ad euertẽda
argumẽta tua ſatis eſſe puto, & plura for-
taſſe quã quæ primò propoſuiſſem, quæ-
que quæſtionis, de qua agitur, limites præ-
tergrediuntur. Iam igitur dicendi finem
facere oportunũ eſſe arbitror. Hoc vnũ
à vobis poſtulo, quos totius diſputatio-
nis iudices conſtituo, vt in memoriã hæc
axiomata reuocetis: Non hĩc agi de ſtir-
pium aut animalium viuentium interi-
tu, ſed corporum inanimorũ & mutorũ
ſimplici miſtione & diſſolutione: Vtraq;
diuerſis legibus circumſcribi: Illorũ or-
tus à cauſa efficiẽte inſita proficiſci, quæ
nec ſit in poteſtate artis, nec eiufdẽ ope
indigeat: Horũ miſtione à cauſa efficiẽte

*Epilogus
axiomatũ
huiusce
Apologiae.*

prodire, calore & frigore scilicet in humidum & siccum agentibus, si Aristoteli credimus: Hęc, cum sint inanima, pulsu externo agitari oportere: Causam autē hanc externā in artis potestate esse: Vim insitam & prolificam semini plantarū & animalium infundere, nō artis quidem, sed solius naturæ esse munus: At materiam metallorū imperfectē mistorū resolvere & ad materiam argento & auro proximā reducere, eamque & argētum viuū vulgare perficere, nō solū naturę in mineris terre, sed & extra eas opus esse artis impellentis causas naturales vt agant in subiectam materiā. Formas eorundem metallorū ex perpeſsione materie & corporeis affectibus magis quā ab actionibus iudicari: Eosdem affectus & proportionē argēti & auri in materia illis proxima sola mitione accersiri: Quibus quęſitis & cōparatis in eandem materiā proximam statim argenteā aut auream formam à causā efficiente profilire: Argentū & aurum, præcipuē verò aurum finem esse naturę metallicę mitionis, Vitrum verò finem esse omniū corporum naturalium, quæ corrumpuntur,

& horum materiam tandem in vitrum misceri : Huius & illius scilicet vitri & auri miftionem ab igne esse indiffolubilem : Metalla autem omnia & argentum viuum ad hanc auri miftionem arte reduci per causas naturales , & hinc formam naturalem & substantialem auream in materia oriri : Materiam proximam vnicuique corpori non corrumpi sed perfici : Quæ mifta sunt corpora, si rursus misceantur , perfectiora & nobiliora esse,quàm quæ primò ex quatuor rerum primordijs scilicet elementis cōcreuerunt . Quæ omnia cum æquilibri statera cum Erasti argumentis perpenderitis, Scio vos, qui rerum naturalium periti estis, nec vllis animi perturbationibus vexati estis , iudicatuuros esse me non sine ratione Argyropœiæ & Chrysopœiæ defensionem suscepisse , illum malè & perperam eandem artem falsi damnasse , meque optimo iure ab illius sententia ad tribunal vestrum prouocasse , & quod eum iudicare oportuerat in hac disputatione sententiã illius rescindendo, meamque in contrarium cōfirmãdo, Argyropœiam & Chrysopœiã
artem

Conclusio.

artem esse verissimam pronuntiabitis.

HÆC sunt, quæ in quæstione proposita, An Argyropœia & Chrysopœia sit ars, dicenda & differenda esse existi-
maui, Cui cæteræ quoque quæstiones obiter propter connexionem & coherẽ-
tiam intermistæ sunt, Scilicet, Quid sit,
Quòd sit, & propter quid sit. Quòd si,
ea, quæ prioris quæstionis & confirma-
tionis stabiliendæ gratiâ scripsi, vobis,
qui hæc perlegetis, grata esse intellexe-
ro, de cæteris quoque quæstionibus
Deo optimo maximo fauente luculen-
tiùs posthac aliquid editurum esse, quan-
tum suppetet otij, apud me constitutum
est, idque abstrusum magis, & maiori
admiratione dignum, omniumque uti-
lissimum.

FINIS.

E e



ÆTAT. SVÆ. 60. AN.

AD AVTHOREM huiusce Apologiæ.

*Naturæ aurificas vires dum tentat Erastus
Inscitiæ iaculis euertere, percussus æstro
Invidia, claram illustrat malè prouidus artem:
Namque experta canens libro maledicta refellit
Clouens emissio, quo tela retundit Erasti
In caput: Et recipit demptū Argyropæia nitore.*

I. L.

Ad eundem.

*Quid, liber inuictō duce stas? defecit Erastus,
Nec potuit fixo sistere in arma pede.
Quid metuis frustra valuis inhiare? recessus
Et loca quæque tibi nobiliora patent.
Magna canis, magni est meriti decorarier isto
Munere: Quis magnos ista decere neget?
Ergo age, luce tua lucens audentior ito,
Principis inuicti nomine tutus eris.*

I. B. A.

Ad eundem.

*Chrysopæia libris medici damnatur Erasti,
Quam nec dentepremat liuidiore Theon.*

E c ij

*Sed tantæ illatum repulisti dedecus arti
Compresti rabidas inuidiæque faces.
Chrysopæia etenim per te rediuiua nitescit,
Iamque viget libris Argyropæia tuis.
Sic feret auratis te in cælum gloria pennis,
Et studij capies præmia digna tui.*

Gulielmus Dubroc adolescens.

Ad eundem.

*Sit tibi nulla licet suscepta ex coniuge proles,
Viuerè qua posses, non moriere tamen.
Aurificas peperisti artes prædiuite musa,
Argyropæia etiam diceris esse parens.
Hæc tibi perpetuos decus immortale per annos
Addent, legitimæ proles & instar erunt.*

Stephanus Gascoing adolescens.

*Errata in exemplaribus quibusdam huiusce
Apologiae sic emendanda.*

Pagina.4.lin.14. Tn, legendum est, Tu.
pag.10.lin.penult. expungenda est virgula
apposita post dictionem, Lutetiam. pag.11.lin.
2.post dictionem, Cum,adijcienda est dictio,
nihil. pag.21.lin.penult.grauioribuc,legendū
est,grauioribus. pag.23. lin.6. adfirmo, legen-
dum est,affirmo. pagin.ea.lin.14.atque,legen-
dum est,atque.pag.35.lin.24concrenere, legē-
dum est,concreuere. pag.38.lin.4. forma, le-
gendum est, forma. pag.39.lin.14.exhabet,le-
gendum est, exhalet. pag.48. lin.24. Aqueus,
legendum est, Aqueus. pag.49. in margine,
Quod,legendum est,Quòd.pag.52.lin.1.quàm,
legendum est,quam,pag.ea.lin.10. quod,legē-
dum est,quòd. pag.54.lin.3. iucumbere, legē-
dum est,incumbere. pag.62.lin.15.differentie,
legendum est,differentiæ. pag.64. lin.11. con-
nexa, legendum est, connexa. pag.ea. lin.24.
Argyropœia,legēdum est,Argyrogonia. pag.
70.lin.25.ptantā,legendum est,plātā.pag.84.
in margine,perfecta, legendum est, perfectē.
pag.85.lin.14.argenro, legendum est, argento.
pag.87. in margine, Ærs, legendum est, æs.
pag.ea.lin.10.proximus,legendum est, proxi-
mius.pag.ea.lin.19.minus,legendum est, mi-
nūs,pag.88. lin.12.quòd, legendum est, quod.
pag.93. lin.16. Argyroppœia, legendum est,
Argyropœia. pag.ca.in margine,Cerysopœie,

legendum est, Chrysopœia. pag. 94. lin. 1. mis-
centur, legendum est, misceatur. pag. ea. lin. 14.
imo, legendum est. imò, lin. ea. plus, legendum
est plus. pag. 96. lin. 5. methodos, legendum est,
modos. pag. 103. lin. 19. coacernata, legendum
est, coaceruata, pag. 114. lin. 15. maius, legédum
est, maius. pag. 115. lin. 10. post vocabulum, Ar-
gyropœia, addendum est & Chrysopœia. pag.
117. lin. 25. post vocabulum, Argyropœia ad-
dendum est, & Chrysopœia. pag. 120. in mar-
gine ad augeri, legédum est adaugeri. pag. 125.
lin. 21. opinionem tuam, legendum est, opinio
tua. linea sequenti, euertere, legendum est, e-
uertenda. pag. 126. lin. 7. cognitionem, legen-
dum est, cognitionem. pag. ea. lin. vltima, euim,
legendum est, enim. pag. 127. lin. 2. post voca-
bulum, immerfa, addendum est, est, & pag. ea.
lin. 11. confuse, legendum est, confusè. pag. ea.
lin. 25. terræ, legendum est, terræ. pag. 128. lin.
21. consentiro, legendum est, consentire. pag.
143. lin. 24. Imo, legendum est, imò. pag. 146.
lin. 4. communi, legendum est, communia. pag.
ea. lin. 18. Nouum, legendum, Nonum. pag. ea.
lin. penult. imo, legendum est, imò. pag. 148. lin.
22. nec, legendum est, nec. pag. 152. lin. 1. scrip-
sere, legendum est, scripsere. pag. ea. lin. 16. quod-
que, legendum est quodque. pag. 154. lin. 20.
damnandum, legendum est, damnandam. pag.
ea. lin. 25. nostrorum, legendum est, nostrorum.
pag. 155. lin. 8. eandemque, legendum est, ean-
demque. pag. 159. lin. 23. quàm, legendum

est,quam. pag.162. in margine, adtributa, le-
gendum est, adhibita. pag.ea.lin.vlt. imo, le-
gendum est, imò. pag.164.lin.25. separatim, le-
gendum est, separatam. pag. 166.lin.13.separa-
tim,legendum est, separatam. pag. 170.lin.vlt.
indistinctè,legendum est,indistinctè.pag.174.
in margine,diffœrentia,legendum est differen-
tia.pag.179.lin.11.quartum,legendum est, pri-
mum.pag.180.lin.14.perfectissimam,legendũ
est,perfectissimum.pag.181. lin.antepe. tertiũ,
legendum est,tertium.pag.183.lin.3.repenten-
da,legendum est,repetẽda.pag.185.lin.22.ean-
dem,legendum est, eadem. lin.sequ. formam
in sculpere,legendum est, forma in sculpenda.
pag.191.lin.4.metallorum,legendum est, phi-
losophicus.pag.200.lin.16.vigesimum, legen-
dum est,trigesimũ.pag.207.lin.10.secundum,
legendum est,tertium,pag.208.lin.1.ars, legẽ-
dum est,ais. pag.ead.lin.25.aduersus,legendũ
est aduersus. pag. 214.in margine, Epilogus,
legendum est,Epilogus.

